













22,669/B

X. 10

J. XVIII

18/f





Digitized by the Internet Archive  
in 2018 with funding from  
Wellcome Library

<https://archive.org/details/b30500722>







# TRACTATUS PATHOLOGICUS

D E

AFFECTIBUS FEMINARUM

PRÆTERNATURALIBUS,

Auctore DD. GERALDO FITZERALD, Regis  
Consiliario & Medico, in almâ Monf-  
pelienſium Medicorum Academia Profef-  
ſore Regio Digniffimo.

*Opus poſthumum, reviſum & emendatum.*



P A R I S I I S,

Apud DURAND, viâ San-Jacobeâ, ſub ſigno  
Griphi.

---

M. DCC. LIV.

*Cum Approbatione & Privilegio Regis.*









# INDEX.

## SECTIO PRIMA.

De chronicis feminarum affectibus.

CAP. I.	<i>DE Chorosi,</i>	pag. I
CAP. II.	<i>De mensium suppressione,</i>	26
CAP. III.	<i>De immodico mensium fluxu,</i>	48
CAP. IV.	<i>De fluore albo,</i>	67
CAP. V.	<i>De uteri hydrope,</i>	90
CAP. VI.	<i>De uteri prolapsu,</i>	113
CAP. VII.	<i>De cancroso uteri tumore,</i>	137
CAP. VIII.	<i>De passione histericâ,</i>	160

## SECTIO SECUNDA.

De morbis mulierum acutis.

CAP. I.	<i>De furore uterino,</i>	185
CAP. II.	<i>De uteri inflammatione,</i>	208
CAP. III.	<i>De abortu,</i>	230
CAP. IV.	<i>De partu difficili,</i>	253
CAP. V.	<i>De immodico lochiorum fluxu,</i>	475

CAP. VI. *De lochiorum suppressione*, 292

CAP. VII. *De febre lactea*, 306

CAP. VII. *De dolorificis vel saltem tactu  
& visu fœdis mammarum, & abdominis  
post partum rugis*, 320



TRACTATUS





# TRACTATUS *PATHOLOGICUS*

DE

AFFECTIBUS FEMINARUM

*PRÆTERNATURALIBUS.*


---

## PRO ÆMIUM.



UXTA sexûs diversitatem, omnes ferè pathologiæ scriptores in viriles & muliebres, morbos diviserunt, utpote quòd, præter eos, qui utrique sexui communes sunt, non pauciprehendantur, quibus nunc viri, nunc feminae solent infestari. Posteriores hosce affectus, feminis nimirum, si non peculiare, saltem familiares magis, jam aggressuri ex cogitata methodo, clarioris doctrinæ gratiâ examinabimus, contagiosa tamen systemata cautè vitando, quæ morborum cu-

rationem non revelare sed celare potius videntur ; & dum affectuum causas & symptomata explicabimus , hoc vel ex cognita partium affectarum labe , vel ex conjecturis , sed saniorum praxi , semper innitentibus , persolvere conabimur. Interim totum huncce Tractatum in duas Sectiones dividemus , in priori scilicet chronicos , in posteriori acutos feminarum morbos distinctis capitibus examinaturi.



## SECTIO PRIMA.

### *De Chronicis Feminarum Affectibus.*

**C**hronicus affectus is est , qui diu & cum periculo durat. Hic ergo muliebres hujus generis morbos examinaturi , præcipuos tantum exponemus ; quare eos ad sequentes reducere juvat , Chlorosim scilicet , mensium suppressionem , immodicum mensium fluxum , fluorem album , uteri hydropem , ejusdem uteri prolapsum , cancrosum uteri tumorem , & passionem hystericam.





## CAPUT PRIMUM.

*De Chlorosi. Morbi descriptio & definitio.*

**Q**Uæ colore præternaturaliter pallido totius corporis habitûs & præsertim faciei ad viridem vel plumbeum vergente conspurcantur feminae, cum notabili membrorum torpore, seu ad motum ineptitudine, respirandi difficultate, dum parum, à consuetis, recedentia perficiuntur exercitia, cordis palpitatione, levioribus de causis, ciborum assuetorum inappetentia, & absurdorum desiderio, illæ, inquam, icteritiâ albâ, febre amatoria, vel quod idem est, chlorosi laborare non immeritò dicuntur, præsertim si nulla fuerint graviditatis indicia.

Symptomatibus jam recensitis accedunt alia, dum diù perseverat morbus, palpebrarum nempe & pedum tumor œdematosus, dolorosa capitis gravitas, arteriarum temporalium pulsatio valida, frequens tristitia; &, si femellæ sunt menstruationi maturæ, menstruorum adest suppressio, aut notabilis imminutio.

Hæc quidem symptomata frequenter observantur, nec tamen omnia ægris omnibus essentialia sunt: quapropter juxta

ea quæ morbi naturæ magis affixa sunt, illum juvat definire. Chlorosis itaque est præternaturalis totius corporis habitûs & præsertim faciei color pallidus, viridis vel plumbeus, membrorum torpore, spirandi difficultate, cordis palpitatione, absurdorum appetitu stipata.

### *MORBI DIFFERENTIÆ.*

Præcipuæ hujus affectûs differentiæ nunc à duratione, nunc à symptomatum vehementia, à compositione, vel à causarum varietate non incongruè desumendæ sunt.

1°. Itaque vel à brevi temporis spatio apparent symptomata, vel per plurimos mensium variorum orbes sui præbent univoca satis indicia; hinc chloroseos divisio in recentem seu incipientem, & confirmatam seu inveteratam.

2°. Vel symptomata numero pauca sunt, nec multum læduntur functiones, vel plurimorum deprehenditur symptomatum concursus, & maxima est functionum læsio; unde levis sive mitis, vel gravis sive vehemens dici potest chlorosis.

3°. Quamvis chlorosis omnis, præsertim confirmata, solidorum simul & liquidorum labem, eamque variam ne-



cessariò indicet, atque adeò morbus sit in rigore compositus, nihilominus tamen in ordine ad praxim non ineptè dividi potest in simplicem, dum notata superiùs symptomata sola: compositam verò, vel ut meliùs dicam complicatam, quando illa cum aliorum morborum signis, hydropis, v. g. skirrhì, &c. deprehenduntur.

4<sup>o</sup>. Licet producendæ chlorosi variæ faveant causæ, ut inferiùs ostendemus, duplex præcipuè humorum status in ordine ad praxim sedulò considerandus est: status scilicet in quo dissoluta, & status in quo inspissata vel coagulata est humorum massa. Hinc penes causas verè medicas duplex est chlorosis: una quæ à dissolutis, altera quæ à densatis inducitur liquidis.

### *C A U S Æ.*

In assignanda chloroseos causa non solum veteres sed & etiam recentiores Medici impensè sudarunt, variasque parùm stabilitis innixas conjecturis insomniarunt hypotheses; ex quibus tres, majorem nempe veri speciem præ se ferentes, juvat afferre, eo tamen fine ut examini subjiciantur. Nonnulli itaque solius uteri obstructionem pro genuina

chloroseos causa effinxerunt; alii quorumcumque viscerum obstructions accusarunt; alii demum partium lymphaticarum redundantiam, vel saltem globulorum purpureorum defectum pro hujus affectus causa admittunt immediata.

Verum ex memoratis opinionibus nullam veram esse in rigore cursim demonstrabimus.

Et 1°. quidem uterum obstructionibus affici imò & tumoribus verè skirrhosis, nullis apparentibus chloroseos indiciis docet quotidiana praxis, & demonstrat cadaverum apertio; præterea infinitis propemodum observationibus constat non feminas tantum, sed pueros virosque hoc malo infestari. Viginti quatuor aut circiter annos natum vidimus medicinæ alumnum, per completum duodecim mensium orbem, essentialibus chloroseos symptomatibus laborantem, & methodo communi sanavimus: ex quibus manifestum est uterum obstructionibus gravissimis & inveteratis affici, quin necessariò succedat chlorosis; veramque dari chlorosim, citra uteri vitium, imò ubi nullus datur. Ergo uteri obstructions non possunt haberi pro necessaria hujus morbi causa.

2°. Quod de uteri obstructionibus



absque chlorosi, jam dictum est, idem & quoque de cæterorum viscerum obstructionibus, intelligi debet. Omni autem skirrhusi humoris stadio afficitur hepar, v. g. lien, mezenterium; quin tamen ulla appareant chloroseos signa, & hoc secundæ opinionis falsitatem demonstrat: verum tamen est viscerum nonnullorum obstructiones, pallidos virginum colores non rarò antecedere, sæpiùs concomitari & frequenter consequi; nec tamen inde colligendum videtur viscerum obstructiones causas esse chloroseos essentielles.

3°. Posterior sententia, cæteris nimirum primo intuitu vero similior, sed æquivoca admodum, summam meretur attentionem. Hujus itaque opinionis fautores audiamus. Flavescit, inquiunt illi, corporis habitus quia flavedine tinctus humor luxuriat, nempe bilis; dum itaque pallefcit præter naturam, debet luxuriare liquidum pallido seu subalbido colore donatum, his pollet qualitatibus humor lymphaticus; inde concludunt chlorosim oriri immediatè ab adaucta humoris lymphatici copia aut saltem globulorum rubrorum defectu.

Hæc quidem opinio movet, vel suspensam quasi tenet imaginationis aciem:

sed examini semel subdita falsa prorsus demonstratur. Nam non ideò flavescit corpus quia flavus humor seu bilis abundat, hepar enim per plurimas annorum series skirrhosum est sine ictero, & icterus subitò sæpe supervenit viperæ mor sui, cujus analogiam cum bilis redundantia penitus ignoramus; nec ideo pallidus evadit corporis habitus, quia lymphaticus abundat humor. In diabete autem, alvi fluxu seroso-lymphatico, aliisque morbis, quibus totum corpus lymphâ privatur, hoc frequentius accidit. Præterea plumbeus, seu viridis corporis color, qui febre amatoriâ laborantibus non minus frequens est quam pallidus, à nullo humore peculiari redundante deduci potest; idem & quoque dicendum de pallido.

Hinc chloroseos causam proximam deducimus ex mutata humorum superficie, quod ratione & experienciâ comprobatur. 1<sup>o</sup>. Ratione: nam pro varia humorum superficie diversos mutari colores evidens est; idem enim accidit ac in collo columbæ & in cauda pavonis. Præterea pro diversa superficie dispositione, vel diversimodè juxta Cartesium, vel peculiare tantum & distinctos reflecti radios juxta Newtonum in confesso est.



2°. *Experientiâ* : nam in varice & echimosi hærens sanguis varios inducit colores. Dum multifariâ mutatur illius superficies 1°. scilicet color intensè rubicundus est, quia scilicet humores adhuc vividè nimis agitantur. 2°. Evadit lividus, quia motus retardatur & præpeditur progressivus humorum circuitus. 3°. Tandem succedit niger vel ad nigrum vergens, quia motus ad sensum sufflaminatur.

Hanc verò peculiarem humorum superficiem determinare, quæ nunc viridem, plumbeum, vel pallidum colorem inducit, vetat & nondum cognita colorum præsertim secundariorum causa, & ex tali cognitione ad illustrandam Medicinæ praxim oriunda parùm notabilis utilitas. Nobis itaque sufficiat scire diversum in chlorosi conspicuum colorem mutatæ humorum superficiiei immediate deberi : mutatur autem hæc superficies, vel quia liquorum particulæ dissociantur, vel quia nimis adunantur.

Binas hæc chloroseos causas conjunctas variæ inducunt causæ procatacticæ. Et 1°. quidem humorum dissolutioni inferendæ favent alimenta falsa, piperata, aromatica, liquorum ardentium & spirituosorum abusus, vehementiora animi

pathemata, immoderata exercitia & consimilia; quarum causarum efficaciam auget prævia corporis dispositio, cum scilicet aridum, siccum & biliosum est temperamentum. 2°. Liqueorum spissitudinem procreant alimenta acida, austera, farinosa, glutinosa, terrestria, affectus animi tristes, ut mœror & tristitia, meditationes repetitæ, ærumnæ amatoriæ, &c. Harum causarum effectus promptior est, quando temperamentum est melancholicum; contumax à vino abstinentia, & aquarum, terrenis vel sulphureis particulis, gravidarum, potus, suum pariter conferunt symbolum. Unde infantium utriusque sexûs Monspeliensium, paucis abhinc annis, frequentior chlorosis, nunc verò rarior ob mutatam nutriendi normam.

### *SYMPTOMATA.*

Ex stabilita jam theoria, chloroseos symptomata varia facili Marte poterunt explicari.

1°. Pallidus, plumbeus vel viridis cutis est color, quia circulantium humorum superficies diversimodè mutatur.

2°. Adest membrorum torpor, hæcque motibus consuetis edendis imparia redduntur, quia musculares fibræ à dis-

Solutis humoribus non satis tenduntur, vel à condensata nimis humorum mole aggravantur.

3°. Vel in levibus exercitiis anhelosa est respiratio, quia torpida hactenus liquida, novâ jam musculorum actione, in pulmonaria vascula tumultuariè trunduntur. Hinc & quoque cordis palpitationo, anxietas, lipothymia.

4°. Frequens est assuetorum alimenterum inappetentia, quia fibræ ventriculi vel non tenduntur, vel opprimuntur; & inde suscipiendis impressionibus ineptæ fiunt; aut demum quia fluida producendis vibrationibus destinata, vapida sunt.

5°. Edematoso tumore afficiuntur partes variæ, quia in laxatarum fibrarum cellulis serum lymphaticum cumulatur.

6°. Efformantur obstructions variæ, quia tartareæ magis humorum partes nimis, partium viscosarum ministerio, adunatæ in strictis simul & tortuosis vasorum meandris colliguntur.

7°. Demum absurda appetuntur: sed symptoma hoc paulò fusiùs explicandum est. Appetuntur absurda, inquiunt, nec infimæ notæ, recentiores Medici, quia vitiatur saliva, & liquidum hoc vitiatur ab eadem causa à qua pender



chlorosis, vel à tinctura, quæ, penetrantioris salivæ beneficio, ex absurdis elicetur. At 1<sup>o</sup>. multifariam vitiari solet liquor salivalis, quin appetantur absurda, ut patet in scorbuto, ulcere gingivarum, aliisque harumce partium morbis laborantibus. 2<sup>o</sup>. Ex vitio quidem salivæ suboriri solet assuetorum fastidium ut ptyalismis affectis accidit: sed absurda inde appeti, nec explicari, nec concipi potest. 3<sup>o</sup>. Ideò assumuntur absurda, quia appetuntur, eorundem itaque appetitus antecedit suppositam tincturam. 4<sup>o</sup>. Absurda seu inassueta assumuntur varia, quæ salivæ actioni resistunt, & ex quibus nullam elicit tincturam ut aciculæ, ferrum, fossilia varia, &c. 5<sup>o</sup>. Feminae chlorosi affectæ desiderant quidem vel absurda vel inassueta non ut ea assumant, sed ut contrectare & numerare valeant, ex quibus planè patet symptoma hoc non in salivæ vitium esse refundendum.

Ideò itaque appetuntur absurda, quia grata menti repræsentantur; & ideò sic repræsentantur quia errat imaginatio. Imaginationis ergo distincta læsio accusanda est, prout diversa appetuntur absurda: huic imaginationis errori inducendo favere viscerum obstructions, humorum dissolutionem, eorundemve spissitudinem ultrò fatemur.

*DIAGNOSIS.*

In stabiliendis morbi cujusvis signis diagnosticis trifariam progrediendum est: habenda scilicet generalis morbi notitia, distinguendus ab omni alio affectu quocum confundi potest, & demum sedulo distinguendæ illius affectûs differentiæ & causæ.

1°. Itaque ut habeatur idea generalis chloroseos, examinanda sunt ea quæ superius dicta sunt dum de differentiis, causis, & symptomatibus sermo erat.

2°. Ab icteritia flava & nigra distinguitur per colorem, distingui quoque potest quadantenus à fecundationis principio per ægræ relatum; & si veritatem celare nitatur, ut sæpius observavimus, laudabili utendum est astutiâ: cautè scilicet examinanda est præcedens ægræ vita, & an cum viro commercium habuerit; sed si hoc detegi nequit, quæri debet num subito invaserint symptomata vel tacito tantum gressu. In priori enim casu fecundationem: in posteriori verò chlorosim licet suspicari; bimestris enim & trimestris graviditas mensium suppressione, & tumore uteri dignoscitur. Prudens tamen Medicus vel nulla vel innocua prorsus præscribit medicamina, si vel

minima fuerit de graviditate ſuſpicio; Distinguitur demùm chloroſis à cachexia ( in quam tamen non rarò deſinit); in ſimplici enim chloroſi tument tantùm partes peculiareſ, tibia ſcilicet & palpebræ; in cachexia verò laxantur fibræ omneſ, & diſſolutorum liquidorum ſubſiſtentiâ tumefiunt. Adde quod in cachexia nullus ſit abſurdorum appetitus, quod ſymptoma velut pathognomicum eſt in febre amatoria.

3°. Tandem jam diſtinguendæ ſunt diverſæ chloroſeoſ ſpecieſ variæve differentiæ, & ſedulo connotanda eſt cauſarum diverſitas. Verùm quod differentiaſ ſpectat, illæ ex iis, quæ ſuperiùſ dictæ ſunt, manifeſtæ ſatiſ evadunt. Recenſ enim ab inveterata, & ſimplex à complicata chloroſi facilè diſtinguitur: ſed diverſæ cauſæ majorem merentur attentionem, utpote quòd circa earum notitiam felix verſetur curationiſ cardo. Chloroſiſ itaque quæ à diſſolutiſ pender humoribuſ diſtingui poteſt ab ea, quæ liquorum condenſationi debetur, corporiſ temperamento, evacuationiſ menſtrualiſ rhythmo, & ſanguiniſ extracti inſpectione. 1°. Quidem feminae gracili corporiſ habitu donatæ, dum chloroſi laborant, emaciatione conſectæ ſunt,



ad iram vel levi de causa suscipiendam summè proclives; dissolutum liquorum textum quadantenùs indicant. 2<sup>o</sup>. Quibus dissociantur nimis humorum moleculæ & menstruationi maturæ sunt, fluunt menses decolores quidem & loturæ carniū haud multū ab similes. 3<sup>o</sup>. Pallidis coloribus affectarum sanguis è venis eductus & in patellam emissus, multam seroso-lymphatici humoris copiam supeditat, & superstites globuli, levi admodū nexu uniti confusim fluitant, dum dissolutio causa est. Ex adverso quibus compacta est & densata humorum massa, fortes sunt & carnosæ, supprimitur vel imminuitur menstruorum evacuatio; & si earumdem sanguis in patellam effundatur, totus ferè in coagulum abit, plurimæque illius partes vasis lateribus quasi impactæ adhærent.

### *P R O G N O S I S.*

Signa chloroseos prognostica variare possunt prout variant circumstantiæ plurimæ: nam 1<sup>o</sup>. inveterata recenti, complicata simplici periculosior. 2<sup>o</sup>. Ætate provectiores junioribus magis periclitantur. 3<sup>o</sup>. Quæ labe quâdam prægressâ afficiuntur femellæ, ut pectoris angustia, scorbuto, lue venereâ & consimilibus,

periculo certiori exponuntur quam illæ quæ sano alioquin corpore in chlorosim solent incidere. 4°. Dissoluta sanguinis constitutio majus, cæteris paribus, portendit periculum quàm condensata seu viscosa. Ratio evidens est : nam 1°. faciliùs longè atteruntur concreta liquida, quàm dissociata, nexui nativo restituuntur. 2°. Feminae, quarum liquida in chlorosi inspissata sunt, corpora habent plerumque carnosa, & hinc sine noxa iteratos purgantium medicamentorum stimulos pati possunt. Ægræ verò aridæ, biliosæ & quarum liquida dissoluta sunt, purgantibus etiam levioribus haud rarò læduntur. 3°. In chlorosi à condensatione ortum ducente, vel pauciores sunt obstructiones, vel si quæ adfuerint, iisdem prorsus remediis ac ipsamet spissitudo sanantur ; in illa verò chlorosi quæ dissolutionem pro causa agnoscit, sero-lymphatici humoris separatione ab induratis viscosisque partibus, plures necessariò formantur obstructiones curatu difficiles, vel ex eo quod remedia huic operi exequendo idonea conjunctam humorum dissolutionem adaugeant. Hoc tamen de chlorosi in genere dici potest, morbum scilicet esse chronicum, & contumacem sed non periculosum ; si tamen

nimis negligatur, vel feminas reddit steriles, vel earum proles morbosæ & debiles futuræ sunt. Præterea si altas semel egerit radices, skirrhosas concretiones, contumaces febres, varias hydropum species, cachexiam aut morbos non tantum curatu difficiles, sed & mortem sæpè laturos solet inducere.

*CURATIO.*

Ad curandam chlorosim sedulò attendendum est ad causas morbum necessariò producentes: ex his enim probè cognitis curatorias indicationes deducet prudens Medicus, qui ut certo procedat ordine duas sibi fingere potest virgines, feminasve quascumque, quarum una, ut suprà dictum est, chlorosi laborans temperamento donatur bilioso, cujus corpus siccum est & gracile, &c. altera verò carnosa satis & temperamentum habet pituitoso-melancholicum, &c. Inter has quidem chloroseos species nonnullæ reperiuntur quæ ex utraque participant, & nunc in unam, nunc verò in aliam magis inclinant, & hinc exercendæ sagacis Medici vigiliæ. Observandum insuper varias, si non omnes, soli mutatione, exercitii beneficio, & matrimonii præsertim ope sanatas fuisse, sine alio



remediorum apparatu. At si laudata auxilia vel nequeant commodè applicari, vel si applicata parùm proficiant, ad efficaciora, tanquam ad sacram anchoram, confugiendum remedia, juxta binos status jamjam propositos.

1°. Itaque chlorosim considerando ab humorum dissolutione oriundam in corpore gracili & bilioso, hæ sunt indicationes curatoria 1°. ut arida seu exsiccata partes solida laxentur, & dissoluta liquida appropriato fluido nexui nativo restituantur. 2°. Ut tacito gressu obstructions tollantur. Hæc tamen medicamina, ut optatos fines feliciùs adipiscantur, à venæ sectione & purgatione leni inchoandum est.

Præscriptâ ergo venæ sectione unâ & alterâ vel in brachio vel in pede, si immineat proximè menstruationis suppressæ vel notabiliter imminutæ tempus, purgatio sequens aut consimilis institui potest.

℞. Sennæ mundatæ ʒij. Rhabarbari electi ʒj. Summitatum Absinthii p. ij. coque in f. q. aquæ fontis. Colaturæ ʒv. dissolve Mannæ optimæ ʒj. & Syrupi florum persicorum ʒj. Fiat potio.

Dein instituatur diæta humectans, &

leviter aperiens ; nutriatur itaque ægra juniorum animalium carne succo copioso abundante ; frequens sit offarum jure refertarum usus , copiosus sit ptisanæ sequentis , vel consimilis potus ordinarius.

℞. Radicum graminis ʒj. foliorum capillorum veneris m. ʒ. hordei integri m. ʒ. coque leviter ad hordei crepaturam in aquæ communis , in qua ferrum candens extinctum fuerit , lb. iv. coletur & fervetur pro potu ordinario.

Præscriptâ sic convenienti diætâ , præscribenda essent antiquorum apozemata appropriata : sed quia à neoterics penitus neglecta sunt , nescio an bonis malisve ægrotantium rebus ; ad juscula huic statui convenientia & per decem dies sumenda confugimus.

℞. Radicum fragariæ & acetosæ ana ʒj. foliorum fumaris & dentis leonis ana m. j. Adde tartari chalybeati solubilis ʒ. ʒ. coque cum frustulo carnis vitulinæ. Fiat jusculum manè assumendum.

Finito jusculorum usu , si astricta fuerit alvus , notato superiùs purgamine la-

xanda est, nisi obstet febrilis æstus, vel corporis calor, quo in casu vena iterum secanda est, & postea sequens enema injiciendum.

℥. Foliorum malvæ & brancae urinae ana m. j. feminis lini contusi  
 ℥ss. coque in f. q. aquæ communis.  
 Colaturæ ℥bj. Adde cassiæ recentis extractæ ℥i ss. Fiat enema.

Postridiè ingrediatur ægra longè à pastu balneum aquæ tepidæ bis in die, modò vires ferant, semel tantum, si aquarum pondus corpus nequeat sine noxa sustinere, in eodem maneat per spatium unius horæ: Aquæ calor talis sit oportet ut nec sudor eliciatur, nec externi aëris, nec prementis liquidi frigiditas percipiatur. In egressu è balneo præsertim matutino, capiat jusculum superius præscriptum, continuandum per totum balnei tempus.

Finito balneorum usu leviores aquæ minerales chalybeatæ epotandæ sunt ad dosim duarum aut trium librarum, manè, jejuno ventriculo, imò & pro potu ordinario, si earum sapor nullatenus ingratus fuerit, ut observare est in nostris aquis Meynensibus, Lodovensibus, aliisque quibus lautè scatet nostra hæc Oc-



citaniæ provincia. Continuandusharumce aquarum relaxantium simul & deobstruentium usus per mensem integrum; & si debilitatus alioquin ventriculus earum frigus ægrè patiatur, epotari poterunt postquàm in mariæ balneo frigiditatem deposuerint.

Laxatis sic vasis, referatis quadante-nus obstructionibus & restitutâ humorum fluiditate, purgato leniter corpore, vaccinum lac coctum, vel asininum crudum, per mensem aut circiter continuandum apprimè convenit; & si post illius usum perseverent adhuc obstructionum indicia, fortiora quidem aperientia præscribenda sunt, de quibus jam agemus in secundo casu.

2°. Chlorosim si spectemus à liquorum spissitudine oriundam, & in qua temperies pituitoso-melancholica & sat carnosa deprehenditur, has offert curatorias indicat ones adimplendas. 1°. Nempe ut luxuriantia liquida modo paulo efficaciori, quàm in altero casu evacuentur. 2°. Fortiora instituenda sunt aperientia, ut spissitudo notabilis dissoctatione partium corrigatur, & ut liquorum in flexuosis vasorum minimorum meandris delitescens crassamentum dissolvatur: neque enim inflammationis aut

ardoris ullum imminet periculum. Quapropter institui poteſt diætâ aperiens & leviter exſiccans. Veſcatur itaque ægra carnibus aſſatis vel elixis, vel iis quæ volatilibus ſcatent particulis, quales ſunt turdi, perdicis, fringillæ & columbæ carnes, minùs frequens ſit offarum uſus, niſi ex eorundem vel conſimilium animalium carnibus conficiantur, & herbarum aperientium, apii ſcilicet, aſparagi, naſturtii, &c. fortiori decocto requiſitam acquiſiverint activitatem pro potu ordinario præſcribi poteſt ſequens, vel parùm ab illa recedens ptifana, ſingulo cujus cyatho miſceri poteſt vinum ad totius liquoris immutandum notabiliter colorem.

℞. Radicum anonidis, & petroſelini ana ℥ij. foliorum eryſimi, naſturtii & ruthæ ana m. ſſ. coque in aquæ fontis ℔vj. colaturæ infunde ferrum ignis torturâ candidum. Fiat ptifana.

Stabilitâ ſemel diætâ, unica tantùm inſtituenda eſt venæ ſectio vel in brachio, ſi plethoræ tantùm habeatur ratio, vel in malleolo, ſi ſuppreſſæ reſtituendæ ſunt menſtruales purgationes, nec liquoribus turgeat uterus. At ſi laxus appareat cor,

poris habitus, vel notabilia fuerint œdematosorum tumorum indicia, ab omni venæ sectione cautè abstinendum est, & ad purgationem confugiendum normâ sequenti præscribendam.

℞. Sennæ mundatæ ℥ij. rhei electi & tartari solubilis ana ʒj. coque in f. q. aquæ fontis; colaturæ ℥vj. dissolve mannæ optimæ ℥i adde sirupi de rhammo cathartico ℥j. fiat potio.

Loco sirupi jam præscripti si simplex sit humorum turgescencia, sine ullo œdematis indicio, jalappa, diagredium vel consimilia præscribenda sunt.

Purgato semel corpore juscula validè satis aperientia, & per quindecim dies continuanda, instituenda sunt.

℞. Radicum anonidis, eryngii & rubiæ tinctorum ana ℥j. limaturæ ferri rubiginosæ in nodulo suspensæ ʒiij. rhei contusi in nodulo suspensi ʒß. coque per horam iß. in jusculo carnis vervecinæ aut vitulinæ: sub finem coctionis adde foliorum pimpinellæ, fumaris, & adianthi ana m. i. coq. per horæ quadrantem; coletur & exprimatur, ut fiat jusculum.

Assumpto semel jusculo deambulet



ægra, vel curru vehatur per unius alteriusve horæ spatium; his enim exercitiis tenuiores remediorum partes citiùs humoribus miscentur, & delitescencia liquida magis dividuntur, minùsque oppressa solida aggravantur.

Finitis iusculis, & corpore ut suprà purgato, succedat opiata aperiens & purgans, qualis est sequens.

℥. Croci martis aperientis maiali rore præparati ℥j. rhei electi pulverati ℥xij. salis tartari, absinthii, & centaurei minoris ana ℥vj. antimonii diaphoretici & æthiopis mineralis ana ℥x. jalappæ, & diagredii ana ℥viij. & cum s. q. sirupi de absinthio fiat opiata pro una dosi per quindecim dies continuanda, & superbibendo iusculum ex radicibus & foliis aperientibus cum sola carne confectum.

Laudatæ transacto opiatæ usu, vel ablatæ sunt obstructiones, vel saltem à vasorum flexuris per frustula quasi separatæ sunt, & liquorum massa quadantenùs divisa, hinc instituenda sunt vehicula aperientibus acuata, ut sunt aquæ minerales chalybeatæ, superiùs verò præscriptis paulò fortiores, quales sunt aquæ Vallenfes, Camaretenses, aliæve id genus; hæ aquæ  
epotari

epotari solent manè jejuno ventriculo ad decem aut circiter librarum pondus, continuando per spatium novem dierum, & dissolvendo aut mannam aut sal Anglicanum vel consimile in primo, prioris, & ultimo, posterioris diei cyatho.

His ita peractis, ut perfecta absolva-  
tur curatio, stomachum roborantia le-  
vemque diaphoresim moventia haud in-  
congruè videntur competere, qualia sunt  
juscula ex cancris fluviatilibus confecta,  
& per novem dies continuanda.

℥. Cancrorum fluviatilium in aqua  
calida perfectè extinctorum, & in mor-  
tario contusorum, par. v. foliorum agri-  
monia, fumaria, & nasturtii aquatici  
ana m. j. coque per horam unam &  
semissem cum frustulo carnis verve-  
cina, vase clauso, coletur & expri-  
matur.

Priusquàm deferamus hanc chloroseos  
curandi methodum, nonnulla observatu  
digna connotanda sunt: 1°. Quòd balnea  
in altero casu toties laudata, parciùs insti-  
tuenda sint hyemali quàm æstivo tem-  
pore. 2°. Eorum loco instituenda vel se-  
micupia, vel fomenta varia, si conna-  
tum sit pectoris vitium, aut internæ con-

cretiones skirrhosæ deprehendantur. 3°. In regionibus calidioribus aperientia vel nullo modo, vel parciùs præscribenda esse æstate. 4°. Non unâ tantùm vice sed repetitis temporibus renovanda esse remedia in utraque chloroseos specie. 5°. Remedia peculiaria nonnunquam instituenda esse, ut patet ex variorum practicorum observatis.

---

## C A P U T I I.

### *De suppressione Mensium. Morbi descriptio & definitio.*

**P**Er feminarum non gravidarum pudenta ab anno duodecimo ad quinquagesimum aut circumcircuità annum semel in mense fluere solent liquida quædam plerumque rubicunda; hæcque evacuatio menstrualis non tantùm ad depurandam sanguinis massam, sed & etiam ut uteri substantia fecundationi aptior reddatur, summè necessariâ est, nisi consuetos & à natura præfixos excedat limites, id est, si supprimatur, vel ultra modum augeatur: qui quidem casus functiones lædere solent, symptomatum scilicet catervam accersendo. Hic autem ea juvat examini subicere quæ à sup-



pressis sobolescent catameniis; quæ quidem symptomata numerosa sunt, summamque, pro vario morbi stadio, varietatem patiuntur. 1º. Itaque dum ab uteri labe proficiscitur malum, incipiens suppressio, consimilia, licet paulò graviora, concomitantia habet signa iis, quibus divexantur feminae, antequam erumpant menses: deprehenduntur nempe pondus, dolor & calor in utero, partibus vicinis, & præsertim in illis, quibus uterus ligatur; succedit anxietas, lumborum & capitis dolor, oculorum splendor, faciei rubedo, ciborum fastidium, inappetentia, cardialgia, &c. 2º. Perseverante morbo nunc hujus, nunc alterius corporis partis hæmorrhagia inducitur, vel febris accenditur, vel delirium exsuscitatur, vel tussis & anhelosa respiratio succedit, vel tumores nunc interni, nunc externi patefiunt, brevi in skirrhosos, œdematosos, inflammatorios, vel purulentos abituri. 3º. Omnia in pejus ruunt, accedit enim corporis atrophia, lenta febris, cachexia, hydrops, &c.

Verùm hæc symptomata simul sumpta, nec omni mensium suppressioni essentialia, nec ex illis aliqua peculiariora prorsus sunt suppressioni in genere; quæ

propter morbum hunc juxta laudata signa definire non juvat. Sed ex praxi manifestum est 1°. trifariam fieri posse suppressionem dictæ evacuationis : dum scilicet ex toto aboletur ; dum imminuitur tantum ; & demum dum retardatur. His omnibus , imò & quibuslibet labefactantur ut plurimum machinæ muliebris munia. Hinc

Definiri potest genuina mensium suppressio abolita , imminuta , vel vitiosè retardata illa catameniorum evacuatio , quæ notabilem inducit functionum læsionem.

### *MORBI DIFFERENTIÆ.*

Essentiales hujus affectûs differentia possunt deduci à quintuplici capite : à suppressionis scilicet modo , à morbi duratione , à symptomatum vehementia , à causarum varietate , & demum à compositione.

1°. Quidem vel suppressio hæc totalis est , vel liquidi excernendi copia imminuitur tantum , vel rarior fit hujus humeris evacuatio ; hinc prior abolita , altera imminuta , & tertia suppressio retardata dici potest.

2°. Vel à parvo temporis spatio in-

vasit affectus, vel propriis signis jamdudum innotuit. Hinc aut recens aut inveterata est suppressio.

3°. Vel hujus morbi symptomata mitia sunt, vel vehementia, numerosa vel pauca; indeque suppressio mitis, aut gravis nuncupari potest.

4°. Vel inducitur citata suppressio, aut quia deficient in corpore liquida, aut quia uterus labefactatur, aut quia alibi deferuntur appropriata fluida; inde spectanda est suppressio penes causas inducentes nunc à liquidorum penuria, nonnunquam ab uteri vasorumve uterinarum vitio, & demum à contraria humorum derivatione.

5°. Vel menstrualis tantum purgationis suppressæ signa, vel hæc cum aliorum morborum symptomatis conjuncta sunt; unde suppressionis catameniorum divisio in simplicem & complicatam.

### *C A U S Æ.*

Triplex plerumque causarum genus, ut jam notavimus, inducendæ mensium suppressioni solet favere; quarum quidem causarum actio eundem licet ex æquo producat effectum, ad morbum tamen producendum modis planè diver-



sis concurrit ; hinc causæ proximioris determinatio fat utpote impossibilis , inutilisque ad exercendam praxim consultò prætermittenda est , etsi nonnullis placeat amissa proportio liquida inter uterina & flexuosos uteri tubulos , aliis tubulorum uterinorum imminuta capacitas , tales ideas ceu parùm solidas , nimisque forsan methaphysicas , illis lubenter relinquimus ut causas verè medicas aggrediamur.

Fit itaque mensium suppressio vel quia deficiunt liquida in toto corpore , vel quia alibi determinantur , vel quia in utero turgescencia sibi viam occludunt , vel tandem quia sinuosa uteri infundibula quomodocumque coarctantur & appellenti liquido viam denegant.

1°. Namque deficiente in corpore liquido , deficiat quoque in ductibus secretoriis manifestum est. Deficit autem liquidum in toto corpore , vel quia deficiunt alimenta , vel quia quæ assumuntur nullam aut parùm sufficientem chyli copiam suppeditant ; talemque exhibent chyli copiam aut ratione pravæ assumptionum indolis , aut quia minus energicum evadit digestionis exercitium ; citatæ causæ ab aliis levi operâ determinandis proficiscuntur.

2°. Dum fluida utero addicta alibi feruntur, eorum per uterinos syphunculos, fluxum cohiberi necessum est; alibi autem determinatur humorum, fluxus in narium hæmorrhagia, diabetica evacuatione, alvi fluore, sudore nimio, pertinaci ptyalismò, &c. Dictarum evacuationum causas dignoscet facilè, qui horumce morborum naturam non ignorat.

3°. Subitò collectus & cumulatus in sanguiferis uteri vasculis vivificus cruor, statim quoque comprimi lateraliter posita Ruyschii vascula evidens est, unde mensium suppressio. Sulitò autem in utero colligitur sanguis, si præposterè altera corporis evacuatio inhibetur, si nimis irritentur uterina vascula, ut in æstu venereo, partu difficili, violenta secundinarum extractione, &c.

4°. Tandem, tametsi cætera sana sint, si uteri emissaria, ob imminutum diametrum appellens respuant liquidum, catameniorum suppressionem subsequi planum est: imminuitur autem horumce tubulorum diameter, dum compriuntur à vicinorum vasorum tumoribus quibuscumque, dum intùs viscidis, glutinosis, vel inspissatis liquidis infarciuntur, dum crispationem patiuntur, ut in motibus convulsivis, & in incauta re-

mediorum inspissantium aut astringentium applicatione. Idem & quoque dici potest de lotione pedum in aqua frigida, fluentibus præsertim catameniis.

### *SYMPTOMATA.*

Prout diversæ sunt hujus morbi causæ, diversus suppressionis ordo, vel diversa plurimarum corporis partium dispositio, diversa quoque futura est symptomatum series.

Etenim pendens suppressio à liquorum penuria symptomata habet communia cum affectibus à quibus proficiscitur. Idem dicendum de illa suppressionis specie quæ ab aucto per alia colatoria humorum fluxu sobolescit: imò & retentâ intra corporis vascula hac humorum colluvie, pro varia partium indole & dispositione nunc hanc, nunc illam corporis partem labefactari solemne est. Quod diversum spectat suppressionis modum, ad prognosim potiùs quàm ad symptomata referendum esse judicamus. Examinemus itaque nonnulla ex iis symptomatibus, quæ succedunt mensium suppressioni ab uteri vitio oriundæ.

1°. Itaque in utero deprehenditur ponderis, doloris, & caloris sensatio: col-



lectus enim sanguis, specificâ gravitate ponderat, motu vivido distrahit fibras, repetitisque ictibus vicina vascula fortiter vibrat, eorumque oscillationes validas suscipit: unde uteri pondus, dolor & calor. Hæc eadem symptomata patiuntur partes quibus annectitur uterus.

2<sup>o</sup>. Quæ non evacuantur liquida, per varias corporis partes vagantur, circulationis legibus coercita: hæc membranas cerebri aut pericranii fibras distrahendo, capitis nunc internum, nunc externum inferunt dolorem; sanguifera retinæ aut faciei vascula vel replendo, vel premento, inducunt oculorum splendorem, faciei rubedinem, depravatum, cum succo salivali aut gastrico, miscendo rorem, cibi fastidium & inappetentiam procreant. Posteriora hæc symptomata, sicut & cardialgia, à modo quo conspurcata liquida linguæ & ventriculi fibras replent, opprimunt, irritant, deduci possunt.

3<sup>o</sup>. Omnia in pejus ruunt, dilatata nimis vascula, tandem cedunt valido liquorum appulsui: hinc hemorrhagiæ. Vel si adhucdum resistent, collectâ liquorum copiâ, majori impetu, summâque irregularitate per venosos ductus truduntur in cordis auriculas, inde celeriter &

vitiosè dilatandas. Hanc dilatationem sequitur consimilis auricularum contractio, ventriculorum diastolem, & ejusdem generis systolem, accersura, unde arteriarum celer & vitiosa pulsatio, vel, quod idem est, febrilis æstus; vel plurimùm agitata liquida emporii fibras vividè & irregulariter succutiunt, unde delirium; vel calida adhuc fluida in extremis vasorum colliguntur, & ponè sequenti liquori viam occludunt, unde tumores calidi, vel serosior humorum pars in membranarum cellulis quasi irretita manet, unde tumores œdematosi; vel intùs pertinaciter reclusa sunt liquorum crassamenta, hinc concrectiones skirrhoræ, &c.

4°. Si diù resistat morbus remediis appropriatis, vel parùm convenientia incautè exhibeantur, formantur, aut internæ suppurationes; hinc macies & febris lenta, aut liquidorum compages dissolvitur, & fibrarum tonus debilitatur, unde hydrops, cachexia, &c. Ex hoc morbo tanquam ex uberi radice infiniti malorum rami solent sobolescere, ut ex observatis patebit.

*DIAGNOSIS.*

1°. Ut habeatur clara satis hujus morbi idea, attendendum sedulò ad ea quæ superiùs dicta sunt in descriptione morbi, & ad ægræ, astantiumve relata. His enim plerumque morbi natura innotescit.

2°. Ut ab aliis quibuscumque affectibus probè distinguatur, observandum 1°. suppressionem verè morbosam de qua hîc, distingui ab alia suppressionis specie, quæ ratione sui functiones non lædit: talis est ea, quæ ab humorum penuria proficiscitur, & illa quæ ab exercitiis violentis natales ducit, ut viragibus, saltatricibus, & rusticis nonnunquam accidit. Hoc dignoscitur per præsentiam vel absentiam functionum læsionis: ultimæ autem species rarò munia labefactant, si excipiaturs conceptio. 2°. Probè notanda est feminarum ætas, etenim si menstrua non fluant, in variis præsertim regionibus, nisi post decimum quartum, imò & decimum quintum ætatis annum, non inde tamen suppressio nuncupanda est; idem & quoque dicendum de menstruationis defectu post quinquagesimum annum: hîc enim plerumque



naturalis est. Ætatem verò vel ignorant feminæ , vel notam celare conantur. 3°. Paulò difficilior est in feminis menstruationi maturis morbosam suppressionem distinguere ab ea quæ graviditatis principio familiaris est. Verùm internum uteri orificium apertum est in simplici & morbosa suppressione, clausum in graviditate, habitus corporis color in suppressione defœdatur, à nativo parùm recedit in graviditate; lentè incedunt sæpè symptomata in suppressione, subitò in graviditate; hæc augentur in dies instanti suppressione, sensim mitescunt in graviditate. Nihilominus tamen cautè procedendum est, si vel minima fuerit de graviditate suspicio, ut alibi dictum est.

3°. Probè noscenda est causarum varietas, quæ respectu praxeos ad dua generalia capita reduci potest: 1°. An humorum vitia, 2°. an solidorum labes morbum inducat, foveatque.

Humorum vitia varia sunt, si scilicet deficient, si rarefiant, si crassiores sint, si augeatur eorum moles; status ille humorum distinctis signis cognosci potest. In eorum penuria marcescit corpus, præcessit vel jam concomitatur evacuatio alterius partis, alimentorum defectus,

prava indoles, &c. Status rarefactionis patet ex sicco, biliosoque temperamento, ex summa ad iram propensione, &c. Crassior sanguinis crasis manifestatur signis nullo modo æquivocis, ut hactenus dictum est in chloroseos diagnosi.

Uterinorum verò vasorum labem designant deficientia liquorum vitia, & præsertim procatarctica hujus affectûs causæ, v. g. si succedat mensium suppressio pedum lotioni in aqua frigida, partui difficili, violentæ secundinarum extractioni, notis uteri tumoribus, &c. accusanda quidem est solidorum uterinorum labes. Tandem utrùm abolita, imminuta, vel retardata sit catameniorum suppressio responsis ad interrogata innotescet.

### *P R O G N O S I S.*

Catameniorum suppressionis prognosis varia est pro varietate summa à circumstantiis quamplurimis inducta.

1°. Suppressio illa quæ ab humorum penuria procedit, morborum, quorum comes est, sequitur plerumque prognosim. Si tamen ab alimentorum defectu pendat, gradariâ illorum exhibitione sa-

natur : si verò alibi feratur menstruorum materia , ut in diabete , sudore immani , ptyalismo , &c. sanatis iisdem affectibus , restitui solet menstrualis purgatio.

2°. Turgescentia in utero liquida suppressionem bifariam inducunt , si scilicet rarefiant , vel major eorum moles quæ crassitiem non rarò habet conjunctam , subito sanguifera uteri vascula repleat. Prior suppressio posteriori , curatu plerumque faciliior.

3°. Quæ proficiscitur suppressio menstrualis à vasorum uterinorum labe , maximum sæpè portendit periculum , præcipuè dum à skirrhosis concretionibus , inveteratis ductuum venosorum varicibus , aut arctis vasorum crispaturis diù perseverantibus ortum habet : faciliior verò est curatio dum recens est morbi causa.

4°. Pessima quidem instituenda est morbi indoles , dum in lentam febrem , hydropem , aut cachexiam convertitur : nihilominus tamen miseræ forti non semper committendæ sunt ægræ , etiam in allatis casibus , ut infra patebit.

5°. Tandem omnis quidem catameniorum suppressio nociva est 1°. quia sterilitatem inducit : 2°. quia præpedi-  
tur humorum depuratio : 3°. quia re-



rentus intra feminarum corpus liquor superfluous, diversa inducit mala: cæteris tamen paribus, recens inveteratâ, simplex compositâ, & quæ ab humorum turgescencia, à solidorum labe inductâ longè minùs periculosa est. Minus quoque portendit periculum suppressio imminuta, aut retardata; majus verò abolita, ut vel tonforibus notum est.

### *CURATIO.*

Generalis indicatio curatoria in eo versatur, ut deficiens menstrualis purgatio restituatur; sed 1°. non eodem semper modo, nec iisdem remediorum generibus optata hæc attingitur meta: imò in aliquibus circumstantiis remedia nulla sunt tentanda, ut in virginibus & iis quæ nullum exinde percipiunt incommodum per varias annorum series. Nobis autem jam nota est mulier triginta aut circiter annos nota, cui nunquam fluxere catamena; sterilis quidem est, sed quoad cætera, prosperâ fruitur sanitate.

2°. Remediorum quoque vices gerat oportet diætâ conveniens quando ab alimentorum penuria, aut evacuationibus per alias corporis partes, immoderatis sobolescit malum. Interim tamen

in hoc ultimo casu sistendæ, & præcavendæ sunt tales hemorrhagiæ, & ad uterum tanquam ad nativum canalem determinandus omni operâ humorum fluxus, frictionibus scilicet, lavacris, balneis tepidis, cucurbitulis, & iteratis sanguinis missionibus, ex pedum alterutro, instanti præsertim tempore, quo fluere consueverunt menses.

3°. Dum mensium suppressio depravatam pro causa agnoscit humorum crassim, hæc appropriatis medicaminibus corrigenda est, & ut probè dignoscatur, in mentem sedulò revocandæ sunt diversæ chloroseos indicationes curatoria, de quibus suprà; imò & eadem vel parùm absimilia remedia ministranda sunt.

4°. Si fiat catameniorum suppressio, quia liquoribus turgidus est uterus, priores præsertim venæ sectiones in brachio sunt celebrandæ. Unde veritas observationis secundæ *Centur. 1. Riverii*. Depletis tamen semel uteri vasculis, sed nondum fluentibus catameniis, votis non rarò succedit venæ sectio in talo pro medici prudentia iteranda.

5°. Nec negligenda sunt aliqua remedium genera à majoribus nostris felici successu sæpè usurpata, quæque mira quidem in circumstantiis variis solent præ-

stare, & ciendis mensibus quasi adaptata sunt, indeque emmenagogorum nomine indigitantur, plurimisque sub formulis præscribenda, ptisanarum scilicet, juleporum, jusculeorum, injectionum, lavacrorum, &c. Talia sunt crocus Orientalis, duplex aristolochiæ species, longa nimirum & rotunda, hysopus, pulegium, cinnamomum, origanum, artemisia, &c. Hoc tamen probè notandum illa remedia in humorum orgasmo minimè præscribenda esse, vel saltem non nisi post usum refrigerantium & evacuantium. Tandem plurimæ sobolescent symptomatum strages non rarò ignotæ ex mensium suppressione ut duplici jam referendâ observatione manifestum fiet.

### *OBSERVATIO PRIMA.*

Hujus civitatis mulier viginti quatuor, aut circiter annos nata nostrum expostulavit consilium anno 1722. Carnosa satis apparuit, facies colore verè carneo tincta erat, pulsus æqualis, verbo, primo intuitu sana prorsus videbatur. Verùm exuto linteolo, quod colli regionem obvelabat, tumorem conspeximus immanem, ab una scilicet aure, in alteram protensum, bronchocelarum more, quas



& situ & magnitudine satis aptè repræsentabat: interim tamen hoc intercedebat discrimen, quòd citatus tumor, quò dicta mulier laborabat, tensus, dolorificus, & rubicundus erat, cum notabili duritie quasi cancrofa in distinctis ejus partibus, satis manifesta. Venæ sectiones, cataplasmata ex mica panis cum croco, & levia præscripsimus purgantia. Quæ quidem auxiliorum genera neglexit, & chirurgi cujusdam consilium amplectens, punctis inflammatorii tumoris duris & nigricantibus applicata, passa est medicamenta escharotica, nescio quâ causâ vel ratione. His tamen remediis brevi temporis spatio, dolore immani partis affectæ correpta fuit, ingens sui præbuit indicia febris, & tumoris moles solito magis expansa, rubra & tensa apparuit. Quæ tamen symptomata iterum vocati, repetitis venæ sectionibus, julepis narcoticis, & anodynis clysteribus feliciter sedavimus, remanente semper tumore primario. Alterum postea vocavit chirurgum, cui non ignota forsan erat prægressa ægræ vita, indeque tumidam inunxit partem unguento Neapolitano non solum frustraneo, sed & etiam ingrato prorsus successu; hinc enim accensa est febris, adaucta doloris energia, partis

tumefactio magis notabilis, obstinaces  
vigiliæ, & tandem suffocationis pericu-  
lum proximè imminens. His, tertio vo-  
cati succurrimus symptomatis, morbosæ  
partis lavacris, ut superstitis unguenti  
actio tolleretur, venæ sectione, emulsi-  
onibus, &c. quibus quidem auxiliis priori  
statui iterum restituta fuit. Unde con-  
stans nostrum iteratis precibus exploravit  
consilium, ut primum mali seminium  
auferetur. Nobis itaque prægressa sedulo  
examinantibus facta est se per trium aut  
circiter prægressorum annorum spatium  
cum viro hujus urbis nobili illicitum ha-  
buisse commercium, citra tamen ullam  
luis venereæ suspicionem. Interim tamen  
ex recensito connubio fecunda evasit &  
prolem peperit; hocque ut melius ce-  
laret, secundo à parturitione die appa-  
ruit publicè, & ab illo tempore, tam-  
etsi quolibet mense purgata fuerit, ca-  
tameniorum copiam solitâ minorem esse  
observavit. Hinc statim conjecimus im-  
minutam evacuationem à præcipiti ni-  
mis vasorum uterinorum crispatura oriun-  
dam totius mali causam esse. Sex, sep-  
temve balnea præscrivimus domestica,  
& postea tartarum chalybeatum, per in-  
tegrum mensis spatium, matutinis horis  
assumendum, quibus simplicibus licet

remediis ex toto disparuit tumor , restituta fuerunt catamenia , & ab illo adhuc usque tempora sanitate perfectâ fruitur.

### *OBSERVATIO SECUNDA.*

Matrona nobilis triginta sex annos nata graviditatis tempore febre laborabat tertianâ , & identidem sanguineo per pudenda fluxu. Qualia illi præscripta tunc fuere remedia vel ignorabat ipsa , vel saltem , si ea retulit , in mentem non revoco. Credebant tamen medici omnia disparitura felici parturitione : sed spem fefellit eventus ; nam fœtu robusto satis excluso , succedebant tamen intermittentis febris paroxysmi nullis remediis cedentes , nec consueto post partum tempore , fluxere catamenia , sed repetitis vicibus ex toto suppressa fuere. Interim apparuit in inguine dextro tumor inflammatorius , qui paulò post pure turgidus , medicorum consilio , apertum est , & medicamina suppurationem promoventia adhibita fuere. Interim tamen consimilis pullulabat tumor in inguine altero , pari quoque methodo tractatus. Quid fit ? Accedunt inappetentia cibi , fastidium , febricula & corporis marcor.



Varia, sed frustrà, per duodecim mensium spatium usurpata fuère remedia: symptomatum tamen vehementia gravior evasit. Hinc medicis & familiæ valedixit, Monspelim tanquam ultimum refugium petitura. Verùm dum Burdigalam appulit, longinquæ navigationis tædio defatigata, & inde renovatâ symptomatum tyrannide, debilis adeò evasit, ut propositam attingere itineris metam impar prorsus judicata fuit. Sese itaque notorum satis illius civitatis medicorum & chirurgorum curæ, commisit; qui inter cætera quæ præscripserunt remedia judicantes haud dubiè fœdos tot abscessus, nullisque auxiliorum speciebus cedentes, à lue quadam extranea, præsertim venerea vel produci, vel foveri, mercuriales instituebant frictiones. Hinc copiosa salivatio non solvens, sed irritans causam morbificam; successit enim major symptomatum intensio, & alia hætenus incognita deprehensa sunt, manifesta scilicet febris hæctica, uterinæ regionis tumefactio hydropica, suppuratorii tumores bini juxta lumbares vertebrae utrinque exterius siti, & tandem totalis ad motum muscularem edendum impotentia. Tunc suasæ sunt aquæ Baregenes. Has adiit, lento licet, &

procellis variis agitato gressu nobilis ægra ; hæc interiùs sumptæ & sub balnearum forma exterius sæpè applicatæ , & posterius enati abscessus cultro aperti. Quis inde successus ? Arescit adhuc magis corpus ; indurescit , dolet , & expanditur magis uteri circumferentia , dolores noctù , diùque sævientes exsuscitantur , continuæ sunt vigiliæ , accedit febris tertiana , & alvi profluvium. De ægra ergo conclamatum fuit : nihilominùs tamen nescio quâ aut unde depromptâ animi magnitudine in ultimo quasi vitæ spiritu se huc traducendam ardentè rogavit. Illam itaque tandem vidimus anno 1728. verum quidem , sed vivens sceleton. Et prægressis quadantenus ponderatis , vigiliis , febrem intermittentem & alvi fluxum ab horæis fructibus quibus solis vescebatur , oriunda censuimus , atque adeò symptomata esse naturæ morbi prorsus accidentalìa judicavimus. Illa itaque aggressi anodynis febrifugis , stomachicis , & leviter purgantibus remediis , ex toto intra breve temporis spatium sedavimus ; remanentibus tamen diris morbi prioris symptomatibus , quibus quidem perterriti collegarum , melius dicam , magistrorum non ita pridem , debitâque veneratione co-

lendorum, consilium fervidè expostulavimus, quo inito, matronam sæpiùs laudatam brevi necessariò interituram judicarunt unanimi voce; nec ab ea, ut veritatem fateamur, multùm recessimus opinione, sedulò scilicet scrutati symptomatum syndromen, varios nimirum abscessus, cutem & ossa exedentes (nam nulla musculorum indicia apparebant) febrem hecticam ad ultimum quasi gradum advectam, uteri hydropem, cum tumore ejusdem partis skirrhuso, &c. Interim tamen, pro more solito, casum sæpiùs revolvendo, credidimus tandem omnia hæc, immania licet, symptomata, nullo prorsus excepto, natales duxisse à mensium suppressione, & hinc aliqua futuræ salutis spes affulsit (visâ præsertim ab omni labe penitus immuni pulmonum substantiâ.) Varia itaque præ primis præscripsimus relaxantia semicupia nempe, aquas Meinenfes pro potu ordinario, lac primò ebutyratum, deinde chalybeatum; & postea illis remediis conjunximus tartarum chalybeatum, aliaque aperientia, inter quæ, meo quidem judicio, aperiens medicamen ex limatura chalybis, tartaro crudo & aqua vitæ confectum, in vino albo assumptum per binos menses, mane, je-



juno ventre, totam absolvit curationem. Post trium autem mensium ab adventu spatium, apparuere menstrua, & à dictis symptomatibus, nullo excepto, immunis fuit mulier nobilis, ex utraque facie hypogastrica non solum sana, sed & formosa admodum hinc discessit, & ad hunc usque diem felici gaudet sanitate.

---

### C A P U T I I I.

*De immoderato mensium fluxu. Morbi descriptio & definitio.*

**M**ensium suppressionem plurima sequuntur incommoda, ut capite precedenti probatum est; nec tamen pauciora manifestantur mala, cum eorumdem mensium evacuatio immoderata est: hæc autem evacuatio variis modis intendi solet, indeque generico immoderati fluxûs nomine comprehendî potest. 1°. Scilicet si solito major sit copia. 2°. Si frequentior, quàm par est, fiat illius recursus. 3°. Si ultra consuetum tempus perseveret, & exinde notabilis inducatur functionum læsio.

Utramque

Utramque immoderati fluxûs speciem plurima sequuntur symptomata. In principio quidem corporis habitûs pallor in facie manifestus admodum, virium debilitas, animi deliquium inappetentia cibi, sitis, & spirandi difficultas, &c. Dum verò diu perseverat affectus, notabilia magis evadunt dicta symptomata, & alia longè graviora accedunt, ut febricula, œdematosi tumores, hydropum species, cachexia, fluor albus, &c. Recentia quidem, vel consimilia symptomata frequenter observantur in hoc affectu. Nihilominus breviori, nec minus clara methodo illum juvat definire.

Definiri itaque potest: Illa menstrualis evacuationis species, quæ penes copiam adauctam, frequentiores recursum, vel diuturnitatem, infert notabilem functionum læsionem.

### *D I F F E R E N T I Æ.*

Evidenter hujus morbi differentiæ non ineptè deduci poterunt, vel à modo quo labefactantur munia, vel à morbi duratione, vel à symptomatum vehementia, compositione variâ; vel denuò à causam morbum foventium diversitate.

1°. Namque immoderatus mensium

fluxus ſymptomatum inducit ſeriem, vel quia intra conſuetum tempus ſolito major humoris copia effunditur, vel quia ſæpiùs recurrit evacuatio quàm exigit functionum conſervatio, vel tandem quia, debitâ licet periodo recurrat fluxus, ultra tempus à naturâ conſeſſum perſeuerat: hinc immoderatus menſium fluxus, vel penes adauctam liquidi excreti copiam, vel penes frequentioſem reſuſum, vel penes longioſem ejus durationem nuncupari poteſt.

2°. Vel à parum notabili temporis ſpatio, vel à longâ variorum menſium, & aliquando annorum ſerie ſui præbet indicia immoderata menſtrualis purgaminis evacuatio; hinc prior recens, poſterior verò ſpecies inveterata meritò dicenda eſt.

3°. Vel propria, eaque ſola huius morbi ſymptomata apparent, vel cum illis aliorum affectuum ſymptomata ſociantur: hinc immoderatus menſium, fluxus vel ſimplex, vel complicatus.

4°. Vel priora ſuperiùs recensita ſymptomata, vel poſteriora ibidem relata deprehenduntur: hinc prior levis ſive mitis; poſterior verò ſpecies gravis, & periculofa nuncupanda eſt.

5°. Licet à pluribus cauſis foveatur



hic morbus, ut inferiùs explicabimus, illas tamen hîc ad binas species reducere juvat, ad eas scilicet, quæ vel humorum labem, vel solidorum vitium agnoscunt; hinc immoderatus mensium fluxus, vel ab humoribus vitiatis, vel à labefactatis solidis.

*C A U S Æ.*

Positâ semel præternaturali emissariorum uterinorum amplitudine, immoderatam subsequi mensium evacuationem necessum est; hanc igitur admittimus amplitudinem pro causâ verè proximâ fluxûs immoderati mensium.

A bino autem generali fonte admisam non veremur deducere amplitudinem, à vitio scilicet liquidorum, vel ab ipsorum vasorum labe.

1<sup>o</sup>. Etenim tametsi incernicula nativum conservent statum, si augeatur liquidorum tenuitas, præternaturaliter adaucta excretio necessariò futura est, utpote quod emissariorum capacitas ex se licet naturalis, nimis tamen ampla & hiulca fit, respectivè ad liquida nimis divisa, carpta & attrita.

Atteruntur autem & in minores minoresque moleculas dividuntur liquida

à causis quam plurimis, ab exercitiis nimirum immodicis, nimis vigiliis, à spirituosorum liquorum potatione, ab aquarum calidarum usu præpostero, à febribus ardentibus & colliquativis, à frequenti nimis chalybeatorum & mercurialium usu, ab iterato sæpius coitu, & aliis id genus. Laudatæ causæ certius, promptiusque lugendos producant effectus, dum agræ temperamentum non tantum non resistit, sed ex adverso plurimum favet eorundem actioni: tale est temperamentum siccum, biliosum, acre, & calidum.

2°. Etiam si liquida debitos consistentiæ gradus obtineant retineantque, si syphunculorum uterinorum ora ampla nimis ac dilatata fuerint, immoderatus fluxus menstruorum necessario expectandus est; par enim utrobique militat ratio. Nam si tenuia nimis liquida dictuum uterinorum naturaliter tantum apertorum oscula necessario pervadant, eadem liquida nativam consistentiam servantia per nimis dilatata ostiola fluere cogentur. Aperiantur autem, vel laxantur hæc ostiola à causis quamplurimis: ab uberiori scilicet feri copiâ, à ductuum venosorum varicibus, à nativâ staminum primigeniorum debilitate, à frequentiori

sanguinis in uteri textu stagnatione; hæcque stagnatio induci solet à spissitudine partium sanguinem componentium, vel ab obstructionibus, seu skirrhis concretionibus vasorum, syphunculis uterinis vicinorum hæc enim ultima causa, immodico mensium fluxui, non raro occasionem præbet. Si etenim ex quâcumque causâ, ex centum v. g. vasis uterinis, quinquaginta, quadraginta, aut triginta, &c. obstruantur; per liberiora reliqua vascula sanguinem propelli, & majori mole, & majori impetu necessum est. Hinc amplitudo major ductuum in uteri cavum hiantium, atque adeò immodicus mensium fluxus.

Laudatæ jam causæ generales ab aliis facili negotio detegendis oriundæ, effectus certius solent producere, dum temperamentum melancholicum vel pituitosum est.

### *S Y M P T O M A T A.*

Ex variis symptomatibus quibus hoc morbo affectæ mulieres stipantur, nonnulla tantum frequentia magis juvat explicare.

1<sup>o</sup>. Itaque pallet facies quia solito minor cruoris copia sanguifera faciei vas-



cula irrorat, segniorque evadit imminuti cruoris motus. Imminuitur autem moles, motusque sanguinis faciei tubulos perlustrantis quia per nimis patula uteri ostiola transcolatur uberius vel frequentius, quàm par est.

2°. Fatiscit corporis robur, quia fibræ musculosæ, & nervales non tenduntur: sufficienter autem tendi nequeunt, quia evacuatur major vivifici humoris copia quàm chyli proventu possit refarciri; hinc & quoque animi deliquium.

3°. Ex imminuta sanguinis mole, humorum recrementitiorum massam imminui necessum est. Hinc defectus succi stomachalis, minorque tensio fibrarum ventriculi; inde minùs sensibilis futura est famis sensatio; vel, quod idem est, inappetentia; hinc & quoque molesta fitis, à fibrarum scilicet lingualium, imasque fauces repentium crispatione, oriunda.

4°. Imminutis cruoris mole, & velocitate, rariùs & difficiliùs aperiuntur ductuum secretoriorum ora: hinc minor humorum depuratio, excrementitiorum liquorum generatio major; unde humorum dissociatio, liquorum stases, vasorum obstructions, febres, spirandi difficultates, tumores œdematosi, hydropes, cachexia, &c.

*D I A G N O S I S.*

Generalem hujus morbi notitiam superius tradidimus; distinguitur vel levi operâ ab aliis omnibus, cum quibus nonnulla habet signa communia.

Et 1°. quidem à naturali mensium fluxu, non tantum ægrarum relatu, sed ex eo quòd naturalis fiat cum menstruantis levamine; morbosus verò, seu immodicus cum notabili functionum læsione.

2°. A gonorrhæâ discrepat virulentiâ: in hac enim dolent, calentque præter naturam genitales mulierum partes; nihil tale in simplici mensium fluxu immodico deprehenditur. Præterea constans ferè est materiæ albicantis, viridescantis aut subflavæ effluvium in gonorrhæâ: interpolatum verò seu statis temporibus recurrens humoris rubri, seu ad ruborem proximè vergentis profluvium in immoderatâ mensium evacuatione. Posterioribus hisce signis à fluore albo distingui potest.

3°. Distinguitur & quoque ab uteri vel vaginæ hæmorrhagiâ; hujus enim causa conjuncta plerumque externa est, & notabilis: immodici verò mensium

fluxûs , interna , & sæpe satis occulta. Præterea constans est cruoris fluxus in hæmorrhagiâ , interpolatus , ut supra dictum est , in immoderato mensium profluvio.

Causæ conjunctæ & verè medicæ innotescunt modo superiùs proposito dum de chloroseos diagnosi , humorum enim dissolutio , aut eorumdem inspissatio rationibus ibidem explicatis patebit.

Quod varias spectat hujus morbi species , illæ quidem inter se haud difficilè distinguuntur : an scilicet incipiens , vel inveteratus , mitis vel gravis , simplex vel compositus sit.

### P R O G N O S I S .

Immodica omnis evacuatio sanguinea periculo plena est ; vires enim frangit , appetitum tollit , sitim procreat , ad febrem lentam , hydropem , vel cachexiam disponit. Immoderatus itaque mensium fluxus in genere periculosus est , imò & aliis evacuationibus periculosior sæpe censendus est ; inceptus enim semel sæpe solet recurrere , sicque adinstar guttæ sæpe cadentis , & lapidem demum cavantis , superiùs repetita contumaciora reddit mala. Qui oritur catameniorum.



fluxus immoderatus, ab insitâ & permanenti solidorum labe, sedari quidem potest, sanari verò nequit ut plurimum. Ex adverso ille qui ab humorum pendet vitio radicalem sæpe admittit curationem, imò si simplex & vera plethora, seu liquorum redundantia, causa fuerit, non sistendus est fluxus, sed naturæ potiùs committendus, vel tenuiori diætâ compescendus: secùs verò ratiocinandum de immoderato fluxu, qui à depravatâ producit humorum qualitate; ille enim curationem expostulat prophylacticam. Cæteris tamen paribus, qui ab humorum dissolutione, difficiliùs, faciliùs verò qui ab eorundem inspissatione sobolescit, sanatur. Immoderati hujus fluxûs causa conjuncta sive ex vasorum labe, vel humorum vitio depromenda difficiliùs dum inveterascit, faciliùs verò sub initium curatur. Idem & quoque dicendum de composito, & simplici mensium fluxu immoderato.

### C U R A T I O.

Immoderati licet mensium fluxûs indicatio generalis curativa in eo consistat ut scilicet cohibeatur: varii tamen sunt status, variæque circumstantiæ in

quibus cautelâ opus eſt, imò in quibus vel nulla prorsùs concedenda ſunt remedia; vel peculiaria, & à communibus penitùs aliena veniunt adminiſtranda, ut patebit ex jam dicendis.

### *OBSERVATIO PRIMA.*

Duas vidimus mulieres plethoricas gulæ ſimul & otio deditas, quibus fluminis ad inſtar menſtrualia per quatuor dierum ſpatium fluere ſolebant purgamina: varia ſumebant remediorum genera ut nobis retulerunt, ſed irritò ſucceſſu. Interim obſervavimus quòd, tametiſi inveterata ſatis fuerit evacuatio in utraque, finitâ tamen fluxûs periodo, ambæ proſperâ fruerentur ſanitate; & hinc non vanâ ſuſpicati ſumus conjeſturâ, morbi ſeminium, in plethoram ſimplicem ab alimentorum aſſumptorum copiâ oriundam, refundendum eſſe. Hinc in unâ, magis nempè repletâ, bis venam ſecari; in alterâ verò minùs ſcilicet plethoricâ, ſemel tantùm, ſuaſimus. Huic ſubjunximus, per aliquot, ante menſium eruptionem, dies, diætam tenuem, eo quidem ſine, ut imminueretur major humorum proventus; & hac ſimplici licet methodo, utraque ſanata fuit.

Ejusdem ferè naturæ observationem non ita pridem relatam audivimus à collegarum uno in re practicâ versatissimo.

*OBSERVATIO SECUNDA.*

Nostrum expostulavit consilium matrona nobilis quadraginta & quinque, aut circiter annos nata, quæ à tribus retro annis, vigesimo quoque die immanem mensium evacuationem passa est, citra ullam notabilem functionum læsionem, excepto tumore pedum & crurum œdematoso, hydropem sanè seriùs aut citiùs minitante, aperientibus nunc, nunc verò refrigerantibus seu jusculis leviter aperientibus, & jusculis ex juniore pullo, feminibus frigidis, &c. confectis, alternatim quot annis usa fuit cum aliquali levamine, consuetis tamen temporibus, redeuntibus fluxu mensium immoderato, vagisque per artus varios doloribus. Hinc extraneam suspicabamur luem, & mariti verbis de venereâ certiores facti, tremulâ quidem manu curationem aggressi sumus, unicam præscribendo venæ sectionem ad uncias tantùm quinque: deinde domestica balnea, quorum effectus assiduè observavimus, ne scilicet eorum usu, propensio hydropica intenderetur;



hæc tamen citra noxam passa est. Tunc frictiones adhibuimus mercuriales, sed parcâ admodum manu, tertio quolibet die. Post secundam frictionem, erumpunt menses, more tamen solito; iterumque adhibitæ sunt unctiones neapolitanæ, & post quartam unctionem, fluunt catamenia, sed in statu verè naturali; dein novarum frictionum ope, evanescunt tumores œdematosi, dolores nulli recurrunt, nativumque ordinem, penes copiam, servant catamenia.

Ex his planè patet varias esse fluxûs immoderati menstrualis species, quarum curatio soli naturæ, vel diætæ ad summum, vel demum peculiaribus remediis committenda est.

At citra citatos aut consimiles casus, remedia sistendo fluxui paria instituenda sunt, quæque ut votis succedant, sedulò ad causas conjunctas attendendum est. Observandum scilicet utrùm humorum massa dissoluta, vel solidorum dispositio ab humorum spissitudine deprompta, depravata fuerit.

In priori enim principalis indicatio curatoria in eo versatur, ut scilicet nativa humoribus concilietur consistentia. Prescribatur itaque diætâ humectans, & incrassans: vescatur ægra cremoribus

oryzæ vel hordei, offis, panatellis, ovis forbilibus, aliisque consimilibus, tempore præsertim actualis fluxûs : extra verò paroxysmum juscula conveniunt incrassantia & astringentia quale est sequens.

℞. Radicum tormentillæ & symphyti majoris ana ℥ij. foliorum portulacæ & lactucæ ana m. j. coquantur per horas duas cum politis vervecini ℔ij. sub finem coctionis adde foliorum acetosæ, m. ℔. coletur & exprimatur, fiat jusculum.

Sit per duodecim dies hujus jusculi usus. Pro potu pariter ordinario præscribi potest sequens ptisana incrassans, & astringens.

℞. Radicum bursæ pastoris & nymphææ ana ℥i℔. coq. in aquæ communis ℔v. ad quartæ partis consumptionem, sub finem coctionis adde rosarum rubrarum m. j. coletur, fiat ptisana.

Huic ptisanæ, si urgeat internus calor, addi potest nitrum purificatum, ad gratam aciditatem.

Si dentur signa hospitantis saburræ

in ventriculo aut inteſtiniſ, convenit ſe-  
quens purgatio.

℞. Rhabarbari contuſi & corticis  
myrobalanorum ana ꝓj. ſeminis lini  
ꝓij. coque in ſ. q. aquæ fontis, cola-  
turæ ꝓv. diſſolve mannæ optimæ ꝓij.  
fiat potio.

Frequens ſit oportet juleporum vel  
opiatarum aſtringentium uſus.

℞. Aquarum lactucæ, & portulacæ  
ana ꝓiij. corallii rubri, oculorum  
cancrorum fluviatilium pulveratorum,  
& ſanguinis draconis ana ꝓj. adde ſi-  
rupi limoniorum ꝓj. fiat julepus, manè  
& ſerò ſumendus.

℞. Conſervæ ſymphyti majoris ꝓß.  
croci martis aſtringentis, & aluminis  
rupei ana ꝓij. & cum ſ. q. ſirupi de  
roſis ſiccis fiat opiata bis pariter in  
die ſumenda.

Lac primò ebutyratum prodeſt, manè  
per novem dies ſumendum, dein vel  
lac aſininum, vel vaccinum integrum,  
& pro omni alimento concedendum eſt  
per meſes integros.



Circa generalem jam stabilitam hujus speciēi fluxūs curationem, nonnulla attentione digna connotanda sunt. 1°. Quidem licet diæta superiùs præscripta in actuali fluxu immodico maximè competat, in fluxuum tamen interstitiis insufficientem esse declaramus. Concedenda itaque diæta fortior ex carnibus nimirum agninis, vitulinis, gal-  
linis, vel pullis junioribus, caponibus, &c. Gelatinæ pariter conveniunt ex cornu cervi, capone pinguiori, vel vitulinis pedibus confectæ. 2°. Superiùs notata fluxūs species nullam omnino indicat per se purgationem: nulla itaque promovenda catharsis, nisi præsto sint saburræ signa, vel ut disponantur primæ viæ ad tolerandum lactis usum. 3°. Tempore præsertim paroxysmi vespertinæ dosi opiatae, aut julepi supra memoratorum addendum esse laudanum, vel liquidum, vel solidum, imò & in paroxysmorum intervallis, si agrypnia extiterit, asserere non veremur. 4°. Immoderatus ille fluxus à dissolutione etiam productus non rarò concretiones parit: hinc aperientium, sed ex leniorum classi semper seligendorum necessitas. 5°. Morbus laudatus lactis licet usu sanetur, ab illo tamen lacte abstinendum

perseverante interno ardore, & præsertim si febris adfuerit, nisi hæc ex hecticarum genere sit. 6°. aquæ v. g. Meinenfes aut consimiles, non solum per novem dies, sed & pro potu ordinario diu epotandæ sunt.

Altera immoderati fluxûs species, ab inspissatione nimirum oriunda, aliam indicat curandi methodum: tentanda nimirum humorum evacuatio revulsoria, dividenda humorum spissitudo, & occludenda sunt nimis patula uterinorum emissariorum ora; hinc celebranda est in alterutro brachiorum venæ sectio, & iteranda pro fluxûs vehementiâ, & liquorum turgescentiâ, aut spissitudine, diætâ leviter deobstruens instituenda est. Vescatur ergo ægra carnibus assatis avium, columbarum, & similibus; pro potu ordinario præscribatur ptisana ex foliis capillorum Veneris in aquâ fontanâ decoctis; huic ptisanæ, sub finem ejus coctionis addi possunt rosæ rubræ.

Purgationes mediæ, non tantum, ut viarum primarum sordes evacuentur, sed & etiam ut inspissatorum liquorum textus solvatur iteratis musculosarum partium contractionibus, indicantur subsequenti aut consimili formulâ præscribendæ.

℞. Sennæ mundatæ ℥ij. rhei & salis vegetabilis ana ℥j. summitatum absinthii & centaurii minoris ana p. j. coque in f. q. aquæ fontis; colaturæ ℥vj. dissolve mannæ Calabrinæ ℥ij. fiat potio.

Conveniunt & juscula gradatim aperientia, & per duodecim dies sumenda mane, ut:

℞. Radicum eryngii, & anonidis ana ℥iſs. coque cum lbij. carnis vervecinæ per horas quatuor; sub finem coctionis, adde foliorum nasturtii aquatici & agrimonix ana m. j. coque per horæ quadrantem; coletur.

Sumat ægra in primo offæ cochleari grana decem croci martis aperientis, continuando per duodecim dierum spatium.

Finito jusculorum usu, purgatio iterum instituenda est, & dein opiata sequens per quindecim dies sumenda.

℞. Conservæ radicum enulæ campanæ ℥ſs. tartari chalybeati & rhei pulverati ana ḡr. xij. cassiæ lignæ & salis tartari ana ḡr. viij. & cum f. q.



sirupi de quinque radicibus ; fiat opiata.

Paulo ante mensium eruptionem , vel actu fluentibus catameniis , ad astringentia confugiendum , sic succus urticæ depuratus, bis , terve , in die sumendus , vel Helvetii arcanum supra præscriptum , vel sequens opiata.

℥. Olibani , mastiche , & myrrhæ ana gr. x. boli Armeniæ , & sanguinis draconis ana gr. viij. antihectici Poterii gr. xij. in pulverem redigantur , & cum s. q. sirupi de rosis siccis fiat opiata.

Prægresso semel fluxûs tempore , aquarum mineralium chalybeatarum usus summopere laudandus , non solum per novem dies ut invaluit consuetudo , sed & per menses integros pro potu ordinario , excepto tempore , quo actualis adest immoderatus mensium fluxus.

Nonnulla quoque attentionem merentur in hujus speciei fluxûs curatione. 1°. Dum ventriculi , aut intestinorum saburra morbum , vel producit , vel fovet , ipecacuanha maximè competit. 2°. In immani fluxu tentanda sunt narcotica. 3°. si siccitas humorum inspissationi

jungatur, humectantia aperientibus, miscenda sunt. 4°. Si à solius uteri vitio proficiscatur malum, medicamenta media, & naturæ morbi adapta maximè profunt, licet in aliis casibus sat inutilia sint. 5°. Morbus hic chronicus est: sæpiùs itaque, & mutanda & renovanda sunt remedia.

---

## CAPUT IV.

*De fluore albo, morbi descriptio & definitio.*

**P**ER feminarum pudenda, vel constanter, vel periodicè, vel erraticè, nunc quidem majori, nunc verò minori copiâ exstillare solet humor modò serosus, modò lymphaticus, sæpe albicans, nonnunquam viridescens aut subrufus, aliquando nigricans; menstrua purgamina non rarò antecedit, sæpe concomitatur, frequentius subsequitur. Hunc humorem solus non suppeditat uterus, nec sola vagina, eâ saltem lege ut unus ex dictis locis sola sit morbi sedes; nunc enim ex utero, nunc ex vaginâ, sæpe ex utrisque emanare con-

suevit, & dum corporis munia labe-  
factat, fluor dicitur albus, muliebre  
profluvium, &c. Symptomata enim quæ  
laudatum fluxum concomitari solent,  
sunt faciei pallor, extremorum frigus,  
virium jactura, anhelosa respiratio pe-  
dum crurumque, sub vesperam præsertim  
recurrentes œdematosi tumores, cordis  
palpitatio & animi deliquia. His, dum  
inveterascit malum, accedit hydrops,  
uteri præcipuè, ejusdem partis prolap-  
sus, corporis atrophia, lenta febris, &c.

Intra autem arctos definitionis can-  
cellos laudata symptomata, alioquin non  
essentialia comprehendere nec licet,  
nec juvat. Definiatur itaque fluor albus:  
effluxus ille humoris serosi vel lymphati-  
ci, puri vel mixti, nunc albicantis,  
nunc viridescantis, subrubi, modò nigri-  
cantis, qui è vaginâ, utero, vel utraque  
sede proficiscitur constanter, periodicè,  
vel erraticè, functiones seu corporis mu-  
nia notabiliter lædens.

### *MORBI DIFFERENTIÆ.*

Fluxus muliebris differentiarum variarum  
quidem sunt, indeque à variis capiti-  
bus depromi possunt, nec ineptè à di-  
versâ scilicet morbi sede, à diversâ ef-



fusi liquidi quantitate , à diversâ materiæ effusæ naturâ , à morbi compositione , & demum à causarum varietate.

1°. Nempe diversa censenda est morbi sedes , diversa enim est hujus evacuationis origo ; nunc etenim à solo utero , nunc à solâ vagina , sæpè ab utraque parte proficiscitur : hinc fluor albus uterinus , vaginalis , vel mixtus dici potest.

2°. Nunc uterina vel vaginalia vasa , per distinctas periodos , uberiores eructant lymphatici humoris rivulos , nunc verò modicam salis ejusdem suppeditant copiam , vel continuò , vel nullo saltem servato ordine , quâ feminarum affectarum pudenda , femora & indusia sudoris ad instar madescunt , ejusque tincturâ inficiuntur. Prior fluxûs muliebris species , notabilis admodum , & periodicus : posterior verò parum manifestus , continuus , vel erraticus dici potest.

3°. Fluorem album , vel muliebrem constituens humor , sive serosus , limpidus modò , modò inspissatus , seu verè lymphaticus est , nec eodem semper colore conspicuus est ; nunc enim aquosum , nunc magis album , aliquandò viridem , nigricantem aut subrufum exhibet colorem ; porrò nunc ingratum nullum , nunc feridum prorsùs latè spargit

odorem quæ effunditur materia. Hinc exsurgunt totidem floris albi differentiæ penes diversam materiæ effusæ naturam.

4°. Vel solius floris albi symptomata qualia superius descripsimus, & inferius explicabimus; vel illa cum aliorum morborum skirrhosæ, v. g. uteri concretionis ejusdem partis ulceris, alteriusve cujuscunque morbi symptomatibus, conjuncta deprehenduntur. Hinc altera fluxûs muliebris divisio in simplicem, & compositum sive complicatum.

5°. Tandem plurimæ licet causæ huic flori producendo faveant, omnes tamen, reduci, nec immeritò possunt, ad duas species, ad vitiatam videlicet liquidorum crasim, vel ad solidorum præsertim uterinorum labem. Ergo penes diversas causas morbi procatacticas, alteras patitur fluor ille divisiones seu differentias à vitio scilicet liquorum, vel alteratâ vasorum conformatione repetendas. In primâ pariter hujus affectûs invasione recens, dum diù perseverat, inveteratus dici consuevit.

### *C A U S Æ.*

Dum magis quam par est dilatantur uteri, vel vaginæ, vel utriusque simul syphunculi lymphæ continendæ & ulterius transmittendæ dicati, toties per

dictas partes fluere rorem lymphaticum, necesse est. Dilatantur autem lymphatici canales bifariam : dum scilicet eorum ora, ob quamcumque causam magis hiulca, vel aperta fiunt, & illa dilatatio vera est & genuina, vel dum præterfluentia lymphatica liquida ita dividuntur, ut singulæ eorum columnæ, singulæve partes integrantes replendis canalibus, vel canalium rimulis ineptæ prorsus evadunt. Hinc licet naturalis respectivè tamen major vasorum dilatatio, quæ propterea respectiva dici potest. Omnia itaque quæ præternaturali humorum divisioni, vel veræ lymphaticorum incerniculorum amplitudini inducendæ favent, tanquam totidem causæ remotæ spectanda sunt.

Et 1°. quidem dividuntur nimis liquida. 1°. Ab exercitiis immodicis. 2°. Liqueurum spirituosorum abusu. 3°. Frequenti nimis balneatione in aquis calidis. 4°. Animi passionibus violentis. 5°. Alimentis acribus, salsis, piperatis, conditis. 6°. Prægressis febribus, variolis aut morbillis. 7°. Suppressâ evacuatione menstruali, aliave quacumque naturali. 8°. Vigiliis diù protractis, aut inediâ diuturniori. Harumce causarum energiam intendit maximè, feminarum tempera-



mentum siccum, aridum, biliosum.

2°. Syphunculorum lymphaticorum amplitudini inducendæ favent causæ quam plurimæ. 1°. Dispositio nimirum œdematosa uteri aut vaginæ. 2°. Prægressæ harumce partium inflammationes, aut skirrhosæ concretiones, quibus necessariò laxantur lymphatici ductus, vel saltem major solito lymphæ copia ad eorum ora determinatur. 3°. Sanguineorum vasorum obstructions, quibus uberius lymphæ vehiculum ad collateralia lymphatica vasa frequentius propellitur. 4°. Præposterus aquæ usus, quo & præcipua digestionis dicata organa debilitantur, unde chylî crudioris proventus, & aquosior fit liquidorum massa, unde ductuum uterinorum laxitas, & amplitudo major. 5°. alimenta cruda, aquosa, farinosa, qualia sunt herbæ, fructus, legumina; hæc enim omnia chylum producant laxandis & dilatandis uteri colis aptum satis. 6°. Vita deses, & otiosa, quâ in utero colligitur major humorum copia, imminuitur eorum evacuatio per sudorem, aut insensibilem perspirationem, & præpeditur necessariò eorundem depuratio. 7°. Nota hepatis, lienis, ventriculi, renum, aliorumve abdominalium viscerum labes, quâ

quâ depravatorum liquorum moles major ad uterum , tanquam ad corporis muliebris communem sentinam determinari potest. 8°. Demùm recensitis jam causis addi possunt partus difficiles , quibus uterina vascula tono defraudantur nativo.

Porro duo sunt observatione digna circa hujus morbi causas. 1°. Scilicet totam ferè causarum energiam longè magis notabilem esse in partes serosas aut lymphaticas sanguinis , quàm in partes ejus globosas , sive rubras. 2°. Huic morbo producendo favere duplicis jam recensitæ causæ generalis concursus : mutuas enim sæpè , & liquorum vitia & solidorum labes sibi præstant manus , imò liquorum attritio solidorum amplitudinem , & vice versâ , vasorum uterinorum , aut vaginalium laxitas , aut orificiorum amplitudo liquidorum vitium solet inferre.

### *SYMPTOMATA.*

1°. Rubet , vel carnei coloris est , faciarum feminarum facies , totusque corporis habitus ; quia & sufficienti copiâ , & motûs velocitate requisitâ , majora & minora , harumce partium vascula san-

guinea irrorant purpurei cruoris globuli : ſed in fluore albo ſerofus vel lymphaticus humor, globulorum purpureorum vehiculum per pudenda evacuatur; hinc & minor globulorum moles, ſegniorque eorum motus; hinc habitûs corporis & faciei pallor.

2°. Quo major eſt copia lymphatici humoris qui per pudenda evacuatur, eo minori copiâ, minorique impetu ferri ad extrêmâ corporis ſanguineum laticem, neceſſum eſt: hinc extremorum frigus.

3°. Minùs replentur, & tenduntur fibræ corporis muſculares, tendineæ & nervosæ, prout nativa humorum moles imminuitur; ergo in fluore albo partium corporis vim, & robur imminui, conſequens eſt.

4°. Quo magis ſero vel lymphâ privantur corporis liquida, eo lentior futurus eſt eorundem motus per viſcera; hinc difficilior aëris ingreſſus, vel, quod idem eſt, anhelofa respiratio.

5°. Ex jam explicato ſegniori humorum motu ſequuntur eorum ſtaſes, magis quidem frequentes in partibus minùs reſiſtentibus; quales ſunt pedes & crura, ob corporis pondus: hinc pedum & crurum tumores œdematoſi.



6°. Ex dato sanguinis lentore, & humoris lymphatici penuria deducuntur cordis palpitatio, animi deliquia, inappetentia, corporis marcor, febricula, & cætera id genus symptomata huic affectui familiaria.

7°. Sanguis malè subactus, & à lymphatico rore separatus, in parum dilatatis minimorum vasorum meandris crassamenta deponit varia: hinc frequentes viscerum obstructions, ex his novus lentoris gradus in fluidis; hinc separatio nova, diùque continuanda serosi & lymphatici laticis, quo laxantur vel vasorum minimorum rimæ, vel extrema hiulca; unde collectio feri, aut lymphæ, nunc in textu partium cellulari, nunc in variis cavitatibus, unde hydro-  
pis species variæ.

8°. A continuato serosi aut lymphatici humoris fluxu per pudenda, & à liquorum retardata circulatione, vicinæ partes laxantur, v. g. uteri ligamenta, ejusdem partis fundus, vel vagina; hinc uteri vel vaginæ, vel utriusque partis prolapsus incommodus & periculosus. Ex eodem capite deduci potest præpedita fecunditas.

Verùm nunc periodicè apparet fluor albus, sæpiùs verò erraticè vel constan-

ter. Periodicus est aut dum supplet locum menstruationis veræ, aut statis temporibus colligitur & effunditur humor lymphaticus : erraticus verò vel constans arguit majores, sed diversos laxitatis gradus in vasorum lymphaticorum rimis; diversus liquidi excreti color à diversa illius stagnatione, diversa principiorum partiumve integrantium miscella, vel demùm diversa vasorum collateralium dilaceratione & humorum effusione, & combinatione proficiscitur.

### *D I A G N O S I S.*

Generalem fluoris albi ideam superius tradidimus. Ad itaque vitandas fastidiosas prorsus repetitiones, accedimus statim ad ea signa, quibus ab aliis affectibus, quibuscum confundi potest, distinguitur.

Distinguitur itaque 1°. à naturali & immoderato mensium fluxu penes diversum materiæ excretæ colorem; rubicundum autem exhibet effusus liquor in menstruatione & nativa & immoderata : limpidum verò album, viridescentem, nigricantem vel subflavum, liquor ille qui per pudenda effunditur in fluore muliebri.

2°. Ab humore feminali dicto, quo mulierum genitalia nonnunquam irrorantur, distingui potest & ratione sedis, & ratione temporis, & ratione effectûs: feminalis autem mulierum humor effluit semper ex prostaticis, glandulis cowperianis, aut glandulis botryformibus: ex vasis verò lymphaticis uteri aut vaginæ effundi solet fluoris albi materia. Præterea feminalis liquor vel coitûs tempore, vel saltem dum rerum venerearum imagine vividè depascitur anima, eructatur; citra verò coitum & imaginationis impetum quemcumque scaturit fluor albus. Grata quoque comitatur humoris feminalis, vel nulla vel ingrata albi fluoris effusionem.

3°. Longè quidem difficilius est fluorem album à virulenta distinguere gonorrhæa: iisdem enim aut parùm assimilibus afficiuntur symptomatibus feminæ alterutro affectu laborantes; & hinc gravissimi erroris origo, in quem magni alioquin nominis practici solent incidere, nunc fluorem muliebrem pro virulenta gonorrhæa, nunc verò gonorrhæam virulentam pro fluore muliebri, cum malis ægrarum rebus falsè usurpando.

Interim tamen nonnulla sunt signa,



quæ simul præsertim collecta binos illos affectus inter se verosimiliter distinguunt. 1°. Namque muliebris fluor qui periodice recurrit, facile distinguitur à gonorrhæa virulenta, cujus fluxus plerumque constans est. 2°. Tametsi fluor albus constans sit, diversam habet sedem à gonorrhæa virulenta, ut suprà innuimus dum de fluxu seminali. 3°. In fluore albo major, in gonorrhæa verò minor effunditur humoris copia. 4°. In fluore muliebri, nec calent nec dolent genitalia præsertim in principio: ex adverso, dolore & calore afficiuntur in gonorrhææ etiam initio. 5°. In fluore albo confirmato crescit in dies fluxuri humoris copia: imminuitur verò in gonorrhæa virulenta. 6°. In fluore muliebri maderet semper uteri orificium; & dum diù durat affectus, tument pedes & palpebræ, nil tale in gonorrhæa virulenta. 7°. Cessat plerumque fluor albus dum fluunt catamenia, vel saltem notabilia sui non præbet indicia, ex adverso menstruationis etiam tempore fit putridi humoris fluxus in gonorrhæa. 8°. Demum in fluore muliebri, quæ excernitur materia, in principio præsertim liquida & limpida est, in gonorrhæa verò inspissata, flava, vel viridis, & graveolens.

4°. Juxta eadem jam assignata signa, distingui potest fluor albus ab ulcere uteri. Præterea uteri ulcus antecedunt uterinæ inflammationis signa, & concomitatur sæpè grumorum sanguinis nigricantis excretio dolorifica.

5°. Ut patefiant causæ morbi conjunctæ, & verè medicæ, hæc tria sedulò sunt consideranda, prægressi nimirum victûs ratio, ægræ temperamentum, & excretæ materiæ natura. Si namque morbum præcesserit falsorum, piperatorum, aut liquorum ardentium, aut balneorum calidorum, &c. frequens usus; si ægræ temperamentum calidum & siccum sit; & tandem si quod excernitur fluidum pudenda pungat, ingratum spargat odorem, diversumque exhibeat colorem, morbus ab humorum attritione sobolescit. Verùm si præcesserit vel aquæ, vel leguminum, vel alimentorum farinosorum, &c. frequens abusus; & si temperamentum ægrotantis obæsum sit, tranquillum & pituitosum; si effusa materies pallida sit, nec pungat, nec ingratum ullum spargat odorem, morbum vel à lymphæ redundantia, aut spissitudine natales duxisse manifestum est. Tandem si graves præcesserint uteri gestationes vel obstructio-

nes , à deperdito vasorum tono , vel skirrhis concretionibus morbum produci evidens est. Ex suprà dictis differentiis , patet variarum fluoris muliebris specierum diagnosi.

### *P R O G N O S I S.*

Fluor mulierum albus incommodus , nocivus , & sæpè periculosus censendus est. 1°. Autem constans , aut frequens pudendorum mador , fluori albo essentialis , & indusio ac femoribus necessariò communicandus , ingratumque non rarò spargens odorem , incommodus haud dubiè semper dicendus est.

2°. Imminutionem , abolitionem , vel depravationem appetitûs , virium debilitatem , sterilitatem , & anxietates varias inducit fluor albus ; hinc nocivus judicandus est.

3°. Dum ab inveteratis uteri obstructionibus , vel dilaceratis vasorum lymphaticorum tunicis , vel diù perseverantibus viscerum abdominalium incommodis proficiscitur fluor albus , causæ periculum minitantur. Morbus itaque à talibus sobolescens fontibus periculosus est. Præterea dum inveterascit malum , vel sibi relinquitur , vel remedia parùm



adaptata præscribuntur, sequuntur partium affectarum prolapsus, vel uteri ulcus, vel hydrops ejusdem partis, vel cachexia, vel lenta febris, morbi quidem semper obtinaces, periculosi & non rarò morte solâ terminandi: sæpe ergo periculosus est fluor muliebris & ratione causarum morbum producentium, & ratione symptomatum morbum subsequendum.

Interim tamen variare solet juxta varias circumstantias hujus morbi prognosis: minùs enim periculosus est recens, quàm inveteratus; simplex, quàm compositus; qui ab humorum vitio, quàm qui à notabiliter labefacto solidorum tono proficiscitur. Porro fluor ille albus, qui pro causa agnoscit humorum copiam, vel eorundem spissitudinem, minus, cæteris paribus, portendit periculum: majus verò fluor ille, qui ab humorum præternaturali acredine natales ducit; tutiùs enim faciliùsque imminui solet roris lymphatici redundans copia, solviturque inspissatus ejusdem textus, quàm nota & præsertim inveterata illius acrimonia corrigitur; prætereà hanc ultimam causam sequuntur graviora symptomata; ulcus nimirum uteri, marcor, febris lenta, cachexia, &c.

Tandem in junioribus alioquin benè constitutis faciliùs, difficiliùs verò in adultis curatur fluor albus : in prioribus enim vel fluunt catamenia, vel ſaltem eorum fluxus expectandus eſt, hincque non parvum levamen. Prætereà illa in ætate nec ſicceſcunt ſolida, nec nativò penitùs ſolent defraudari tono : ex adverſo in ætate verè proveſta vel ceſſat, vel brevi ceſſatura eſt uterina purgatio, criſpatur, areſcit, & inde minùs obſequioſa redditur ſolidorum uteri, aut vaginæ aut utriuſque compages.

### CURATIO.

Generales curatoria indicationes in eo videntur conſiſtere, ut ſcilicet præternaturalis ille fluxus ſiſtatur : verùm prout diverſa eſt cauſarum fluxum promoventium ſeries, ſic & quoque curandi methodus neceſſariò varianda eſt. 1°. Itaque fluor albus, qui chloroſeos comes eſt, iiſdem ſolet cedere remediis ac chloroſis ipſa. 2°. Dum à nota alicujus viſceris labe proficiſcitur malum, curanda eſt dicta labeſ; hâc enim ſublata, ceſſat plerumque fluor muliebris. 3°. Muliebris fluor, qui pro cauſa agnoſcit vitam otioſam nimis, & ſe-

dentariam, ambulatione, equitatione, verbò convenientibus exercitiis sanari solet, præsertim in principio. 4°. Qui ab ærumnis proficiscitur amatoriiis, matrimonio cedit. 5°. Dum à solo uteri aut vaginæ vitio proficiscitur malum, medicamina media, & naturæ vitii adaptata competunt, quæ tamen in aliis casibus non solùm inutilia, sed etiam sæpe nociva sunt. 6°. Fluor muliebris ab adaucta pendens lymphæ copia, evacuantia & exsiccantia indicat.

Verùm ex causis superiùs expositis patet fluorem album confirmatum frequenter pendere à confirmata fluidorum labe, labemque illam sub duplici respectu considerandam esse; nam vel fluorem hunc produciunt lymphatica liquida, quia nimis divisa & acria sunt, vel quia nimis inspissata; hinc duplex exsurgit curandi methodus.

1°. Nempe fluor albus ab humorum tenuitate & acrimonia productus, auxilia indicat incrassantia, humectantia, & refrigerantia. Præscribatur itaque diæta fortis quidem ob morbi diuturnitatem; tenuis enim non sufficeret, sed refrigerans, humectans, & acrimoniam obtundens. Frequens sit offarum usus, competunt cremores oryzae & hordei,



vescatur carne agninâ aut vitulinâ ; vel pullis junioribus , nulla vel moderata sint corporis exercitia ; vitari debent animi pathemata ; nullus vel moderatus admodum sit vini usus ; sit , pro potu ordinario , ptisana vel ex pullo , vel ex foliis capillorum veneris , & paucâ oryzæ quantitate , vel ex radicibus althææ , aut symphyti majoris confecta.

Præscriptâ semel diætâ , instituenda est venæ sectio in alterutro brachiorum , hæcque iteranda est prout viget aut totius corporis , aut partium affectarum calor ; ut eliminentur , si quæ sint , primarum viarum sordes , injicienda sunt enemata refrigerantia , quæ si non suffecerint , purgatio sed blanda , qualis est sequens , instituenda est.

℥. Pulpæ cassiæ recenter extractæ ,  
& sirupi de cichorio compositi ana  
℥j. Dissolve in aquæ papaveris Rheados  
℥vj. Fiat potio.

Si parum efficax fuerit dicta purgatio , illi subjungenda est senna mundata ad drachmam unam ; purgato semel corpore , præparari potest jusculum sub formula sequenti per novem aut decem dies sumendum.

℞. Radicum althææ, & symphyt. majoris ana ℥ss. Foliorum agrimonix, & lactuæ, aut portulacæ, ana m. j. feminis lini ℥ss. Coque ut artis est, cum pullo gallinaceo juniore, cujus venter infarcitur quatuor feminum frigidorum majorum ℥ss. Fiat jusculum.

Finito jusculorum usu, & purgato, si opus fuerit, ut suprâ, corpore, suadendus est lactis ebutyrati usus per duodecim dies continuandus, eodemque tempore semel ad minimum in die sumenda est sequens opiata.

℞. Conservæ rosarum ℥ss. corallii rubri, & oculorum cancrorum ana ℥xv. croci martis astringentis & sanguinis draconis ana ℥j. & cum s. q. sirupi de rosis siccis fiat opiata.

His peractis sumat ægra manè jejuno ventriculo, lac vaccinum, continuando per integri mensis spatium. Suadendus quoque pomeridianus balnei domestici usus per idem tempus. Horum balneorum usus, æstate præsertim renovandus, diùque continuandus est.

Convenit & quoque per totum æstatis tempus aquarum mineralium usus, quibus & humorum ardor compescitur, & eorundem acrimonia obtunditur, & solidorum crispaturæ laxantur. Prægresso semel æstivo calore, ad superius præscripta remediorum genera, serum nimirum lactis, lac asininum, juscula & opiatas, ut tutius absolvatur curatio, confugiendum est.

2<sup>o</sup>. Altera verò fluoris albi species, à fluidorum scilicet lymphaticorum spissitudine oriunda, alias habet indicationes curatorias, & aliter adimplendas: huic enim speciei curandæ adaptata auxilia, eo debent institui fine, ut solvatur inspissatorum humorum massa.

Instituatur itaque præ primis diæta aperiens, carnibus vescatur ægra animalium assatis, vel elixis; animalia ipsa ex eorum genere seligenda sunt, quæ salibus scatent volatilibus; offæ ex illorum animalium carnibus confectæ profunt. Competunt & pariter esculentæ herbæ salibus volatilibus refertæ, quales sunt salvia, cæpa, eruca, nasturtium, apium, allium, &c. Suadenda sunt corporis exercitia, qualia sunt equitatio, tractio in rheda, ambulatio, saltatio, &c. Suadenda pariter, si fieri po-



test, constans mentis hilaritas. Pro potu ordinario sit ptisana, ex radicibus brufci aut anonidis, foliis cichorei vel agri-moniæ, vel fumariæ, vel nasturtii aqua-tici, confecta.

Præscriptâ sic semel diætâ, celebranda venit venæ sectio in alterutro brachio-rum, imò & iteranda, ut inferiùs præ-scribenda medicamina, per exiguos va-forum capillarium meandros faciliùs provolvantur.

Celebratâ unâ vel alterâ venæ sectio-ne, instituenda est purgatio non tantùm ut viarum primarum fordes evacuentur, sed & etiam ut iteratâ musculorum contractione ( quam semper sollicitat purgatio ) magis magisque inspissata li-quida dividantur; instituatur itaque mo-do sequenti.

℞. Foliorum fennæ zij. rhei electi & tartari solubilis ana zij. summita-tum absinthii, & centaurei minoris ana p. j. Coque in s. q. aquæ fontis colaturæ ℥vj. Dissolve mannæ Cala-brinæ ℥j. Adde jalappæ pulveratæ ʒx. Fiat potio.

Purgato corpore institui potest iuscu-lum aperiens per duodecim dies mane

sumendum, sub sequenti formula præscribendum.

℞. Radicum asparagi, & enulæ campanæ ana ℥j. rhabarbari in nodulo suspensi ʒj. limaturæ ferri rubiginosæ in nodulo pariter suspensæ ʒß. Coque per horam unam & semissem cum frustulo carnis vervecinæ; dein adde foliorum fumariæ & nasturtii ana m. j. coque per horæ dimidium; coletur, fiat jusculum.

Finito jusculorum usu, & purgato, ut suprâ dictum, iterum corpore, aperiens opiata instituenda est, per quindecim dies sumenda, ordine sequenti præscribenda.

℞. Croci martis aperientis maioriore præparati ʒj. salis tamarisci, absinthii, & centaurii minoris ana ʒx. jalappæ & diagridii ana ʒvj. & cum s. q. sirupi de absinthio fiat opiata pro una dosi.

Hujus opiatæ usui succedat purgatio superiùs laudata. Dein sæviante æstatis calore, usus aquarum mineralium chalybeatarum maximè suadendus est: pur-

gationem tamen necessariò instituendam esse, post dictarum aquarum usum, non veremur asserere. Insuper aquæ minerales Chalybeatæ huic operi exsequendo aptæ, & quæ in hac reperiuntur provincia sunt aquæ Valenses, *ou de Vals*, Camarenenses, *ou de Camaretz*. Autumnali & vernali tempore conveniunt lacticia, qualia superiùs præscripsimus, dum de alterius fluoris speciei curatione sermo erat. Tandem hyemali tempore mane jejuno ventriculo prodest vinum medicatum ad uncias quatuor sumendum, & continuandum per mensem unum aut alterum; parari potest ex vino albo & croco martis aperiente, vel lapide styp-tico dicto.

Verùm antequam finem imponamus curationi, nonnulla animadversione digna censemus. Et 1<sup>o</sup>. quidem fluor albus confirmatus morbus est chronicus: remedia itaque superiùs præscripta, sæpe præscribenda & renovanda sunt. 2<sup>o</sup>. Licet hætenùs stabilitum sit fluorem hunc pendere, vel ab acrimonia, vel spissitudine, non rarò tamen accidit, ut utraque causa morbo inducendo mutuas præstet manus: quapropter in tali casu bina remediorum præscriptorum genera simul conjungere, & sic exhibere



90      *Traſtatus Pathologicus*  
prudentis medici officium eſt. 3°. Tan-  
dem dum ſpiſſitudini humorum conſo-  
ciatur excedens eorum copia, ſudorifi-  
ca & diuretica ſunt aperientibus ſuprà  
præſcriptis maritanda.

---

## C A P U T   V.

### *De Hydrope uteri. Morbi deſcriptio & deſinitio.*

**M**Ulieres, quibus, citra gravidita-  
tis indicia, tumet in omnem qua-  
ſi dimensionem & molleſcit uterus, ſeu  
intus utero reſpondens regio hypogaſ-  
trica, imminuuntur & flacceſcunt mam-  
mæ, humore lacteo ſpoliatæ, pallet  
præter naturam facies; dolet & pon-  
dere aggravatur uterina regio, tument  
& molleſcunt non rarò & pudendorum  
labra, & pedes, & femora, ſupprimi-  
tur aſſueta menstrualis purgatio; respi-  
ratio anhelofa fit, depravatur vel im-  
minuitur appetitus aſſuetorum alimen-  
torum, intenditur ſitis, & tandem qua-  
rum uterus, ab uno latere in aliud la-  
tus, reciprocè compreſſus, mobilis  
aquæ, vel lymphatici laticis ſonum edere

consuescit, illæ, inquam, mulieres hydropæ uteri laborare meritò dicuntur.

Verùm quandoquidem difficile, vel saltem tædiosum admodùm foret singula jam indigitata symptomata, quæque semper essentialià non sunt, strictis definitionum cancellis complecti, hinc breviori methodo progrediendum esse arbitramur.

Constat itaque in omni uteri hydropæ hæc tria essentialiter reperiri. 1°. Nempe reperitur aquosi vel lymphatici, vel utriusque humoris collectio præternaturalis. 2°. Liquor ille vel in ampla uteri cavitate, vel in variis vesiculis membranarum uterum constituentium, lateribus enascentibus, colligi consuevit. 3°. A laudati humoris collectione, vel totius corporis, vel ad minimum partis affectæ munia, necessariò labefactantur.

Quapropter definiatur hydrops uteri præternaturalis serosi, lymphatici, vel utriusque humoris aut in uteri cavo, aut in membranarum vesiculis collectio, totius corporis, aut saltem affectæ partis functiones necessariò lædens.

### *MORBI DIFFERENTIÆ.*

Plurimæ quidem sunt hujus hydropis

differentiæ : interim tamen brevitatis causa illas ad distincta quædam capita juvat reducere ; præcipuæ enim illius differentiæ deduci possunt, vel à diversa liquoris collecti natura, vel à diversa liquoris collecti sede, vel à morbi diurnitate, ejusdem compositione, vel demùm à causarum diversitate.

1<sup>o</sup>. Itaque in utero collectus liquor, semel effusus, iisdem semper non pollet proprietatibus : nunc enim limpidus est & mobilis admodùm, nunc verò subalbidus & viscidus est, nunc tandem partim limpidus & mobilis, partim tenax, subalbidus, aut diversi coloris. Præterea liquor ille hydropem efformans igni expositus, modò totus evaporatur, modò in coagulum abit, modò demùm partim evaporatur, partim concrescit : hinc ratione humoris collecti naturæ, hydrops serosus, aut lymphaticus, aut mixtus dici potest.

2<sup>o</sup>. Vel liquor ille in ipsa uteri cavitate colligitur, vel in diversis membranarum folliculis retinetur. Quòd autem colligatur laudatus humor in uteri cavo testantur gravissimi auctores, *Rhasis* nempe, *Vesalius*, *Fabricius*, *Hildanus*, aliique quamplurimi, inter quos audiendus est *Fernelius* qui curiosam



refert historiam de muliere quadam hydropo uteri laborante, quæ quoties imminebat menstrua purgatio, omnem aquarum colluviem ex utero per cervicem profundeabat, pelvesque sex vel octo complebat aquâ citrinâ ferventissimâ; dum uterus totus subsideret, mox deinde ex præscripto naturæ menses sequebantur, collecta proximo mense par colluvies statò deinde tempore profluebat, & sequebantur menses.

Nec fidelibus illorum auctorum observatis refragatur ratio; orificium enim uteri occludi potest multifariam, humore nimirum viscoso, tumore skirrhoso, œdematoso, &c. nec video quid vetat quominus uteri orificium occludatur à gradaria collectione limpidi & præsertim viscidî humoris cavitatem uteri distendentis, eâdem ratione, quâ crescens in utero, uterique latera sensim dilatans fetus, orificium constringit, constrictumque retinet per totum gestationis tempus; nullus est, quod sciam, qui de liquorum serosorum aut lymphaticorum collectione in vesiculis, aut membranarum lamellis dubitaret. Prior itaque hydropis species, verus & genuinus: posterior verò tunicatus vel folliculatus hydrops dici potest, &

hoc ob diversam morbi sedem.

3°. Vel à brevi seu à parum notabili temporis spatio malum hoc suū præbuit indicia, vel jam dudum dignoscenda exhibuit propria symptomata : hinc exsurgit altera hydropis uteri divisio in recentem scilicet & inveteratum.

4°. Vel solius hydropis uteri symptomata, qualia superius notavimus, vel illa cum aliorum morborum signisprehenduntur ; hinc ejusdem hydropis divisio in simplicem & compositum sive complicatum.

5°. Quamvis aquosam vel lymphaticam hanc uteri colluviem producant plurimæ causæ inferius examinandæ, illas tamen omnes in ordine ad praxim ad binas tantum, quarum una vel altera, simplici præsertim producendo hydropi, frequentius solet favere, juvat reducere, ad adauctam nimirum humorum serosorum, aut lymphaticorum copiam in tota sanguinis massa, & ad particularem eorundem liquorum redundantiam in utero à prædicto humorum circuitu, aut visciditate productam. Hinc penes causas conjunctas, sive verè medicas, alius dici potest hydrops à plethora universali, alius verò à particulari oriundus. Silentio prætermitti-

mus alias hujus morbi differentias, & divisiones in idiopathicum & symptomaticum, &c. illæ enim omnibus parum licet in medicina versatis notæ sunt.

*C A U S Æ.*

Datâ semel pororum, aut peculiarium, si quæ sint, vasorum, uteri aut folliculorum lymphaticorum cavum inhiantium amplitudine, aut dilatatione, datâque ibidem adauctâ serosi, aut lymphatici, aut utriusque simul liquoris copiâ, toties dari uteri hydropem necessum est. Causa itaque proxima & immediata hydropis uteri, est stagnans feri aut lymphæ, aut utriusque simul colluvies, cum præternaturali amplitudine vasorum, aut pororum vel uteri cavo, vel ejusdem membranarum folliculis prospicientium.

Hanc verò causam fovet vel redundans in toto corpore, vel in utero saltem serosorum aut lymphaticorum humorum copia. Hæc autem redundans indigitorum liquorum copia, aut in toto corpore, aut in utero vel vera est, vel respectiva. Vera quidem, dum actui luxuriant hæc liquida: respectiva, dum serosa vel lymphatica colluvies à cæteris



humorum principiis, partibusve integritatibus quomodocumque dissociatur.

1°. Itaque luxuriant in toto corpore hæc liquida, dum retinentur præter naturam evacuationes, dum adaugetur chyli serosioris, aut crudioris copia, dum præternaturalis est liquorum aquosorum, aut aquæ ipsiusmet usus; & hinc est quòd superveniat uteri hydrops retentioni menstrualis purgationis, urinæ, perspirationis, hemorrhoidum fluxûs, &c. Supervenit & quoque mulieribus potui & gulæ nimis indulgentibus, aquis acidulis, fontanis, vel fluvialibus abutentibus; supervenit tandem uteri hydrops, asciti, anasarcae, leucophlegmatiae, &c.

2°. Dissociatur & separatur serosa aut lymphatica aut utraque colluvies, à reliquis humorum principiis, si oleosæ partes solvantur, si inspissentur, vel si liquida ipsamet circulationis nativæ motum amittant. 1°. Namque oleosa liquida carpuntur particulis purulentis, repetitis agitationibus nimis, evacuationibus immoderatis. Et hæc est ratio cur uteri hydrops superveniat phthisi pulmonari, purulento empyemati, uteri abscessui, ulceri, &c. Supervenit quoque febribus ardentibus, malignis, intermittentibus

termittentibus, exercitiis immoderatis: supervenit tandem hemorrhagiis alviniis, uterinis & cacochymiae, &c. 2°. Inspissantur ramosae fluidorum partes à chyllo viscido & glutinoso, ab acidis corporibus, vel ad acidum vergentibus; hinc uteri hydrops supervenit usui nimis frequenti alimentorum viscidorum, farinosorum, &c. supervenit immodico fructuum vel liquorum acidorum aut levi de causa acescentium. 3°. Retardatur circulatorius humorum motus, si corporibus externis communicetur, vel si vasorum diameter obturetur: hincque hydrops uteri à balneis frigidis, à liquorum frigidorum abusu, & tandem à variis viscerum obstructionibus; hæcque ultima causa cæteris longè frequentior est.

Verùm cum nulla sit ratio cur à causis jam memoratis producat uteri potius hydrops, quàm aliarum partium, examinanda veniunt peculiariora illius partis vitia, à quibus proficisci solet serosi aut lymphatici liquoris collectio: & sanè uteri situs, ejus liquidorum & solidorum labes vel simul vel seorsim huic affectui producendo favere solent. 1°. Namque pars alioquin cava, quæ in infima corporis regione sita est, quæ-

que in mulieribus ſentinae vices gerit, qualis eſt uterus, colligendis humoribus, primo intuitu apta ſatis apparet; imo quidem longè frequentior eſſet dicta uteri colluvies ob datam cauſam; niſi quòd obſtet non facili negotio obturandum uteri orificium.

2°. Oleoſæ liquorum uterum irrorantium partes vitari poſſunt multifariam, attritione, v. g. quam producunt uteri abſceſſus, ulcus, inflammatio, partus difficiles, injectiones acres, fluor albus, &c. inſpiſſatione, quam producunt auræ ſeminalis debilitata activitas, fomentationes & injectiones frigidae, balnea ſeu ſemicupia frigida, &c. tandem motûs imminutione, quam producunt neceſſariò jam referenda ſolidorum vitia.

3°. Vitiantur uterina vaſa, dum laxantur, dum obſtruuntur, dum comprimuntur, dum tenduntur. 1°. Laxantur autem vel connato ſtaminum vitio, vel frequenti ſeri, aut lymphæ affluxu: hinc hydrops uteri hæreditarius, hydrops uteri prolapſum concomitans, &c. 2°. Obſtruuntur uterina vaſcula, quia craſſæ humorum moleculæ canales infarciunt, vel quia vaſa ipſamet areſcunt, vel quia tumores varii internam vaſo-



rum cavitatem obsident; hinc uteri hydrops chronicos quoscumque illius partis affectus frequenter subsequens. 3°. Comprimuntur uteri vascula à tumoribus vasa vicina occupantibus; hinc uteri hydrops post tumores illius partis inflammatorios, skirrhosos, œdematofos, &c. 4°. Demum tenduntur vascula uteri tunicas efformantia agitationibus uteri immoderatis, ejusdem partis crispaturis, & convulsionibus, & corporibus quibuscumque uteri cavitatem replentibus: hinc laboriosos partus, hystericos insultus, graviditatem, & molam non rarò vel concomitatur, vel immediatè subsequitur uteri hydrops.

### *SYMPTOMATA.*

Perplurima sunt hydropis uteri symptomata; illa tamen quæ frequentiora sunt, explicationi subjicere visum est.

1°. Itaque colligi nequit humoris ferrosi, aut lymphatici, aut utriusque exsuperans copia in utero, quin viscus illud dilatetur; expandatur, majusque spatium occupet juxta omnem loci differentiam: præterea humores illi corporibus quibuscumque tangentibus facile cedunt; hinc uteri, vel regionis hypo-

gaſtricæ tumor æqualis & mollis.

2°. Colligi nequit humor ſeroſus aut lymphaticus in utero, quin ibidem vaſa, vel ſaltem vaſorum pori dilatentur; hinc facilior humorum fluxus ad dictas partes; hinc eorundem reyulſio à partibus ſuperioribus: revelli autem nequeunt fluida ſeroſa aut lymphatica à partibus corporis ſuperioribus, quin ibidem deficient. Hinc imminutæ, ſive depreſſæ, laxæ, flaccidæ, & lacteo humore orbatae feminarum uteri hydrope laborantium mammæ.

3°. Imminutam humoris ſeroſi aut lymphatici copiam in ſuperioribus corporis partibus ſequitur neceſſariò globulorum ſanguineorum faciei vaſa irrorantium imminuta copia, & motûs tarditas: hinc vividi coloris privatio, aut imminutio notabilis, atque adeo color pallidus, aut lividus, &c. faciei.

4°. Collectus vel in uteri cavo vel in folliculis variis ſeroſus aut lymphaticus latex, deorſum neceſſariò premit partes continentes, vicinasque diſtrahit: hinc ſenſatio ponderis ſenſationi doloris conjuncta, vel, quod idem eſt, dolor gravativus uteri.

5°. Ex uberiori copia humoris ſeroſi aut lymphatici in utero præter naturam

collecti, exsiccata & evanida fiunt cætera totius massæ fluida: hinc imminuta eorundem actio in solida inferiora præsertim corporis extrema, superincumbentis corporis pondere compressa magis, efformantia; adde quòd aquâ, aut lymphâ ultra modum tumens uterus, lymphatica aut venosa sanguinis vasa vicina, necessariò comprimat: & hinc pudendorum, pedum, femorum, &c. tumores œdematosi.

6°. In utero fit menstrualis sanguinei humoris collectio, quia complicata uteri vasa collateralia obediunt, sese dilatando, advenienti sanguinis rivo: verùm quâ proportionè colligitur, vel in propria uteri substantia, vel in ejusdem cavitate serosa vel lymphatica coluvies, parùm absimili proportionè imminuitur, & vasorum sanguineorum ampliatio, indeque sanguinei liquoris congestio imminuta; ergo in uteri hydrope nullam vel parùm notabilem esse menstrualem evacuationem necessum est.

7°. Dum ultra modum tumet uterus à feri, vel lymphæ congestionè, nec dilatari, ut par est, potest thorax, nec contrahi diaphragma: thoracis tamen dilatatio, & septi medii contractio, absolutè necessaria est ad liberè exer-



cendum respirationis negotium ; non mirum itaque si in uteri hydrope confirmato, anhelosè fiat respiratio.

8°. Separato à reliqua humorum massa, seroso, aut lymphatico latice, circulantia liquida arescunt ; exsiccantur itaque & debilitantur nervosæ corporis fibræ : hinc, v. g. irregularis, vel imminutus fibrillarum nervosarum ventriculi motus, atque adeò vel depravata, vel imminuta appetentia.

9°. Ob causas jam allatas arida, fibrillarum nervosarum linguæ, & imarum faucium interna filamenta ab exsiccatis & falsuginosis cruoris particulis stimulantur ; hinc stimulus in dies augetur, auctâ nimirum liquorum in utero collectorum copiâ : hinc morbosafitis magis, magisque in dies intensa.

10°. Tandem collecta in utero liquida manibus reciprocè tangentibus statim cedunt, novisque motûs determinationibus, nunc ab uno, nunc ab altero trudentur latere ; nec sic trudi possunt, & cum aliquo impetu moveri, quin illis liquoribus proprius percipiatur sonus.

### *D I A G N O S I S.*

Generalis hujus morbi idea colligi

potest ex iis quæ suprà dicta sunt in descriptione. Hinc examinanda sunt signa, quorum ope hydrops uteri, ab aliis quibuscumque affectibus, distinguatur, quos tamen juxta nonnulla symptomata solet æmulari; distinguendæ sunt diversæ morbi species, & tandem causarum morbum foventium, quantum fieri potest, diversitas enucleanda est.

1°. Itaque tumor licet uteri symptoma sit essentielle hydropis illius partis, varii tamen sunt status in quibusprehenditur uteri tumefactio citra ullam feri aut lymphæ colluviem. Tumet totum abdomen in ascite; tumet uterus, dum calidis aut frigidis tumoribus afficitur; tumet pars illa, dum ab aere distenditur; tumet in graviditate, tumet & quoque uterus, dum in ejus cavo sedem eligit mola; ab illis enim omnibus distingui potest hydrops. Nam 1°. uteri hydrops in sola regione hypogastrica apparet manifesto illius partis tumore; hydrops verò abdominis totum occupat abdomen. Præterea in ascite citius deprehenduntur faciei pallor, corporis marcor, & graviora sunt symptomata: in hydrope verò uteri serius conspicua fiunt, raròque æquè gravia symptomata. 2°. In tumoribus uteri calidis

adeſt dolor acutus, calor deurens, & febris acuta; nullus calor præternaturalis, in uteri hydrope, febris nulla, ſaltem acuta; dolor quidem adeſt, ſed ſemper gravativus eſt, & plerumque obtuſus. 3°. In tumoribus uteri frigidis, dura & renitens eſt pars affecta, obſequioſa & mollis in hydrope. 4°. Dum aere inflatur uterus, identidem erumpunt flatus per vaginam, compreſſa pars ſonum edit ad inſtar tympani, detumefcit quoque in locis frigidis, & in calidis intumefcit; nil tale in hydrope uteri. 5°. Tumet quidem uterus in graviditate: ſed tumor ille acuminatus eſt, æqualis verò & quaſi complanatus in hydrope. Tument & lacte replentur mammae in graviditate: detumefcunt & flacceſcunt in hydrope uteri. Quae in graviditatis principio apparent ſymptomata, ut faciei pallor, virium jactura, corporis marcor, cibi inappetentia, &c. ſenſim miteſcunt & evaneſcunt: in dies verò ingraveſcunt in hydrope uteri. Elapſo tertio vel quarto geſtationis menſe, foetus jam viventis motus percipitur: aquarum verò tantum motus conſpicuus uteri tumor, magisque acuminatus quam in hydrope, imò & faciei pallor, marcor corporis, & cætera ſymptomata mi-



nus in mola , magis verò notabilia in hydrope uteri.

2°. Ut innotescant diversæ hydropis uteri species, breviter percurrentia sunt ea, quæ superius diximus de morbi differentiis. Et 1°. quidem ut dignoscatur collecti humoris natura , ille semel è corpore separatus, vel feri, vel lymphæ, vel utriusque simul proprietates exhibet, ut ibidem dictum est. 2°. Utrum in uteri cavo, vel in membranarum folliculis colligatur serosus aut lymphaticus humor non nisi cadaveris apertione liquido constat. 3°. An recens vel inveteratus sit uteri hydrops per se patet. 4°. Vel huic hydropi peculiaria tantum symptomata apparent, vel eadem concomitantur aliorum morborum signa; hinc facilis simplicis aut compositi hydropis notitia.

3°. Quod spectat causas uteri hydropem producentes, illæ conspicuæ satis sunt. Nam 1°. si præcesserit temperamentum pituitosum, vel concomitetur hydrops universalis, morbi causa erit universalis plethora, seu redundans serosi, lymphatici, aut utriusque copia in toto corpore. 2°. Si verò solius uteri vitia præcesserint, & si solus jam afficiatur uterus, pro causa accusanda est

ipsius partis plethora, quam producunt obstructions, liquorum spissitudo, vel eorumdem attritio, &c.

*P R O G N O S I S.*

Omnis uteri hydrops periculosus est; nam vel graviditatem concomitatur, vel absque ullis graviditatis signisprehenditur. In priori casu fœtus pabulo spoliatus, aut aquarum columnis oppressus miserè perit, & corrumpitur; hinc non rarò summum maternæ vitæ periculum. In casu posteriori, altero, frequentiori, totum siccescit corpus, & uteri functiones necessariò labefactantur: hinc segniora corporis munia, sterilitas, suppressio mensium, &c. ex quibus tanquam ex uberrimò fonte infinita penè scaturiunt mala. Interim tamen signa hujus morbi prognostica, ob diversas circumstantias solent variare. Nam,

1°. Uteri hydrops ab extravasione feri, aut lymphæ in illius partis cavitate productus minus periculosus est illo, qui in membranarum folliculis sedem eligit; prior enim vel per apertum, vel non difficili semper operâ aperiendum uteri orificium rejicitur, minusque collectus liquor membranas inficit: ex ad-

verso, in vesiculis contentus humor, viam nullam habet regiam, per quam possit effundi, membranasque foliatim quasi expansas, citius faciliusque corrumpit.

2°. Juxta diversam collecti liquoris naturam, variat quoque morbi prognos; liquor enim limpidus & insulsus minus longè, majus verò portendit periculum liquor saniosus, mordax, falsuginosus.

3°. Dum à generali humorum; aut solidorum, aut utrorumque vitio proficiscitur malum, magis periculosum est, quàm cum solus afficitur uterus.

4°. Hæc etiam ultima hydropis species facilius curatur, dum liquida uterum irrorantia vitiantur; difficilius, dum stabilis solidorum labes morbum producit; difficillimè, dum vitiantur liquida & labefactantur uteri solida.

5°. Leves vasorum obstructions sæpe tolluntur; skirrhosæ concretiones difficulter admodum; uteri tumores cancrofi hydropem non rarò producentes frequenter concomitantes, aut subsequentes nullâ arte sanantur.

6°. In junioribus benè constitutis uteri hydrops facilius sanatur, difficilius in ætate senili, aut dum corporis fabrica malè afficitur.



8°. Uteri hydrops simplex non æquè difficilè ac hydrops uteri compositus, aut complicatus curationem admittit.

9°. Tandem illa hydropis uteri species, quæ liquorum spissitudinem pro causa agnoscit, faciliùs; difficiliùs verò curatur illa, quæ ab humorum tenuitate, attritione, aut divisione proficiscitur.

### *C U R A T I O.*

Uteri hydrops sive à generali vel particulari plethora immediatè proficiscatur, has habet semper indicationes adimplendas: è corpore nimirum expellendus est, per renales ductus, uterina colatoria, aut intestinorum glandulas, collectus humor, novusque proventus serosi, lymphatici, aut utriusque liquoris, præcavendus, reservando scilicet. obstructions, humorum circuitum retardantes, individuos semper hujus morbi comites.

1°. Itaque instituatur diæta exsiccans & deobstruens; vescatur ægrâ carnibus assatis, aut elixis, jusculis ex herbis aperientibus compositis, pane bis cocto, &c. parcior sit cœna, parcior potus; sed si sitis urgeat, crudelis sanè foret omnimoda à liquidis abstinencia; ex illa se-

queretur, in plerisque casibus febris, & interaneorum calor deurens, symptomata inflammationes gangranodeas minitantiæ. Quapropter pro potu ordinario instituenda est ptisana sequens aut consimilis.

℞. Radicum anonidis, eryngii & apii ana ℥j. coque in ℔v. aquæ fontanæ ad quartæ partis consumptionem; sub finem coctionis adde granorum, aut seminum paliuri ℥β. cola, & exprime; fiat ptisana.

Stabilitâ semel diætâ, alvus laxanda est modo sequenti.

℞. Foliorum orientalium zij. rhei electi, & tartari solubilis ana zj. summitatum absinthii minoris p. ij. coque in s. q. aquæ fontanæ, colaturæ ℥v. dissolve mannæ Calabrinæ ℥j. jalappæ pulveratæ ḡx. fiat potio.

Sequenti proximè à catharsi die parari potest jusculum quolibet mane sumendum jejuno ventriculo, & continuandum per quindecim dies sub sequenti formula.

℞. Carnis vitulinæ in taleolas sectæ, vel vervecinæ è collo dissectæ ℥j. foliorum apii hortensis & chærefolii ana m. j. rhei pulverati, & millepedum pulveratorum ana ʒß. salis admirabilis glauberiani ʒx. carnes & folia s. s. s. posita, conspergantur citatis remediis in pulverem redactis. Ponantur omnia in olla fictili benè clausa; coque in balneo mariæ per quinque horas; coletur & exprimatur; fiat jusculum.

Finito horum jusculorum usu, excitanda est iterum catharsis, modo superius præscripto; & postea elapsis scilicet duobus tribusve diebus, opiata purgans & aperiens, per duodecim dies continuanda; præscribenda est sub sequenti formula.

℞. Croci martis aperientis maiali rore præparati ℥j. rhei pulverati & millepedum pulveratorum ana ʒxv. jalapæ & diagridii ana ʒviiij. & cum s. q. sirupi de quinque radicibus fiat opiata pro una dosi.

Si urgeat calidior anni tempestas, vel



debilitetur ventriculus , à purgantibus & fortiter aperientibus abstinendum est , & lenia diuretica & moderatè aperientia remedia in usum revocanda sunt. In hunc finem præscribi possunt sub variis formulis herbæ aperientes & diureticæ , tartarum chalybeatum , grana seu semen paliuri , rhabarbarum , &c.

Verùm antequàm finis imponatur uterini hydropis curationi , nonnulla animadversione digna judicamus. Et 1°. quidem uteri hydrops morbus est chronicus , remediorum vi sæpe resistens ; hinc remedia superiùs præscripta vel consimilia frequenter repetenda sunt. 2°. Dum uteri hydrops graviditatem concomitatur , à violentis , & præsertim purgantibus remediis abstinendum est. 3°. Dum pendet hydrops uteri à prægressis hæmorrhagiis uterinis , aut alvinis , purgantia vel nullo modo , vel cautè admodum sunt instituenda. Virum vidimus nobilem immanibus pedum , crurum , & femorum tumoribus œdematosis , & nascenti abdominis hydrope laborantem , consequenter ad immoderatum prorsus , & pènes copiam & pènes durationem , hæmorrhoidum fluxum. Omnium quidem purgantium opem ablegavimus , solisque diureticis & ape-

rientibus illum feliciter sanavimus. 4°. Dum citra graviditatem fit feri aut lymphæ collectio in uteri cavo, remediis appropriatis uteri orificium aperiendum est; & dein aperientium ope, liber per uterum restituendus est humorum circuitus. 5°. Robustis, & pituitosis mulieribus uteri hydrope affectis conveniunt drastica medicamina, qualia trochisci alhandal, aqua vitæ. Germanica, &c. 6°. Mulieribus verò macilentis, aridis, biliosis, & quarum humores dissoluti & acres sunt, conveniunt femicupia, balnea, lacticinia. 7°. Licet uteri hydrops, ut patet ex supra stabilitis, methodicè sanandus sit, nihilominus tamen, unius tantum continuato remedii usu, sanatum fuisse hunc hydropem, & aliorum observatis recipimus, & propriis observabimus; sic solus succi ireos nostratis usus repetitus, sic pulvis radicis ireos Florentinæ, vicibus repetitis assumptus, millepedes pulverati, & demum feculæ radicis brioniæ hydropem sanarunt juxta nonnullorum relata. Vidimus & ipsi uteri hydropem sanatum etiam in gravidis ope sirupi de rhamno cathartico, ad unciam unam desumpti mane per aliquot dies. Vidimus & quoque totius abdominis

hydropem, quo laborabat mulier quadraginta circiter annos nata, quæ varia, sed incassum assumpsit remedia à medico præstantissimo præscripta, folius olei olivarum ope, ut retulit, mane, per novem dierum spatium assumpti, primo scilicet die ad unum cochleare, secundo ad duo cochlearia, & sic deinceps, perfectè curatum.

---

## C A P U T V I.

*De prolapsu uteri. Morbi descriptio & definitio.*

**U**Teri prolapsum, juxta causarum præsertim varietatem, varia solent concomitari signa. Sic nunc erumpit per uterum sanguis, hancque uteri hæmorrhagiam statim subsequitur illius partis, & præcipuè partium quibus alligatur uterus, dolor; succedit febris, aliquando convulsio; supprimuntur evacuationes solitæ per anum & per vesicam: nunc verò absque ullo dolore, hæmorrhagia ulla & absque febre, sed cum frequenti pudendorum madore excidit uterus. In utroque casu insoliti



deprehenditur ponderis sensatio in pudendis, in quorum apertura, nunc magis, nunc minus extensus apparet multiformis tumor, aliquando autem struthio - cameli ovum, aliquando virile membrum quoad formam exteriorem, & rimulam tumoris medium occupantem satis aptè repræsentat. Aliquando demum apparet, extra pudenda rugosa, humore mucoso madida & informis massa, quâ, sicut in citatis jam casibus, ingrati ponderis sensatio percipitur, incessus difficilior, & coitus molestior reddi consuevit; mulieres itaque illis symptomatibus affectæ, uteri prolapsu, vel procidentia laborare non immeritò dicuntur.

Verùm quandoquidem tædiosum foret omnia signa jam repetita, quæque simul vix unquamprehenduntur intra arctos unius definitionis limites, comprehendere, modo sequenti juvat hunc morbum definire. Est itaque uteri prolapsus præternaturalis illa uteri, aut vaginæ, è sede propria, dimotio, quâ intra vel extra pudendorum labra multiformis apparet tumor functiones notabiliter lædens. Complectitur prima hujus definitionis pars omnem uteri mutationem è loco naturali versus partes

superiores, ut aliquando in uteri strangulatu contingit, vel versus alterutrum iliorum, ut in particularibus uteri convulsionibus, & depravato fœtûs situ solemne est: vel versus vesicam antè, vel postè, id est, ad sedem in variis circumstantiis. Posterior verò comprehendit verum uteri, aut vaginæ prolapsum, ut ex jam dicendis clariùs patebit.

### *MORBI DIFFERENTIÆ.*

Ex pluribus hujus morbi differentiis, nonnulla tantùm magis nimirum notabiles & frequentes magis juvat percurrere, quæque non incongruè desumi possunt à diversa tumoris figura, à diversa parte affecta, à morbi diuturnitate, compositione, & tandem à causarum diversitate.

1°. Itaque non solùm fidelibus auctorum relatis, sed & frequenti experientiâ manifestum est conspicuum in prolapsu uteri tumorem nunc struthio-cameli, aut anseris ovum, nunc virile membrum, aliquando informem massam carneam figurâ satis aptè repræsentare. Hinc itaque diversæ species penes figuram, vel saltem morbi differentiæ varix.

2<sup>o</sup>. Vel totum uteri corpus, illius fundum, aut interior uteri membrana rugosa ad pudenda, imò & extra eadem provolvitur, vel corrugatae vaginae tunicæ laxantur, crassescunt, & pendulae versus anteriora trudentur. Priores species ab utero nimirum vel uteri partibus oriundas, verum; posteriorem verò à vitiata vaginae inductam, spurium uteri prolapsum juvat appellare.

An verò uterus, aut aliqua illius pars afficiatur in hoc affectu, vel, quod idem est, an detur verus uteri prolapsus, quandoquidem circa hanc rem, maxima inter auctores etiam practicos promoveatur controversia, paucis examinaturi.

Negatur ille prolapsus à *Meckerano*, *Roonhuysen*, *Kerckringio*, aliisque non sine audacia firmiter asserentibus, deceptas fuisse obstetrices, & cum illis, ut loquitur *Vanhornius*, magnam medicorum partem deceptam fuisse, falsò scilicet vaginae inversionem, & descensum pro uteri prolapsu usurpando. Interim tamen *Carpus*, *Paræus*, *Hildanus*, *Bartholinus*, & plurimi alii hunc asserunt prolapsum uteri, cujus quidem existentia non modò validissimis rationibus, sed & experimentis in dubium



nullatenus revocandis confirmari potest, ut patebit ex jam dicendis. Et quidem asserimus bonâ fide nos proprii uteri prolapsum ter vidisse & contrectasse. Verùm rationes & experimenta magis haud dubiè ponderosa ad investigandam rei veritatem jam enucleanda sunt. 1°. Itaque patet ex uteri anatomia viscus illud ligamentorum ope partibus connecti vicinis. Hæc ligamenta, præsertim superiora, elongata, laxata, debilitata, vel rupta, necessario uteri prolapsui occasionem præbebunt: sic relaxata articularum ligamenta luxationes procreant. 2°. Membrana uteri interior, vel illius fundus separari potest à reliquis membranis, vel partibus constituentibus uterum. Hoc nonnunquam in scabie, in lepra, in partium externarum combustione, & in convolvulo manifestum est, cum epidermis, integumentis communibus alioquin firmiter adhærens, ab illis tamen separata prorsus observetur; vel intestinorum pars una cæteris laxior, in eorum cavitatem, truditur, unde convolvulus: hinc totius uteri, vel membranæ illius interioris, vel fundi prolapsus rationibus comprobatur. 3°. Quod spectat experimenta unum à *Paræo* relatum tanquam indubitatum, to-

tamque controversiam resolvens juvat referre. Refert clarissimus ille auctor se, cum variis medicis & chirurgis, vidisse mulierem vero uteri prolapsu diù laborantem, illudque viscus prolapsum, gangrænâ nimirum affectum, repetitis vicibus amputavit; & inde sanitati pristinæ restituta fuerat ægra: sed paulo post subitanæ pleuritide correpta interiit; & apertâ regione hypogastricâ, nullus reperiiebatur uterus, sed (ut *Paræi* verbis utar) callosum quoddam corpus, quod natura, quæ nunquam otiiatur in nobis, jacturam ejus partis quasi reparatura, vel lacunam potius alvi repletura substituerat. Ergo & rationibus, & indubitato experimento patet dari propriè dicti uteri prolapsum, de quo apud practicos promoveri solet controversia.

3°. Vel à brevi temporis spatio, vel à longo apparuit prolapsus ille; hinc illius divisio in recentem & inveteratum.

4°. Vel solius recensitarum partium prolapsus symptomata, vel alia simul sui præbent indicia: unde divisio illius in simplicem & compositum.

5°. Non ab una tantum causa, sed à causis inter se penitus distinctis, produci solet ille prolapsus, à laxitate ni-

mirum uteri, vel separatione interioris membranæ à cæteris membranis uterum efformantibus, aut tandem à rugarum vaginæ laxitate, inversione, aliisque vitiis: hinc penes causas, diversæ prolapsus species, quæ jam ulteriùs patefient.

*C A U S Æ.*

Pro partium prolapsarum varietate, non rarò & quoque variare solent causæ prolapsum inducentes; hinc non tantùm inutilitas, sed & impossibilitas stabilendi paucis, unam peculiarem causam proximam & immediatam hujus morbi. Producitur itaque morbus ille à vitio ligamentorum, à vitio fundi ipsius uteri, vel demum à vaginæ affectibus.

Verùm 1<sup>o</sup>. vitiantur uteri ligamenta, dum laxantur, dum elongantur, dum putrescunt, solutionemve continui quomodocumque patiuntur; hinc exsuperans feri, aut lymphæ copia, ut in hydrope universali abdominis, aut uteri, & in fluore inveterato muliebri, sessio in locis frigidis & humidis, partus difficiles, violentæ secundinarum extractiones, exercitia immoderata, animi pathemata varia, pravus fetûs in utero



situs, ulcera, abscessus, & alia id genus, pro causis memorati prolapsus, habenda sunt.

2<sup>o</sup>. Exteriùs quoque provolvitur uteri fundum, dum relaxatur, dum distrahitur, & causæ superiùs allatæ, nimia scilicet copia feri, lymphæ, aut pinguedinis, extractio violenta fetus, molæ, aut secundinarum, tanquam causæ remotæ spectandæ sunt. Membrana interior uteri à cæteris separari potest, & prolapsus speciem inducere. Separatur autem ab aliis membranis multifariam : peculiari scilicet ejusdem laxitate, quam producant uteri hýdrops, ejusdem membranæ hydatides, obstructions, &c. vel fortiori nisu in illam membranam agente, quem sollicitant partus difficilis, secundinarum extractio valida, &c. vel inflammatione erysipelatosâ, quam inferunt humorum sanguineorum stases subitaneæ, injecta corrosiva, acida, irritantia, &c. Eundem quoque effectum possunt producere strangulationes, uterinæ convulsiones, copulationes frequenter nimis usitatæ, &c.

3<sup>o</sup>. Rugosa quoque vagina, modis quamplurimis, vitiatur : laxitate nimirum à graviditate sæpiùs iterata productâ, ab adaucto fetuum numero, à se-  
rosi

rosi aut lymphatici humoris decubitu, ut, in uteri hydrope, aliisque casibus, observare solemne est; nimio partis affricu, ut accidit nimis frequenti pessarium, aliorumve corporum intromissione, amisso partis tono, qui morbos illius partis inflammatorios, & venereos præsertim non raro subsequitur.

*S Y M P T O M A T A.*

Inter plurima prolapsus uteri symptomata, quæ frequentius occurrunt juvat explicare, tantoque magis, quod ex illorum cognita semel theoria, cætera, minus scilicet frequentia, marte facili explicabuntur.

1°. Itaque uteri prolapsus, qui à subitanea vasorum ruptura proficiscitur, vel eandem tanquam comitem habet, his stipari solet symptomatibus: evacuatione scilicet sanguinolenta, dolore, calore, febre, convulsione, motuve convulsivo, alvi constipatione, & ischuriâ seu urinæ suppressione; quæ quidem symptomata haud difficili operâ explicantur. Et 1°. quidem ex vasorum uterinorum ruptione, liquorem sanguineum effundi necesse est: hinc evacuatio sanguinolenta per uterum & vagi-

nam. 2°. Ex vaſorum ſanguineorum ruptura ſubitanea nerveæ vaſorum fibrillæ tenduntur, & diſtrahuntur : unde dolor. 3°. Ex illa tenſione & diſtractione reciproca, ſolidorum oſcillatio, liquidorumque motus maximè intenditur : inde calor, & partium præciſè affectarum, & earum, quibus connectitur uterus, quæ in conſortium trahuntur. 4°. Ex ſolidorum tenſione diſtractiva & liquidorum motu adaucto fit celerior venoſi ſanguinis appuſſus ad cordis auriculas : unde dilatatio earumdem celerior, conſimilis ventriculorum dilatatio, & contractio, arteriis communicanda : unde pulſûs præternaturalis celeritas, quæ febris vulgò dicitur.

5°. Ex iteratis & violentis fibrillarum nervearum motibus, violenti & celeres fiunt ſpirituum, ſi qui ſint, influxus, vel ſaltem celeres, violentæ, & involuntariæ fiunt fibrillarum nervearum agitationes & mutationes : hinc convulſiones aut motus convulſivi. 6°. Ex jam laudato uteri ſtatu quaſi inflammatorio, ſanguinea illius vaſcula replentur : hinc major cruoris derivatio ad inteſtina, & veſicam urinariam ; unde vaſorum partes illas efformantium rigiditas major, cauſis vel irritantibus vel prementibus



minùs cessura , calor naturali major , tenuia magis fluida dissipaturus , & tandem intestinorum & vesicæ urinariæ , ob majorem uteri molem pressio inasfuerata ; unde notabilis & morbosa intestinorum & vesicæ pigritia.

2°. Dum à sola laxitate uteri , ejus fundi , vel ligamentorum proficiscitur malum , nec sanguinea uteri vasa rixim patiuntur , nec tenduntur fibrillæ nervæ , nec augetur solidorum oscillatio , nec intenditur liquidorum motus , nec venosus sanguis celerius solito ad propria vascula appellit ad cor , nec celeres fiunt spirituum influxus , nec vibrationes nervorum frequentiores : hinc nulla evacuatio sanguinolenta , calor nullus , nullusque vel parùm sensibilis dolor , nulla febris , convulsio nulla , nullique convulsivi motus. Sed 1°. à prolapsa parte comprimì quidem potest & vesica , & intestinum ; unde fecum alvinarum & urinæ suppressio. 2°. In utraque prolapsûs specie , è sede naturali dimovetur uterus , vel notabilis illius pars , & intra , vel extra pudendorum labra remanet quasi pendula ; unde ponderis ingrati sensatio. 3°. Prout pars illa magis , minùsve à pudendorum labris exterius recedit , tumorem appa-

rere magis vel minùs extensum, necesse est. 4°. Prout major vel minor uteri pars, magisque vel minùs per vaginam expanditur, & uteri orificium magis vel minùs notabile apparet; hinc tumor nunc virile membrum, nunc verò struthio-cameli ovum solet repræsentare.

*Histoire de M. Bezac.*

3°. Dum rugosæ vaginæ tegumenta ultra modum laxantur, crassescunt, è sede naturali recedunt, notabilemque tumorem efformant. 1°. Ratione majoris molis, majorisque extensionis, apparet tumor rugosus, informis, carneæ massæ similis. 2°. Ratione majoris vaforum laxitatis, pars affecta mucoso humore madida semper deprehenditur. 3°. Crurum muscoli à pendula nimirum parte compressi, & lacessiti non nisi difficilè alternatim contrahi possunt: hinc difficilis incessus. 4°. Expansa ex utraque parte vagina plurimum coarctatur, nec sine dolore dilatari potest; non mirum itaque si utrique sexui & difficilis, & ingratus sit coitus.

Quod spectat cætera hujus morbi symptomata, ex jam explicatis, levi admodum operâ, poterunt deduci.

*D I A G N O S I S.*

1°. Patet, ni fallor, uteri prolapsûs generalis idea, ex iis quæ superius dicta sunt in descriptione, definitione, differentiis, &c. ea itaque quicumque in mente revolverit, claram & distinctam satis statim habebit hujus morbi cognitionem. 2°. Et ut ab aliis uteri morbis distinguatur, nullâ, meo quidem sensu, explicatione opus est; cæteri enim affectus, quibus obnoxia sunt genitales illæ mulierum partes, nullam similitudinem, analogiam nullam cum uteri prolapsu videntur habere. Unus forsan potest esse mulierum status, in quo verus licet sit uteri prolapsus, pro eo tamen ab ignaris vel incautis, parùmque fideliter res examinantibus, non sumatur: & ut hoc clariùs appareat, sequentem juvat recitare historiam.

*H I S T O R I A.*

Varias hujus regni civitates transiit gravit quadraginta aut circiter retrò annis, mulier quædam triginta aut circumcirca annos nata, seseque in illis nudè videndam exposuit luci gratiâ;



illamque sedulò intuentes non vulgus tantùm, sed & medicorum atque chirurgorum numerus repetitus, eo præcisè, quòd extra illius pudenda apparuit tumor notabilis, virile membrum penitus æmulans, pro hermaphrodito omnes habebant. At tandem Monspe-  
lium appulit, ubi morbo quodam subito correpta nosocomium adiit. Hanc à Facultate nostra haud dubiè delegatus, ad investigandam rumoris passim recepti veritatem, visitavit Decanus noster plurimum venerandus D. Bezac, qui, facto priùs diligenti scrutinio, non hermaphroditum, sed mulierem veri uteri prolapsu laborantem detexit, publicèque divulgavit.

Ex hac historia patet uteri prolapsum pro combinatione utriusque sexûs in uno eodemque individuo, ob inassuetos, ut dicitur, naturæ lusus, nonnunquam haberi ab ignaris, vel res cortice tenus examinantibus.

3°. Diversæ hujus morbi species dignoscuntur operâ haud penitus difficili: nam 1°. dum totum uteri corpus prolabitur, immanis, plurimùmque versus crura expansus observatur tumor. 2°. Dum uteri fundus, vel membrana illius interior, ad pudenda truditur, minus

notabilis est tumor, labraque uteri occupat : in priori casu , tumor, membrum virile; in posteriori, ovum struthio-cameli , figurâ plerumque repræsentat. 3°. Dum sola afficitur vagina (& quidem, ut veritatem semper fateamur, hujus prolapsus, ut vulgò dicitur, uteri procidentia frequentior est) apparet tumor extra pudenda, distinctæ ut plurimum nullius figuræ, in quo incessus molestior, & coitus difficilior necessariò reddi solet, imò & magis ingratus. Præterea in vaginæ prolapsu, veri prolapsûs uteri symptomata superius enumerata non reperiuntur. Utrum morbus sit recens, & simplex, &c. facile innotescit.

4°. Distinctas hujus morbi causas qui voluerit dignoscere, ea, quæ superius diximus de causis, &c. diligenter examinet. Sed præterea cum prolapsum illum vel antecedit, vel concomitatur sanguinolenta evacuatio, dolor, calor, febris, convulsio, signum est necessariò distrahi violenter vel totum uterum, vel aliquas illius partes : hoc confirmatur violentis obstetricum nisibus, dum secundinas, fetum mortuum retrahunt violenter. 2°. His symptomatibus deficientibus, & extra pudendorum

labra apparente tumore immani cum ponderis ingrati sensatione, signum est morbum à ligamentis laxatis pendere: hoc confirmatur, si aliquâ tantùm hydropis specie afficiatur ægra, vel si morbus immediatè subsequatur fessionem in locis frigidis, humidis, &c. vel si nimiâ pinguedine referta sit, &c. 3°. Vaginæ inversionis causæ, ex iis, quæ superiùs diximus, innotescunt.

### *P R O G N O S I S.*

Uteri prolapsus morbus est longus, cœnoscus, incommodus, sæpe periculosus, non rarò insanabilis. Veritas hæc faciliè confirmari potest. Nam,

1°. Viscus illud vel secundum se totum, vel juxta notabiles illius partes semel laxatum, elongatum, vel distractum difficilè statui pristino restitui potest. Hinc morbi diuturnitas, quam veram esse confirmat frequens nimis experientia. Hujus quoque affectûs diuturnitati favent situs uteri in declivi & ima corporis regione, parum firmus ligamentorum textus, partium quibus alligatur laxitas, & demùm perpetuus humorum ad uterum tanquam ad communem corporis muliebris sentinam, affluxus.



2°. Uteri prolapsus tumorem efformat, vel intra, vel extra pudendorum labra, ad quem semper appellit continuo quasi rivulo humorum viscosorum copia exsuperans; in hoc colliguntur, moramque, ob tumoris laxitatem, trahunt: hinc illorum alteratio, & putrescentia ingratum latè spargens odorem, fetidumque ac parum vel nullo modo interruptum indusii, imi ventris, pudendorum, crurum, & inguinum madorem inducens. Ergo prolapsus uteri morbus est cœnofus.

3°. Licet remediorum ope reponatur uterus, ægris quiescentibus, & in situ horizontali positus; dum stare & incedere incipiunt, vel levi de causa uterus prolabitur. Hinc sæpe repetita molesti ponderis sensatio difficilis, & solito laboriosior incessus, coitus difficilis & ingratus, & tandem optata interrumpitur fecunditas. Ergo prolapsus uteri morbus incommodus.

4°. Sæpe uteri prolapsus antecedunt, concomitantur, vel immediatè subsequuntur immanis hæmorrhagia, dolor acutus, calor deurens, intensa febris & convulsio, sive motus convulsivi. Quodlibet ex dictis symptomatibus periculo plenum est: quanto majus periculum

minuitur illorum omnium collecta series ! Prætereà disrupta , cæsa , vulnerata ligamenta ulcerantur , putrescunt ; unde mala seriùs aut citiùs mortem latura. Intra quoque vel extra pudendorum labra sedem eligit morbosus tumor , qui & putrescentibus liquidis perpetuò irroratur , aeris exterioris actioni exponitur , viarum angustia coarctatur , femorum pressionem & indusii perpetuum patitur affricum ; hinc proximum inflammationis , gangrenæ & sphaceli periculum. Prolapsus itaque uteri morbus est sæpe periculo plenus.

5°. A quacumque causa procedat uteri prolapsus , difficilè curatur , ut suprà dictum est : sed cum à gradaria & inveterata ligamentorum laxitate , aut elongatione proficiscitur , & præsertim quando pro causa agnoscit eorundem ligamentorum corruptionem , sectionem , rosionem , & qualemcumque integram continui solutionem , nullâ , quod sciam , arte morbus sanari potest ; non rarò itaque prolapsus uteri insanabilis est.

Verùm laudata jam hujus morbi prognosis juxta varias circumstantias , solet & quoque variare. Nam

1°. Pro majori vel minori symptomatum vehementia magis vel minus

periculosa est prognosis hujus morbi. Sic, ut suprà innuimus, dum hæmorrhagia notabilis est, calor, & dolor maximus suū præbent indicia, dum febris acuta ægras divexat cum motibus convulsivis, aut convulsione; majus est, cæteris paribus, periculum, quàm cùm defunt illa symptomata, & eorum loco deprehenduntur tantùm molesti ponderis sensatio, difficilior incessus, ingrata & difficilis copulatio, &c. Suppressio pariter urinæ huic morbo familiaris, alvi constipatione, periculosior est.

2°. In ætate provecta, aut senili, in qua amissus semel partium tonus ægriùs restituitur, majus; in ætate verò juvenili, juxta contrariorum leges minus portendit periculum, vel saltem faciliùs sanatur uteri prolapsus.

3°. Veræ uteri substantiæ prolapsus, vaginæ prolapsu difficiliùs curatur, & periculosior est, tum quòd uterus magis laxus sit, tum quòd longiùs distet à remediis applicandis.

4°. In inveterato uteri prolapsu, partes affectæ difficiliùs, faciliùs verò in recenti restituuntur; hinc prior magis, posterior verò species minùs periculosa est.

5°. Quo magis crescit morborum nu-



merus in eodem individuo, eo majus; quo verò magis decrefcit, eo minus, cæteris paribus, est periculum. Ergo prolapsus uteri compositus, aut complicatus, simplici magis periculofus est.

Eodem vel confimili modo ratiocinandum est de aliis circumftantiis, juxta quas variare folet uteri prolapsûs prognofis.

### C U R A T I O.

Hujus morbi generalis & prima indicatio curatoria in eo præcisè confiftit, ut prolapfa pars fitui priftino reftituatur, ibidemque retineatur. Reponenda itaque est prolapfa pars omni curâ, & diligentia, ne fumum curationi opponatur impedimentum ob morbi diuturnitatem, fympptomatum vehementiam, & gangrenæ aut fphaceli periculum. Oportet ergo præ primis mulierem reſupinam fic collocare, ut coxas habeat altiores, poplites dilatatos & reflexos; deinde pars prolapfa, fi nimis frigida & tenſa deprehendatur vel oleo tepido, vel butyro non ſalito, vel decocto malvæ, althææ, fænugræci, feminis lini & baccharum lauri foveatur, ut tractabilior reddatur, reſpergatur pulvere astringente ſequenti.

℞. Acaciæ, boli armenicæ & aluminis rupei ana ḡx. in pulverem redige.

Postea chirurgus aut obstetrix, intinctis prius digitis, intinctâve manu oleo myrtino, aut lentisci decocto, aut vino rubro tepido, in quo fuerunt decoctæ rosæ rubræ, uterum prolapsum in sedem propriam leniter, & actione gradariâ reponat. Restituto sic utero, omnis adhibenda est cura, ut in proprio retineatur loco. In hunc finem tria requiri solent. 1°. Scilicet ægræ situs resupinus, & talis crurum positura, ut alterum alteri incumbat. 2°. Occlusio vaginæ, quâ nonnunquam morbi recidiva præcavetur. Sic pessarium astringens, & vaginæ diametro, formâ & crassitie respondens, non sine successu institui solet. 3°. Partes quibus superiora uteri ligamenta connectuntur, corroborandæ: sunt sic emplastrum contra rupturam applicatur regioni utrinque lumbari, vel aliud emplastrum ex ladano, thure, mastiche, galbano, terebinthinâ, sanguine draconis, aliisque id genus remediis confectum. Foveri & quoque potest uterina regio vino rubro tepido,

in quo decocta fuere remedia sequentia vel consimilia, radices nimirum consolidæ majoris & rubiæ tinctorum, rosæ rubræ, balaustræ, &c. Astringentia & quoque sub opiatarum formâ & per decem aut duodecim dies continuanda, sumenda sunt sub sequenti formulâ.

℞. Conservæ radicum symphyti majoris ʒß. terræ Catechu, sanguinis draconis & aluminis pulverati ana ℥j. & cum f. q. sirupi de rosis siccis fiat opiata pro unâ dosi.

Verùm antequam deferamus hujus morbi curationem, varia sunt quæ sedulam merentur attentionem, & 1°. quidem uteri prolapsus morbus est plerumque chronicus & contumax: hinc non unâ tantùm vice, sed repetitis vicibus appropriata in usum vocanda sunt remedia. 2°. Dum à causa violenter agente producitur morbus, & præsertim dum sæviunt symptomata, qualia sunt calor, dolor, febris convulsiones, &c. repetitæ venæ sectiones, emulsiones, narcotica, &c. Absolutè necessaria sunt cum diætâ tenui. 3°. Si lento gressu accedat malum, & ab hydrope v. g. universali, aut particulari, vel à fluore albo proficiatur,



prolapsus ille curari nequit, quin prius tollantur affectus illi, quorum symptoma est: ergo adaptata illis morbis profligandis remedia sunt necessario præscribenda cum fortiori, & exsiccante diatâ.

4°. Ut liberior semper reddatur labefactatus uterus, levia conveniunt diuretica, ut expellatur, in vesicâ collecta urinæ copia, & clysteribus iteratis laxanda est alvus. Quod verò spectat emetica & purgantia, credimus sæpiùs magis nociva esse quàm proficua, habito præcisè respectu ad veram morbi indolem. 5°. Cucurbitas propè umbilicum, mammas & lumbarem regionem, quarum ope, superiùs retrahitur uterus, tantùm abest ut damnemus, quin ex adverso maximè laudamus dum præsertim morbus recens est & laxitatem pro causa agnoscit. 6°. gratum suavemque odorem spargentia naribus; graveolentia verò medicamina pudendis admovenda non damnamus, tum quia, nisi in peculiaribus temperamenti, nullum possunt inferre incommodum, tum quia à majoribus nostris omni fide dignis laudantur; & demum quod eorum usus, rationibus satis probabilibus confirmare arduum non esset, si per otium liceret. 7°. Dum uterus reponi nequit consuetâ, & superiùs propositâ

methodo, ægræ ostendens Medicus, aut Chirurgus ferrum igne candens, volens quasi statim prolapsam, eo, partem tangere, maximæ & parum expectatæ utilitatis esse potest. Hoc nos docet, non solum *Roderici à castro* auctoritas, licet apud nos maximi sit momenti, qui affirmat se vidisse Chirurgum, consimili methodo prolapsa, per vulnus, in testina, restituisse; verum & confirmat probabilis ratio, quâ pronum est conjicere humanam machinam propriæ semper conservationis avidam, sese ad minores quasi angustias restringere, dum accidentia subito respicit agentia maximè nociva. 8°. Demum cautelæ variæ superiùs allatæ; cucurbitæ nimirum, emplastra superioribus partibus, applicanda medicamina grata aut fetida nunc naribus, pudendis modò admovenda parum vel nullo modo profunt, dum sola afficitur vagina; tunc enim astringentia, vel saltem medicamina morbo debellando appropriata administranda sunt.



C A P U T V I I.

*De Cancroso uteri tumore. Morbi descriptio & definitio.*

**O**Missis tanquam parum utilibus iis rationibus quibus tumoris cancrofi, canceri, vel carcinomatis natura, meliùs dicam nomenclatura, suffulta est; tumorem ipsum à primordio ad finem usque prosequamur. In hujus uteri tumoris cancrofi, principio, uterus ipse, vel saltem pars aliqua illius notabilis apparet extensione solito majori conspicua; tumor ille durus est & renitens; nunc citra dolorem ullum, nunc cum dolore obtuso, cum affecta pars comprimitur; aliquando à prima tumoris origine, cum dolore nunc obtuso, nunc lancinante, sensim augetur partis tumefactæ moles, anxietates per vices recurrunt. Dolor nunc magis, nunc minùs sensibilis est, uterinorum purgaminum ordo pervertitur, fluunt enim menstrua nunc tardiùs, & minori copiâ; nunc verò citiùs & hæmorrhagiæ uterinæ ad instar, aliquando supprimuntur. Liquor fetidus & ichoro-



ſus guttatim per vaginam excernitur ; ſæpè vaginæ capacitas ſicca , nulloque humore madida deprehenditur ; accedunt ſæpè febriles æſtus. Verum , dum inveteraſcit malum , omnia in pejus ruunt , tumor admodum notabilis evadit , dolore quaſi continuo afficitur , ſubſequitur lenta febris , corporis marcor , tuſſis , vigilia , fitis , &c.

Verum hæc omnia cancroſo uteri tumori alioquin non ſemper eſſentialia , unius definitionis termino comprehendere & tædioſum & inane prorsùs foret , quapropter morbum hunc juxta ſymptomata tantùm merè eſſentialia juvat definire.

Cancroſus itaque uteri tumor modo ſequenti definiri poteſt. Tumor ille uteri vel notabilis uteri partis , duritie , renitentiâ & dolore , vel ſæpiùs recurrente , vel conſtanti ſtipatus.

### *MORBI DIFFERENTIÆ.*

Frequentiores hujus morbi differentiæ poterunt deduci , vel à diverſitate ſedis , vel à diverſâ tumoris naturâ , vel ab illius diuturnitate , compoſitione , vel demum à cauſarum varietate. 1<sup>o</sup>. Itaque vel internæ uteri ſubſtantiæ inhæret tumor ille

cancroſus, vel exteriùs, juxta illius viſceris orificium, ſedem eligit, hinc illius diviſio in internum, & externum. Poſterior hæc ſpecies non tangi tantùm, ſed & videri juxta totam illius dimensionem ſpeculi ope, non rarò poteſt; tuncque præter ſigna ſuperiùs allata, deprehenditur tumor inæqualis, lividus, aut ſubniger, graveolens verbo, viſu horribilis.

2°. Vel tumor ille recens eſt, & nullum effundit humorem, vel juxta partes aut internas, aut externas, diſſolutum cruorem, ſaniem loturæ carnis ſimilem, vel ichorem fetidum, & ſatis copioſum eructans. Prior ſpecies tumor cancroſus occultus, vel carcinoma: poſterior verò tumor cancroſus, ulceratus, vel phagædena nuncupari poteſt. Præterea tumor cancroſus in genere magis vel minùs occultus eſt, quò magis vel minùs diſtat à tegumentis externis.

3°. Vel à brevi vel à longo temporis ſpatio, apparuit morbus ille: hinc nunc recens, nunc inveteratus dicendus eſt. Præterea vel indolens imprimis eſt tumor ille, vel dolore aut lancinante aut ſaltem obtuſo, aut conſtanti aut ſæpiùs recurrente afficitur: hinc ſymptomatum varietas.

4°. Vel ſolius hujus morbi ſigna, vel

cum illis, aliorum morborum uteri, aliarumve partium signa deprehenduntur, hinc illius tumoris divisio in simplicem, & compositum sive complicatum.

5°. Nunc à collectione lymphæ inspissatæ, vascula sanguinea per viciniam reptantia sensim comprimentis, proficiscitur tumor ille, nunc à lymphæ collectæ acrimoniâ & asperitate (quicquid in contrarium arguant novatores varii, quorum doctrina, in verborum aut sonorum mutatione, tota consistit) natales dicit; aliquando à vitiatâ & indurata sanguinis fece producitur, etiam in sanguineis vasculis, tumor ille cancriosus: hinc variæ illius divisiones penes causarum varietatem.

### C A U S Æ.

In assignandâ tumoris cancriosi causâ, non levis inter antiquiores, & inter recentiores medicos promoveri solet controversia, illi nunc unam, nunc alteram assignant causam *Galenus* v.g. naturalem melancholiam, vel atram bilem redundantem, & in peculiari corporis parte collectam pro tumoris cancriosi causâ assignat. *Sen tus* bilem accusat adustam, *Avicenna* melancholiam adustam: *Oribasius* bilem fervefactam.



*Rodericus à Castro* atram bilem, *Fabricius* ab *Aquapendente*, & *Paræus* atram bilem & id omne quod sanguinem adustum & melancholicum generare valet. *Rondeletius* demùm pro hujus morbi causa admittit humorem atrabilarium.

Verùm illa licet antiquorum sententia per varias annorum series parvo cum discrimine floruerit, nec (ut veritatem fateamur) à genuino, rectoque praxeos ramite plurimum recesserit: nihilo-  
tminùs tamen à tempore, quo detecta fuit humorum circulatio, antiquorum heoria, nescio an bonis, malisve ægrotantium rebus penitus obsoleta evasit.

Quod spectat recentiorum opiniones, aliquorum tantum juvat recensere. Alii itaque acido-salini, & austeri humoris collectionem pro causâ admittunt. Nonnulli essentialia tumoris cancrofi symptomata à solius lymphæ collectæ evaporatione, partium tenuissimarum productâ spissitudine & repetitis vasorum per viciniam reptantium ictibus immediatè deducunt; atque adedè illius lymphæ concretionem & solito fortio-  
rem vasorum oscillationem tanquam causam hujus morbi immediatam aut conjunctam agnoscunt.

Non immorabimur in detegendis ho-

rumce ſyſtematum erroribus. Quid autem de iis ſentiamus ex jam dicendis patebit.

1°. Itaque fatentur omnes tumorem ſkirrhoſum omnem converti poſſe in tumorem cancroſum. 2°. Nonnulla corporis viſcera integra ſkirrhoſa fieri docet cadaverum apertio : totum enim hepar in omni puncto ſenſibili bis vidimus ſkirrhoſum, totum pancreas, ſemel & quoque totum deprehendimus ſkirrhoſum unum ex pulmonum lobis. 3°. Quotidianâ manifeſtum eſt praxi tumores ſkirrhoſos & cancroſos oriri à ſuppreſſis evacuationibus naturalibus vel habitualibus. 4°. Hoc & quoque experienciâ probatur nempè quod licet juxta artis leges tumor ſkirrhoſus & præſertim cancroſus ex toto tollatur, novum in partibus vicinis aliifve pullulare. 5°. ſuccedunt ſæpè tumores ſkirrhoſi & cancroſi morbis chronicis. 6°. A primâ tumoris cancroſi origine, dolor aliquando adeſt, vel obtuſus vel acutus. 7°. Pars fit ſkirrhoſa brevi in tumorem cancroſum abitura ; à ſolâ contuſione, ſano alioquin corpore, & ablata ſemel illâ parte, ſanitas integra reſtituitur.

Ex his propoſitionibus experienciâ innixis, liceat nonnullas, tanquam totidem

corollaria, consequentias deducere. 1°. Itaque ex propositione prima & secunda manifestum est tumorem omnem skirrhosum posse in cancrosum converti, & integra viscera, vel saltem viscus aliquod juxta omnes illius partes fieri skirrhosum. Hinc evidens est quod omnia affecti visceris vasa evadant skirrhosa. Ergo non tantum lymphæ in lymphaticis, sed & sanguis in sanguiferis, & alia, si qua fuerint, liquida, in propriis vasculis congesta, inspissata, &c. & tumori skirrhoso & cancroso immediate conducunt producendo. 2°. Ex propositione tertiâ, & quartâ patet ex suppressis evacuationibus, oriri tumores tum skirrhosos, tum cancosos; imò & licet his tumoribus affectæ partes juxta artis chirurgicæ leges extirpentur, consimiles enasci tumores vel vicinis, vel in aliis corporis partibus. Hinc evidens est tumorem præsertim cancrosum non à solius lymphæ inspissatione, nec à vitio locali, sed à perversâ humorum omnium crasi, in citatis casibus pendere. 3°. Ex propositione quintâ & sexta, certum est tumores generari cancosos, ab humoribus vappidis, exsiccatis, asperis, salinis; talis enim est humorum discrasia sub finem morborum chronicorum: à tali quoque liquorum



dispositione producitur cancrusus tumor, qui à principio dolorem habet comitem. 4°. Verùm in aliquibus circumstantiis, certum est ex propositione septima à vitio partis, imminutis v. g. vasorum diametro & liquidi contenti spissitudine oriri statim tumorem skirrhusum qui deinde & vasorum oscillationibus, & liquidi concreti asperitate, aut acredine, cancrusus evadit, sine generali ullo liquorum vitio; quod demonstratur ex dictâ propositione.

Ex his ita expositis demonstratur causam immediatam cancrusi uteri tumoris esse humoris lymphatici aut sanguinei, aut utriusque simul congestionem, ariditatem, asperitatem vel acrimoniam in vasis uteri lymphaticis aut sanguineis vel utrisque simul. Causæ itaque remotæ erunt ea omnia, quæ eorundem humorum congestionem, ariditatem, asperitatem, vel acrimoniam præbent occasionem: hinc coarctata vasorum uterinorum cavitas, quam produciunt contusiones externæ, ictus, casus, &c. internæ convulsiones, irritationes, distractiones: humorum in uterinis vasis delectescentium, & pravorum, mora, quam inferunt obstructions eorundem, aut frigus post partum susceptum, &c. quibus sisti solet menstrualis

trualis purgatio. His, inquam, causis inducitur congestio pravorum humorum. Arescunt humores illi in genere à morbis chronicis, animi pathematis, exercitiis immoderatis, ardentium liquorum abusu, &c. Arescunt in partè affectâ, inflammatione illius partis, vasorum vibrationibus nimis, remediis calidis, &c. Tandem asperitatem, seu acrimoniam humorum illorum producant vel consimilis humorum crasis, vel partis affectæ fervor, oscillatio, irritatio, contusio, &c.

### *S Y M P T O M A T A.*

Ex causis jam explicatis symptomata omnia tum essentialia sive pathognomica, tum accidentalia tumoris uteri cancriosi facilè poterunt deduci: etenim,

1°. Si totus uterus, vel notabilis aliqua illius pars à liquidis ibidem collectis & copiâ solito majori repleatur; hinc, vel totius uteri, vel partis illius notabilis tumor præternaturalis.

2°. Exsuperans concreta materies in uterinis vasis, efficit ut tumor ille tactui appareat & durus & renitens.

3°. Si spectetur tumor ille tanquam verè skirrhusus, nullus deprehenditur dolor: verùm dum carcinomatis, aut tu-

moris cancroſi naturam adipiſcitur, dolorem ſemper habet conjunctum. Dolor ille dependet ab aſperitate vel acredine humorum in parte affecta collectorum, quia vel partes illæ calore vicino exaltatæ, & agitæ, in vaſorum, quibus continentur, parietes impingunt, vel quia hæc eadem vaſa ab illis particulis ſtimulata, in earundem partium ſcabritiem reagunt. Hinc fibrillarum nervearum irritationes & tenſivæ diſtractiones, multigenæ quidem ob diverſos particularum inſpiſſatarum, & exſiccatarum, exiſtendi & agendi modos; unde dolor nunc lancinans, nunc acutus, nunc obtuſus.

4°. Ad expaſa & dilatata ſemel uteri vaſa, cancroſum tumorem retinentia, appellunt alia liquida ſpiſſitudinem, & aſperitatem brevi ſuſceptura, unde major in dies tumoris cancroſi expaſio, & ratione doloris per vices renovandi, anxietates variæ, & dolores magis vel minus ſenſibiles, prout magis vel minus exaſperantur collecti humoris partes.

5°. Proportione ferè eadem, quâ creſcit tumoris cancroſi dimenſio, eâdem, & imminuitur menſtrualis purgationis vehiculum, & comprimuntur vaſcula catameniorum evacuationi dicata. Hinc pro majori, vel minori tumoris expaſ-



sione ; & majori , vel minori doloris intensione , nunc suppressio , nunc notabilis imminutio mensium. Verùm continuatâ tumoris expansione , & auctâ doloris vehementia , menstrualia vascula fauciantur. Hinc frequentior vel copiosior uteri evacuatio , uterinam hæmorrhagiam aptè satis repræsentans.

6°. Dum pars tumoris exterior, repetitis vasorum ictibus , aut iteratis materiæ contentæ motibus dilaceratur , exire materiem summè divisam , & attenuatam necesse est: dum verò resistunt exteriora tumoris vasa , nihil effluit , hinc nunc per vaginam liquor ichorosus , aut loturæ carniū similis effunditur per vaginam ; nunc verò vagina prorsus arida deprehenditur. Ex combinatis , & adauctis partis affectæ doloribus , partiumque vicinarum compressionibus , venosus sanguis solito celerius ad cordis auriculas , ventriculos , indeque ad appensas arterias propellitur , unde febriles æstus.

7°. Temporis successu magis magisque dilatantur & stimulantur tumidæ partis vasa , varia ibidem generantur liquida puris indolem redolentia , circulanti sanguini perpetuò miscenda , & vel in toto sanguinis orbe , vel in diversis colatoriis strages diversas editura ; hinc notabile

tumoris incrementum, dolor insignis, lenta febris, corporis marcor, tussis continua, virium debilitas, sitis, vigiliæ, &c.

### *DIAGNOSIS.*

1°. Generalis hujus morbi notitia haberi potest ex iis quæ supra diximus, dum de descriptione, definitione, differentiis, &c. sermo erat. Quotiescunque autem in uteri corpore deprehenditur tumor durus, & renitens cum dolore vario, sed plerumque lancinante, aliisque symptomatibus superiùs citatis, pronum est conjicere uterum affici tumore cancroso, præsertim, si sub finem descriptionis alibi allatæ, symptomata indigitata sui præbuerint indicia, qualia sunt corporis atrophia, lenta febris, virium jactura notabilis, inappetentia, &c.

2°. Nec difficiliiori opera distingui potest ab aliis affectibus uteri, quibuscum affinitatem quamdam videtur habere; tales sunt morbi illi, in quibus vel totus uterus vel aliqua illius pars sed manifesta satis citra consuetas naturæ leges tumet: sic tumet uterus dum hydrope afficitur, dum tumore skirrroso infestatur, dum phlegmonodeo vexatur, &c.

Verùm 1°. tumor uteri hydropicus

mollis est, tactui facilè cedens, & indolens: tumor verò cancrusus durus, renitens & dolorificus; hoc tamen observatu dignum arbitramur tumorem uteri cancrusum sæpè concomitari hydropem illius partis, imò & totius abdominis.

2º. In tumore uteri skirrhuso adest quidem durities, & renitentia; sed dolor nullus, tumori verò uteri cancruso confirmato dolor essentialis est. 3º. Phlegmonodeus uteri tumor morbus est acutus; tumor verò cancrusus, morbus chronicus. Præterea minor longè est durities tumoris phlegmonodei, major tumoris skirrhusi; acuta quoque febris tumorem phlegmonodeum, vel nulla vel lenta tumorem cancrusum concomitari solet. A graviditate & molâ distingui potest tumor cancrusus uteri, per signa utriusque peculiariora.

3º. Ut innotescat specierum hujus tumoris diversitas, differentiæ superiùs allatæ sedulò percurrendæ sunt. Sic 1º. si juxta vaginæ fundum, aut prope uteri orificium visu, aut tactu percipiatur tumor ille, externus: si verò in interiori uteri substantiâ deprehendatur, internus tumor est cancrusus. 2º. Dum perpetuò effluit humor ichorosus, saniosus, aut purulentus, tumor cancrusus ulceratus; dum verò vici-



nae partes nullo tali humore madent, non ulceratus, sive occultus canerosus tumor nominari consuevit. 3°. A diversa temporis periodo qua morbi symptomata apparuere, tumor dici potest vel recens vel inveteratus. 4°. Prout illius tumoris signa sola, vel cum illis, alterius & quoque morbi symptomata elucescunt, tumor ille simplex, vel complicatus dicendus est.

4°. Causarum, quod spectat, hunc tumorem producentium, diagnosim, illam per conjecturas tantum, sed satis quidem probabiles possumus interpretari. 1°. Si vel lymphæ luxuriantis vel inspissatæ præcesserint signa qualia solent exhibere; obesa corporis constitutio, venerea lues prægressa, & malè vel nullo modo curata, tumoris diuturna indolentia, &c. hinc nec levi forsân conjecturâ judicare possumus tumorem illum à congestâ & inspissatâ lymphâ natales duxisse. 2°. Si tumorem citatum antecesserint uteri phlogoses, aut inflammationes, vasorum sanguineorum irritationes, compressiones, aut distractiones; inspissatæ & induratae sanguinis feces, in ipsis sanguiferis vasis delitescentes, & in motum quomodocumque agitatae, pro causis, accusandæ sunt. 3°. Si invetera-

tam, veneream, scorbuticam aut scrophulofam luem subsequatur tumor uteri canerosus, aut si diuturniorem tristitiam, internum aut externum quoddam ulcus, biliosamve aut aridam, acremque corporis constitutionem consequatur, aut comitetur, signum est tumorem illum pendere non solum ab humorum spissitudine, sed etiam ab eorundem acrimoniâ. 4°. Et illud probè notandum est, quod nempe vitium lymphæ, aut lymphaticorum vasorum, sanguinis & quoque in propriis vasculis; sicut & cruoris in propriis canaliculis, vitium, circulantibus per lymphatica uteri vasa, roris lymphatici labem haud rarò inducat; vel, quod idem est, turgida uteri lymphatica vascula sanguineos per viciniam reptantes ductus comprimunt, & vicissim à repletis cruoris vasis lymphatica comprimuntur incernicula.

### *P R O G N O S I S.*

Cancerosus uteri tumor morbus est molestus admodum, sæpè canosus, ple-  
rumque morte solâ terminandus. Hujus  
assertionis veritas, experimentis nimi-  
rum nimis frequentibus innixa, de-  
monstratione licet nulla videatur indi-

gere; interim tamen majoris claritatis causâ singula propositionis membra, & percurrere, & demonstrare, operæ pretium judicamus.

1<sup>o</sup>. Itaque, quid humanum corpus magis solet molestare? omne haud dubiè illud, quod non tantùm ingratam, sed & dolorificam quoque excitat, perpetuò sensationem; verum cancrofi uteri tumoris dolor, isque lancinans vel deurens, verbo gravis comes est individuus. Ergo morbus molestus admodum semper censendus est.

2<sup>o</sup>. Ex ulcerato uteri cancroso tumore effunditur liquor putridus, graveolens & ichorofus, quo pudenda, femorum interiora præsertim, & indusium perpetuò defœdari solent; ergo tumor cancrofus uteri præsertim ulceratus, morbus est sæpè cœnofus.

3<sup>o</sup>. Tumor etiam skirrhofus, quem attingere nequit chirurgica manus, præsertim si confirmatus est, insanabilis est: huic itaque dum conjungitur continuus dolor, quo & febris accenditur & digestio pervertitur, & somnus præpeditur, & nutritio deprayatur, & imminuuntur secretiones; &, verbo dicam, functiones pene omnes labefactantur; num gratiùs quidpiam expectare licet? Minimè



quidem, ex adverso ultima ægrotantis dies citiùs expectanda est. Tumor itaque cancrofus uteri sola morte plerumque terminandus est; dixi plerumque, tum quia varii practici se tumores cancrofos præcipuè incipientes curasse testantur, tum quia nosmetipsi talem tumorem, aut tumorem saltem cancrofum satis aptè repræsentantem, unum scilicet in collo, alterum in utero, à mensium suppressione utrumque pendentem sanavimus, ut patet ex iis, quæ supra diximus dum de mensium suppressione; sed credimus bonâ fide laudatos jam tumores verè cancrofos non extitisse, licet durities, renitentia & dolor, deprehensa fuere; sed partium vicinarum tantùm phlogosim simulatæ duritie contiguarum partium conjunctam fuisse.

Verùm hæc licet jam confirmata prognosis vera sit, quadantenus tamen potest variare juxta diversas circumstantias. Et  
1º. quidem si aliqua efficax sit curandi methodus, dum morbus recens est, magis, dum inveteratus minùs competit.  
2º. Dum cancrofus uteri tumor ulceratus est, vehementiora evadunt symptomata, marcescunt nimirum citiùs partes, lenta febris notabilis magis est, &c. Dum verò occultus est tumor idem, lentiori

greſſu accedunt ſymptomata ; prior itaque ſpecies poſteriori magis periculofa eſt. 3°. Prout major vel minor urget ſymptomatum caterva , eo magis vel minus periculofus eſt tumor ille ; hinc ſimplex , compoſito tumore cancroſo , minùs periculofus. 4°. Dum à ſolius lymphæ vitio , minus ; dum verò & à lymphæ , & aliorum liquorum perversâ craſi proficiſcitur , magis periculofus eſt tumor ille.

Verùm tametiſi pervertatur omnium humorum craſis , & quod labes illa ſuppreſſis evacuationibus debeat , incantamenti aliquando ad inſtar curatur morbus ille ; reſtitutâ nimirum evacuatione , vel naturali , vel habituali , ut patet ex iis , quæ ſupra notavimus dum de menſium ſuppreſſione ſermo erat.

### *CURATIO.*

Tumor licet cancroſus uteri , ſicut & aliarum partium morbi , geminas exhibeat indicationes curatorias , doloris nimirum ablationem ſive ceſſationem ; & liquidi contenti inſpiſſatique , tumorem efformantis , mollitiem & diſſipationem ; nihilominùs tamen experienciâ dum conſtet fermè conſtanti cancroſos præ-

sertim internos tumores arte nullâ radicatus sanari, prophylacticis tantum remediis, quibus scilicet mitigantur morbi symptomata, & illius retardantur progressus, utendum est.

Verum cum non rarò accidat, ut tumor uteri cancrusus, aut saltem tumor cancrum verè æmulans aliquando sanetur præsertim cum ab hæmorrhoidibus, aut catameniis suppressis immediate sobolescit, aut ab aliis causis non minus evidentibus, prudentis medici officium est, causæ morbi debellandæ adaptata præscribere remedia; sic hirudinibus aperienda sunt vasa hæmorrhoidalia, sic mitiorum aperientium ope restituendæ sunt naturales & requisitæ evacuationes uterinæ. Idem, paucis mutandis, dicendum de aliis causis morbum producentibus.

Exceptis tamen talibus vel parum assimilibus hujus morbi casibus; palliatis, ut dictum est, remediis utendum est.

Quapropter instituenda est diæta humectans & refrigerans. Vescatur ægra offis, panatellis, ovis sorbilibus, cremoribus hordei, oryzæ, carnibus non salitis, levi operâ digerendis, &c. abstinere ab alimentis piperatis, falsis, cras-



sis, terrenis, farinaceis, &c. Pro potu ordinario instituatur ptisana sequens vel consimilis.

℞. Radicum fragariæ, & nymphææ ana ℥ij. foliorum malvæ & capillorum veneris ana m. j. coque leviter in aquæ fontanæ ℔iv. ad quartæ partis consumptionem. Sub finem coctionis infunde florum violarum aut malvæ m. β. coletur & servetur ad usum.

Sic præscriptâ convenienti diætâ, modò ægrotantis vires vegetæ satis fuerint, instituenda est venæ brachialis sectio, ex qua educendæ sunt, aliquæ sanguinis uncia pauciores vel plures pro medici prudentiâ.

Alterâ à venæ sectione die, purgans medicamen præscribendum est, sed semper leniens, ne accersatur orgasmicus sanguinis motus, quo morbi symptomata cum pessimis ægrotantis rebus, non rarò intenduntur.

℞. Mannæ electæ & pulpæ cassiæ recentis ana ʒj. dissolve in decocti papaveris rheados ℥vj. fiat potio mane sumenda.

Postea fumat ægra manè jejuno ventriculo sequens jusculum continuando per duodecim dies.

℞. Foliorum acetosæ & portulacæ ana miß. florum buglossi & papaveris rheados ana p. ij. coque cum pullo juniore, vel frustulo carnis vitulinæ non adiposæ : fiat jusculum.

Finito jusculorum usu, purgandum est corpus ut antea vel clysteribus refrigerantibus, & catharticis, qualis est sequens.

℞. Hordei integri p. i. foliorum lactucæ & cichorei ana m. j. feminis lini zij. coque ad 3x. in colatura dissolve pulpæ cassiæ recenter extractæ 3ij. fiat clyster.

Dein præscribendus est lactis ebutyrati usus per novem dies sumendi, in cujus primo cochleari propinandus est sequens pulvis cum lacte semper continuandus.

℞. Tartari chalybeati ʒr. x. oculorum cancrorum fluviatilium, & corallorum præparatorum ana ʒr. xij. salis tamarisci & Saturni ana ʒr. vj. fiat pulvis.

Hujus lactis ebutyrati usui succedat blanda catharsis.

Dein lac asininum manè sumendum est per mensem unum aut alterum, cum vaccino, semper coëto, pro prandio & cæna cum vel sine pulveribus stomachicis ut medico visum fuerit.

Lac & quoque chalybeatum sæpè convenit, si non sanando, saltem mitigando, uteri cancroso tumori. Narcotica & quoque sub diversis formulis præscribenda requisitam & optatam producunt quietem.

Præscriptæ jam generalis therapieæ calci, nonnulla, notatu forsan non penitus indigna juvat adjungere. Et,

1<sup>o</sup>. Quidem licet methodus illa binæ competat cancroso tumori speciei, altera & quoque illi jungenda est, dum scilicet tumor ille ulceratus est, detergenda sunt tumoris labra, hinc injectionum variarum necessitas, quæ conficiuntur juxta prudentiam medici, ex variis medicaminum speciebus, ex lacte nimirum recenti cum saccharo, ex decoëto hordei cum melle rosaceo, ex decoëto herbarum vulnerariarum, ex aquis Ballerucanis, ex aquis Baregensibus, ex decoëto absinthii minoris, aut aristolochiæ longæ & ro-



tundæ, vel tandem si urgeat ardor & pruritus; ex decoctis capitibus papaveris albi, ex decocto malvæ, aut althææ, &c.

2°. Nisi rigeat hyems, vel labes cæteris corporis partibus communicetur, pulmonibus v. g. aliisve vel urgeant cacochymia aut hydropis symptomata; domestica maximè conveniunt balnea, sicut, & aquæ minerales frigida, imò & paululum chalybeata.

3°. Morbus ille chronicus est, & contumax, prælaudata itaque remedia non semel, sed sæpè sunt in usum vocanda.

4°. Quæ præscripsimus remediorum genera mutanda meritò relinquimus medicorum prudentiæ ob ætatis, temperamenti, consuetudinis, aut imaginationis forsan ægrarum differentias.

5°. Miserae forti nunquam relinquendæ sunt ægotantes, sed ex adverso medici verè christiani auxilia sunt semper offerenda: hæc injungit impar ejus officium; sollicitat ægrarum cujuscunque conditionis miseria; determinat tandem morbi illius, rarus licet, felix eventus.



## CAPUT VIII.

*De Passione hysterica. Morbi descriptio  
& definitio.*

**S**I consideretur passio hysterica juxta diversos illius gradus, quamplurima quidem, ne dicam, infinita prope modum symptomata solet comprehendere.

1°. Etenim in teniori illius gradu hæc frequenter observantur symptomata, succussiones capitis vertiginosæ, faciei pallor, aliquale extremorum frigus, oscitationes, suspiria, ructus, nausæ, abdominis inflationes, ineptitudo aliqualis ad incessum; vel incessus solito minùs stabilis, sudores frigidiusculi, animi deliquia, debilitas pulsûs, subitanei, præsertim post pastum, faciei calores, flammeique rubores, &c.

2°. In periodo hujus morbi secundâ citata jam symptomata intenduntur, & alia illis quidem graviora ægras invadunt, cordis nimirum palpitatio, strangulatoria spirandi difficultas, ascensus per abdominis longitudinem globosæ

molis, artuum tremores aut retractio-  
nes involuntariæ, &c.

3°. Intenduntur & quoque recensita  
jamjam symptomata accedente tertio  
morbi gradu, illamque intensiorem,  
immediatè non rarò subsequuntur alia  
cæteris omnibus gravissima, maximè ni-  
mirum notabilis mentis perturbatio,  
convulsivi motus, ad incessum ineptitu-  
do realis, summè notabilis pulsûs immi-  
nutio, quibus proximè succedunt, in sen-  
su saltem medico, & pulsûs & sensûs,  
& motûs privatio, seu abolitio; ab his  
omnibus sæpiùs recurrentibus redux ægra  
incidit non rarò aut in paralysem, epilep-  
siam, apoplexiam, hydropem, invete-  
ratos skirrhus, asthma, &c. sed posteriora  
hæc mala tanquam morbi confectaria  
spectanda sunt.

Ut itaque jam vera tradatur morbi de-  
finitio, quid agendum? hoc quidem la-  
boriosum est: interim tamen, dicimus,  
quod si alterutri, vel utrique, jam supe-  
riùs examinatæ speciei passionis hystericae,  
symptomatibus jungere volueris, statim  
quasi accedentis mortis timorem, singulis  
morbis gradibus, familiarem, imò essen-  
tialem si excipiamus tempus illud, quo  
mens judicare nequit, veram, vel gra-  
dûs cujuscumque in particulari, vel om-



nium simul , definitionem habebis. Hanc, tanquam praxi medicæ , conformem magis , conjicimus definitionem : si verò logicæ regulis minùs judicent alii , illam corrigant , vel aliam breviorẽ clario-remque afferant & illi substituunt.

### *MORBI DIFFERENTIÆ.*

A diverso fonte , passionis hystericæ , deduci possunt differentiæ ; à variis scilicet morbi typis , variisve gradibus , à diverso invadendi modo , à duratione diversâ , à sedis diversitate , ab originis denominatione , & tandem à causarum varietate.

1º. Namque triplex observatur , ut supra dictum est , passionis hystericæ gradus , primus in quo lenia sunt symptomata , succussiones scilicet capitis vertiginosæ , faciei pallor , extremorum frigus , &c. Insigniatur illa species , hystericus vapor , vel ut vult vulgus , vapores hystericæ. Secundus in quo prioris gradus symptomata intenduntur , & alia accedunt præcedentibus graviora , cordis v. g. palpitatio , anhelosa respiratio , ascensus globi per abdomen , &c. hanc speciem juvat vocare hystericam passionem propriè dictam. Tertius demum in quo non solum

apparent repetita jam symptomata graviora ; sed & quoque accedit sensûs & motûs præsertim voluntarii abolitio. Hanc vocamus speciem passionem hystericam soporosam.

2<sup>o</sup>. Frequenti constat experientiâ , singulas jamjam exaratas passionis hystericæ species , non eodem semper modo ; sed diverso prorsûs ordine ægras , præsertim diversas invadere : nam nunc à capite exordium ducunt symptomata ut patet ex pulsatione carotidum externarum , ex gravitate capitis , ex ejus succussionibus , ex visûs obtenebratione ; nunc verò primo à pectore sobolescent , ut patet ex difficili respiratione , ex debilitate pulsûs , animi deliquio , vel palpitatione cordis , &c. aliquando prima monstrant sui indicia in ventriculo , testantibus nausæâ , vomitu , cardialgiâ , ructibus , &c. Non rarò in aliis visceribus abdominis quod probant hypochondriorum inflationes , hypogastricæ regionis tumor , uteri retractiones , borborygmi , flatuum per inferiora eruptio , molis globosæ ascensus , &c. Tandem sæpè incipiunt morbi symptomata , ab artubus , ut patet ex eorum tremore , motibus involuntariis , aura frigida nisu gradario ab inferioribus ad superiora tendente , &c. Hinc sane toti-

dem hystericae passionis species, juxta diversum invasionis modum.

3°. Nemini ignotum est passionem hysterica vel à brevi tantum temporis spatio, vel à plurimorum mensium imò & aliquando ab annorum serie, ægras invasisse. Hinc prior species dicitur recens, posterior inveterata passio hysterica.

4°. Bifariam considerari potest hic morbus, scilicet vel juxta actualem illius insultum, vel juxta illius invasionem; in priori casu sedes est in toto corpore, nulla enim vel fere nulla illius pars designari potest, quæ non patiatur: in posteriori verò casu nunc caput, nunc pectus, &c. afficitur: hinc illius divisio, in sensu jam allato, in universalem & particularem.

5°. Hoc morbo diù laborantium parentum proles vel sine ullâ aliâ, notabili, saltem causâ, vel absque tali parentum labe quacumque, temporis successu afficitur. Prior species passio hysterica hæreditaria; posterior adventitia nominari solet penes originem.

6°. Statim videbimus quod si generales nonnullæ corporis partes sufficienter irritentur, obstruantur, comprimantur, exsiccantur, inde hysterica passionem brevi successuram esse; non mirum itaque.



*de Affectibus Feminarum.* 163  
si ratione causarum, diversæ illius morbi  
species sint admittendæ.

### *C A U S Æ.*

Non immorabimur in refutandis variorum auctorum sententiis, diversas passionis hystericæ causas assignantium: si enim & rationi, & experientiæ consona magis fuerit ea quam statim admittimus, cæteræ sine dubio ex se ruent, vel saltem illis, nostra videbitur præferenda. Ut itaque illius veritas appareat; liceat propositiones nonnullas præmittere, quarum vis & energia omnibus ferè practicis nota est.

### *PROPOSITIO PRIMA.*

In aliqua licet corporis parte peculiari incipiat hujus morbi tragædia, accedente vero illius insultu, immunis nulla, vel fere nulla corporis pars deprehenditur.

### *PROPOSITIO SECUNDA.*

Nullus est passionis hystericæ status (si excipiamus hystericam soporosam) cui non jungatur statim quasi accedentis timor mortis.

*PROPOSITIO TERTIA.*

Dum recens est passio hysterica, nec notæ corporis labi succedit, finito semel illius insultu, aut paroxysmo, functiones omnes ut par est, exercentur, perficitur namque digestio, viget pulsus, peragitur nutritionis opus, apparet nativus color, juxta consuetum modum imaginatur & judicat anima, &c.

Ex his propositionibus, liceat non nullas deducere consequentias, quæ pro totidem corollariis habendæ sunt.

1°. Itaque dum passio hysterica confirmata est, afficiuntur partes per totum corpus dispersæ, ut patet ex propositione primâ.

2°. Omnibus ferè passionis hystericae speciebus, familiaris est mortis brevi accedentis timor; ergo organa sensui, motui, verbo, vitæ munia afficiuntur.

3°. Primario saltem nec afficiuntur digestionis, nec sanguificationis, &c. organa. Ergo concludendum est, generis nervosi, quod per totum corpus distribuitur, quod sensui & motui præest, quod, verum vitæ nuncium est, vitium, causam esse hujus morbi proximam.

Vitium illud in nervorum siccitatem & debilitatem refundimus; ex tali enim nervorum labe deduci possunt essentialia hystericae passionis symptomata, ut infra videbimus, & remedia, tali vitio debellando, apta, congrua magis demonstra-  
buntur.

Causæ itaque siccitatem & debilitatem nervorum inducentes, remotæ erunt passionis hystericae causæ.

Multiplici autem modo siccescunt, & simul debilitantur nervi: dum nempe nervosa fluida inspissata sunt, dum nervi comprimuntur, obstruuntur, dum liquida semel ingressa titillant, & irritant nimis, & demum dum nervosum genus subitaneos, & violentos, vel gradarios sed solito frequentiores patitur succussus, &c. Hinc vita nimis sedentaria, alimenta acida, vel levi de causâ acescentia, tumores varii, liquidorum crassities, eorundem acrimonia & falsedo, subitanei pavores, casus ab alto, meditationes profundæ, amoris ærumnæ, &c. pro causis remotis habenda sunt.

Causæ aliæ omnibus ferè fatis notæ jam recensitas foveant producuntve.

Porro acriora, ut dictum est, liquida retenta, massæque humorum iterum communicata, in nervorum fibrillas arie-



tantia hunc producant morbum , & in illo sensu , feminalia mulierum ergastula obstructa , obstructive tubuli menstruationis dicati , tanquam remotæ causæ non rarò spectanda sunt.

### *SYMPTOMATA.*

Tædiosum fanè foret , singulorum , hystericam passionem , aut concomitantium , aut subsequantium symptomatum , explicationem aggredi : quapropter , nonnulla tantùm & præsertim frequentiora hujus morbi symptomata juvat , & breviori verborum apparatu , explicare. 1°. Ita quæ dum incipit passio hæc hystERICA , & nervosa siccescunt filamenta , succussiones percipiuntur præprimis ut plurimum in regione corporis superiori , vel quia sensationes omnes ibidem naturaliter terminantur , vel quia à continuata corporis motione perpendiculari , & nativo pondere , partis superioris nervi magis distrahuntur ; hinc succussiones capitis aliquando vertiginosæ , & ex illis , sanguiferorum tubulorum , compressiones variæ , præsertim in partibus vicinis ; hinc 1°. faciei pallor , inde præpeditus sanguinis circuitus , in locis præcipuè à corde magis diffitis ; unde 2°. extremorum frigus.

Ex

Ex eodem fonte fit liquorum stasis ; unde 3°. oscitationes & suspiria ventriculi & intestinorum fibrillæ nervosæ in consensum trahuntur ; hinc pravæ digestionēs ; & inde 4°. Ructus , nausæ & inflationes abdominis. Labes eadem vel nervosis articularum tubulis communicatur , vel affecto semel capite , mens nequit regere ; & hinc 5°. aut secessus solito difficilior , aut omnimodè quasi interruptus. Ex multiplici vasorum crispatura & compressione , sobolescent 6°. sudores frigidi , animi deliquia , & pulsûs debilitas. Ex siccitate nervorum faciem perreptantium , indeque facilè movendorum ; vel ex miscela chyli cum sanguine , vasa interrupta fortiùs movente , vel demum ex oscillatione majori fibrillarum nervosarum ventriculi , & intestinorum oritur 7°. paulò post pastum faciei calor , rubor , &c.

2°. Temporis successu ingravescit malum , magis itaque siccae & debiles evadunt fibrillæ nervosæ : hinc 1°. symptomatum jam explicatorum incommoda ingravescent. Præterea aliarum partium nervi validè succutiuntur , crispantur , rigescunt , si in vasis , ventriculis cordis , vicinis , fit 2°. cordis palpitatio ; si in nervosis filamentis laryngem perreptan-

tibus, fit 3°. ſtrangulatoria reſpiratio; ſi in uteri, inteſtinorum & ventriculi nervoſis propaginibus, deprehenditur 4°. globolæ molis per abdominis longitudinem, aſcenſus; & tandem ſi ſic afficiantur nervi artubus proſpicientes, illarum partium tremores, aut convulſiones 5° conſpiciuntur.

3°. Perſeverante, & ſæpiùs recurrente eadem nervorum labe, recensita & quoque jam ſymptomata ſæviùs ægras affligere 1°. neceſſum eſt. Corporis partium nervi vel ſæpiùs, aut fortiùs vibrantur, vibrationes illæ ſæpiùs aut fortiùs cerebro communicantur, vel ipſiuſmet cerebri fibrillæ nerveæ immediatè afficiuntur. Hinc 2°. mentis perturbatio, convulſivi motus, & ad inceſſum ineptitudo. Criſpentur eadem lege vel cordis vel arteriarum fibræ nervolæ: hinc 3°. pulſûs aut abolitio aut notabilis imminutio. Afficiantur eodem modo muſculorum nervi; hinc 4°. motûs & ſenſûs vel privatio, vel abolitio. Augeantur dictæ nervorum indiſpoſitiones in diverſis partibus muſculofis v. g. aut cerebroſis, aut in poſterioribus hiſce agant inæqualiter, & vide: hinc 5°. paralyſis, apoplexia, aut epilepſia, &c. Tandem ex vaſorum criſ-



paturâ , humorum stasi , & eorundem siccitate , vel spissitudine nascuntur 6°. hydropes , skirrhî , asthma , &c.

Demum quod spectat formidinem mortis brevi accedentis ( quæ quidem tanquam individuus ferè , hujus morbi comes , spectanda est ) partim naturalis , partim melancholica est : naturalis , quia dum superius memorata hujus morbi symptomata , prima sui præbent specimina , violentas & inassuetas patitur succussiones totum nervosum genus , labefactantur sensus , & motus in quorum exercitio materialis vita consistere videtur ; unde individui destructionem brevi accessuram timere naturale est. Verùm dum sæpè recurrunt & identidem cessant , aut ad sensum mitescunt laudata symptomata & tum animi , tum corporis munia ritè perficiuntur ( quod quidem probat solos immediate affici nervos ) mortem quasi brevi accedentem repræsentare aut judicare , melancholiam sapit.

#### *D I A G N O S I S.*

Signa licet passionis hystericae diagnostica ex supra dictis in descriptione , differentiis & causis , non incongruè desumantur , illius tamen diagnosim ulterius perscrutari , non inutile prorsus judicamus.

Hij

1<sup>o</sup>. Distinguenda est ab omnibus aliis morbis , cum quibus symptomata non pauca habet communia , & ut hoc ordine requisito procedat , percurrendi sunt sed breviter tres hujus morbi gradus. In priori autem gradu , morbus ille ab aliis , vix per se distingui potest à nervorum scilicet tremore , animi deliquio , &c. Verùm morbus ille sæpiùs recurrens sine causa manifesta mortis formidinem habens conjunctam , molis globosæ ascensu per abdominis longitudinem clarè determinat illius naturam , distinguitque symptomata illa verè hysterica à simplicibus musculorum tremoribus , capitis succussionibus , animi deliquiis , &c.

Hæc & quoque jam recensita symptomata , hystericæ passioni propria , illam distinguunt à palpitatione cordis , à difficultate respirandi , &c. quæ in secundo hujus affectûs gradu solent apparere. Jam videamus quomodo distinguatur tertius illius gradus in quo aboletur , aut saltem imminuitur maximè pulsus , sensus , & motus , &c. ab aliis affectibus in quibus consimilia deprehenduntur signa , ut v. g. in apoplexia , syncope , epilepsia , affectione hypochondriaca , &c.

Et quidem præterquàm quod hysteriæ

natura hæcenus nota fuerit medico & astantibus, & inde ab aliis quibuscumque distinguatur morbis 1°. ab apoplexia per convulsiones, quæ in simplici apoplexia nunquam, in hysterica passione semper magis, vel minùs notabiles solent observari. 2°. Hysteriam distingues à syncope; in syncope enim pulsus primò deficit: in hysterica passione licet imminuatur, plerumque persentitur; in syncope lividus fit faciei color & sudor est frigidus: in hysterica verò passione, facies pallet tantùm, & nullus vel paucus est sudor. 3°. Tametsi confundi possit juxta obvia symptomata, cum epilepsia, ab ea tamen distingui potest non solum per prægressa, sed & etiam quia sopor profundus est in epilepsia, & gestarum in insultu rerum obliviscuntur ægrotantes: hystericarum verò sopor, pro momento saltem cedit clamoribus, &c. & gesta in insultu recordantur; prætereà frequens spuma in epilepticarum, rarò aut nunquam in hystericarum mulierum ore apparet. 4°. Ut distinguatur morbus hic ab affectione hypochondriaca, sciendum est priorem mulieribus, posteriorem verò morbum viris magis familiarem esse; prætereà habito respectu ad sedem, in mulieribus pars



affecteda est sæpè uterus , in viris verò abdominis viscera. Quoad cætera , symptomata quidem non rarò eadem sunt. Bis enim suprà observavimus , præter signa utrique morbo communia , ascensum globosæ molis per totam abdominis longitudinem.

2°. Distinguendæ sunt diversæ passionis hystericæ differentiæ , & sanè ea , quæ supra dicta sunt , dum de differentiis hujus morbi sermo erat , sufficiunt ad distinguendos tres passionis hystericæ gradus.

3°. Diversi & quoque invasionis modi deprehendi possunt , ex iis , quæ diximus superiùs.

4°. Recens vel inveterata hystèria ex supra notatis , imò & per se patet.

5°. Si in insultu consideretur morbus ille , universale : si in initio , particulare nervorum genus accusandum est.

6°. Dum à parentibus tali labe affectis , proli communicatur absque causa de novo adveniente , morbus spectatur hæreditarius : adventitius verò ex adverso.

7°. Tandem quod spectat diversas causas , hæ per conjecturas satis probabiles dignoscuntur : sic v. g. si viduis aut virginibus alioquin castissimis superveniat , sine ulla alia causa notabili , passio hyste-

rica , uterus sedes est morbi ; & causa , est ergastulorum feminalium repletio. 2°. Si hunc morbum antecedant notæ uteri obstructiones , skirrhusi e. g. tumores cancrofi , aliique , quibus sistitur menstrualis purgatio , uterus quidem morbi sedes est , & causa obstructio. 3°. Si superveniat morbus laborioso partui in quo uteri tunicæ distrahuntur , vasorum uterinorum angustia & distractio pro causa accusandæ sunt. Talem non ita pridem observavimus vaporem hystericum maxime contumacem , ab uteri prolapsu , post partum difficilem oriundum. 4°. Hysterica passio , quæ mulieribus accidit , dum ætatis ratione menstrua non patiuntur , vasorum uterinorum subsidencia & siccitas causa est. 5°. Si verò uteri munia rite perficiantur dum apparent hujus affectûs symptomata , non magis uteri , quàm aliarum partium aut viscerum nervi accusandi sunt. 6°. Si incautè supprimatur in mulieribus evacuatio aliqua naturalis , vel habitualis , & postea succedat hysteria , redundans humor qualiscumque causa erit morbi medica.

7°. Prætereà si nervorum fasciculi ab ulcere , abscessu , vel tumore comprimantur , & inde subsequatur hysterica passio ,

pro causa , habenda est nervorum compressio ; interim tamen serum in cerebro collectum , ovariorum putredo , aliorumque viscerum vitia , licet in hystericearum mulierum cadaveribus deprehendantur , & morbum primariò valeant producere , morbi sæpè sunt effectus & non causæ.

### *P R O G N O S I S.*

Varii sunt hysterice passionis eventus, & inde varia instituenda sunt præfagia , ex multiplici capite desumenda , nam si hæcenus enumeratos hujus morbi gradus consideremus , sciendum in genere.

1°. Hysterice passionis gradum primum sive vaporem hystericum , in quo mitissima sunt symptomata ( si duo alii spectentur gradus ) cæteris minus periculosum esse. Eâdem ratione patet gradum secundum , tertio minus periculosum esse ; tertius enim gradus sævissimus & periculosissimus est , non tantùm si ad cæteros habeatur respectus , sed & etiam quia principalia vitæ munia labefactantur , imò & haud rarò officiosa nimis medicorum auxilia , ignotâ sæpè morbi naturâ , mortem accersunt , vel oppressam tantùm naturam cum morte turpiter confundunt , medicorum aut astantium incuriâ.



Præterea morbus ex natura sua plerumque longus est, & curatu difficilis: genus enim nervosum semel affectum curationem ægrè admittit.

2°. Si habeatur variarum hujus morbi specierum ratio, multifariam varianda est illius prognosis: sic recens passio hysterica, inveteratâ, cæteris paribus & minùs periculosa & curatu faciliior est.

3°. Extra paroxysmum licet languidè exerceantur variæ functiones, & mortis idea semper præsens sit, minùs tamen periclitatur vita, quàm cùm accedit insultus hystericus: in ultima enim hacce specie, organa vitæ conservandæ absolutè necessaria notabiliter afficiuntur. Hinc longè majus periculum, imò & aliquando subitanea mors, vel saltem morbi plerumque incurabiles subsequuntur.

4°. Passio hysterica adventitia, hæreditariâ per se minùs periculosa est, & faciliùs curatur: rarò enim sanantur hæreditarii morbi qualescumque sint; nec mirum, cùm insita sit labes aut liquidis primariis, aut staminibus primigeniis vulgò dictis, aut utrisque simul; & hinc eradicatio mali difficilior, & periculosiora, magis symptomata.

5°. Variat & quoque prognosis ratione

variarum causarum hysteriam producentium; nam dum producitur v. g. ab obstructionibus nervorum, difficile curatur, quia remedia nervos subire vel nequeunt vel ægrè possunt: pro majori itaque vel minori obstructionum intensione majus vel minus periculum est. Eodem planè modo ratiocinandum est de hysterica passione inducta à gradibus diversis distractionum, & compressionum, quibus nervosum genus affici solemne est. Ab inveteratis & confirmatis concretionibus skirrhoris oriunda passio hysterica lethalis est; lethalis & quoque, vel saltem curatu difficilis est species illa, quæ ab immedicabili prolapsu uteri sobolescit; ex adverso, dum nec inveteratæ sunt obstructiones, nec adhuc dum skirrhoræ, morbus sanari potest. Idem dicendum de distractionibus diversis.

6°. Tandem minus in genere portendit periculum species illa hysteriæ, quæ consequitur naturalem menstruorum suppressionem, quàm illa, quæ ab eorundem præternaturali abolitione, aut notabili imminutione solet pendere: in priori enim casu, minor; in posteriori, major humorum redundantia. Brevitatis causa cæteras juvat silentio prætermittere hujus

differentias prognosticas, à prudenti practico variè desumendas.

### C U R A T I O.

Non minus hypochondriaca in viris quàm hysterica passio in mulieribus medicorum flagellum est. Medicamina enim cujuscumque fuerint generis vel nullo modo, vel rarò, vel tardè admodum optatos obtinent fines. Nihilominùs tamen præcepta quædam instituenda sunt, quibus vel sedari, vel profligari potest passio hysterica. Hinc diversos peragrarè juvat gradus hystericæ passionis superiùs determinatos, & remedia utrique gradui mitigando, vel sanando determinare.

1°. Itaque ubi vapores sunt tantùm hysterici, vel in primo hujus morbi gradu, in quo & leviora sunt symptomata, & numero pauciora, & vitæ periculum minus minantur, pauciora & quoque instituenda sunt remedia. Verùm ex illis alia sunt suadenda in paroxysmo, extra paroxysmum alia.

In paroxysmo, aëri liberiori, magis elastico & mediocriter frigido, exponenda est ægra, convellendi sunt capilli, aqua frigida in faciem projicienda, spi-



rituum urinosorum vapores naribus apponendi, extrema frigida linteolis calefacienda, &c. & si perseveret animi deliquium, levia cardiaca sunt adhibenda.

Extra paroxysmum lenia sunt præscribenda cathartica, non ut causa morbi evacuetur, ut aliqui contendunt, sed ut latens saburra, morbi effectus tollatur, ut præscribenda remedia optatos attingant fines.

℞. Sennæ mundatæ & rhei electi  
ʒj. sal. chamædryos gr. xv. summitatum  
hyperici, & centaurei minoris ana p. j.  
coque in aquæ fontis f. q. in colaturæ  
& expressionis ʒvj. dissolve mannæ ca-  
labrinæ ʒiſs. fiat potio.

Alterâ à purgatione die, sumat ægra  
mane jejuno ventriculo jusculum sequens,  
continuando per duodecim dies aut cir-  
citer,

℞. Pullum juniorem gallinaceum,  
cujus venter replebitur hordei mun-  
dati mſs. seminum quatuor frigidorum  
majorum mundatorum ʒß. Coque in  
f. q. aquæ fontanæ per horas quatuor:  
sub finem coctionis adde foliorum

pimpinellæ , beccabungæ & fumarix  
ana m. ß. coque omnia per horam in-  
tegram : coletur , fiat jusculum.

Finito jusculorum usu , & purgato , ut  
supra , corpore , vel clysteris laxantis , re-  
frigerantis & leniter purgantis ope , qua-  
lis est sequens.

℥. Foliorum mercurialis , brançæ  
ursinæ & chamæmeli ana m. j. coque  
in f. q. aquæ , colaturæ ℥x. dissolve ca-  
tholici pro ore ℥i ß. fiat clyster injicien-  
dus horâ commodâ.

Præscribatur aquarum leniter minera-  
lium usus per decem dies continuandus  
& juxta consuetam dosim , si anni tempe-  
stas sit calida est , alioquin dosis immi-  
nuenda est , & aquæ ipsæmet sunt calefa-  
ciendæ , si rigeat hyemale tempus.

Post aquarum usum alvus laxanda est ite-  
rum clysteribus , & tunc gradario passu ad  
lacticinia deveniendum est , & usus lactis  
continuandus per duos vel tres menses ;  
& dein si faveat tempestatis calor , ad  
balnea domestica recurrendum est , con-  
tinuanda per quindecim dies.

In exitu è balneo sumat ægra jusculum  
pulli junioris foliis nasturtii aquatici , ci-

chorei ſylveſtris , & boraginis alteratum.

In ſecundo hujus morbi gradu , vel in hyſterica paſſione propriè dicta , urgente paroxyſmo , auxilia ſuperiùs indigitata in primo gradu , ſed paulò fortiora , inſtituenda ſunt , & præter illa , inſtante gravi difficultate respirandi , vena ſecanda , ni renuat vera pulſûs debilitas. Convenit & quoque ſequens potio alterans cochleatim ſumenda ,

℞. Aquarum meliſſæ & matricariæ ana ℥iij. confectionis de hyacintho ℥j. pulveris viperini ℥ß. falis tamarifci. gr. xij. caſtorei gr. vj. aquæ cinnamomi ℥ij. fiat potio.

Proſunt & quoque clyſteres laxantes , & purgantes , prioribus non abſimiles.

Extra quoque paroxyſmum , ſuperiùs præſcripta competunt remedia & alia validiora ſubminiſtranda ; ſic juſculis præſcriptis addenda ſunt cancri fluviatiles , radices & folia valerianæ ſylveſtris , & identidem tartarum chalibeatum , vel crocus martis aperiens , & ſub finem lætis aſinini uſus.

In tertio hujus morbi gradu auxilia ſuprà dicta intendenda ſunt , & ſi vigeat corporis calor & color , micetque pulſus,



sanguis largâ manu mittendus est : si verò frigeat & palleat corpus , si parvus admodum deprehendatur pulsus , si syncope urgeat , cardiaca suadenda sunt cochlearum sumenda ,

℞. Aquarum menthæ , & scabiosæ ana ℥iij. confecti alkermes, & de hyacintho ana ℥j. salis viperini & salis volatilis cranii humani , ana ℥j. tincturæ castorei ꝑ℔b. xv. aquæ cinnamomi ℥ij. adde lilii proprietatum Paracelsi ꝑ℔b. xl. fiat potio.

Extra paroxysmum , præter superius laudata remediorum genera , alia & quæque sunt instituenda , qualia sunt juscula aperientia , opiata aperientes & purgantes , &c.

Hæc itaque sufficiant pro stabiliendis universalibus medendi præceptis. Verùm priusquàm deferamus hanc curandi methodum , nonnulla sunt breviter animadvertenda ; & 1º. quidem omnes species passionis hystericae morbum constituunt longum , chronicum , & contumacem ; remedia ergo non unâ tantùm vice , nec unâ anni tempestate , sed sæpiùs , imò & in variarum tempestatum decursu , præscribenda sunt.

2°. Quod ſpectat diætam, explodenda ſunt in genere alimenta cruda, acida, inſpiſſantia, aëria, & his penitus oppoſita ſunt inſtituenda, in moderata doſi, ſeu copia: copia hæc imminui debet præſertim pro cœna.

3°. Et in diverſo temperamento & in diverſis regionibus varianda ſunt remedia: ſic ex. gr. in temperamento ſicco, calido & ſanguineo, ſicut & in regionibus calidioribus, medicamina laxantia, humectantia & refrigerantia magis competunt: in temperamento autem humido & regionibus frigidioribus, evacuantia, incidentia, aperientia magis profunt.

4°. In curatione hujus morbi ſemper habenda eſt ratio cauſæ continentis, v. g. ſi affectus producat̃ur ab uteri prolapſu, uterus neceſſariò ſitui priſtino reſtituendus eſt: ſi verò pendeat à ſuppreſſione menſium, evacuatio illa omni induſtriâ excitanda eſt.

5°. Demum ( & illud probè notandum eſt ) diras plerumque in hoc morbo edunt ſtrages purgantia, & præſertim cathartica & draſtica omnia, atque adeò ſumma cum cautela, vel nonniſi urgente ſummâ neceſſitate ſunt præſcribenda.



## SECTIO SECUNDA.

### *DE MORBIS MULIERUM ACUTIS.*

**S**ECTIO hæc octo complectetur capita :  
in 1°. agemus de furore uterino : in  
2°. de inflammatione uteri : in 3°. de  
abortu : in 4°. de partu difficili : in 5°. de  
febre lactea : in 6°. de immodico lochio-  
rum fluxu : in 7°. de eorundem lochio-  
rum suppressione : & in 8°. demum de  
dolorificis , vel saltem tactu & visu fœdis  
mammarum , & abdominis , post partum  
rugis , differemus.

---

### CAPUT PRIMUM.

*De furore uterino. Morbi descriptio &  
definitio.*

**U**T habeatur hujus morborum affectus  
descriptio , considerari debet du-  
plex illius stadium , unum scilicet , in quo  
femellæ viro plerumque maturæ , citra  
ullam causam manifestam , taciturnæ



evadunt, maximè huc usque desideratum fugiunt consortium, vel levi de causa lacrymantur, vel lacrymas affatim involuntariè effundunt, ægrè admodum quæsitis respondent, obscuriora loca, vel minùs frequentata petunt, pallore faciei, anorexiâ & sæpè cibi fastidio corripuntur. Dum verò vel ex industria, vel casu fortuito, res amatoriæ vel obscænæ repetuntur, quæ hætenus mœstæ fuerunt femellæ jam præter naturam hilares evadunt: rubet earum facies, splendent oculi, summamque exponunt circa agitata objecta facundiam, nec, nisi revocato pudore, possunt tacere, tuncque in priorem incidunt taciturnitatem, consortium fugiunt, loca petunt obscura, vel parùm frequentata, &c.

Secundum verò stadium sequentibus signis demonstratur, adest scilicet oculorum splendor, & rotatio, faciei rubor præternaturalis, adauctum virium robur, garrulitas insana, & tandem omnibus in pejus ruentibus, vel miseræ cujusdam mortis generi sese exponunt, superstite adhucdum aliquo pudoris indicio, vel abjectâ prorsus omni verecundiâ, viros publicè quærunt, sequuntur, & ad enormem concubitum sollicitant.

Ex dictis 1<sup>o</sup>. patet furorem uterinum, si in determinato jam duplici stadio spectetur, ad maniae speciem non posse essentialiter referri. In priori enim delirium est verè melancholicum, versatur enim circa unum aut alterum objectum, & ægrotantes congruè satis ratiocinantur circa obvia quævis objecta, si res obscœnas & amatorias excipiamus. In secundo verò casu non solum delirant affectæ femellæ circa objecta obscœna, verum etiam objectas quaslibet aliorum objectorum imagines malè repræsentant, & de illis incongruè judicant, ergo delirio afficiuntur universali citra febrem, vel quod idem est, aliquâ maniae specie tentantur.

Hinc si utramque furoris uterini speciem brevi oratione liceat comprehendere, definiatur furor uterinus delirium nunc particulare, nunc universale, quo affectæ femellæ de rebus obscœnis & amatoriiis assiduò cogitant, vel furibundæ, impudica verba proferunt, omnique abjectâ verecundiâ, viros indiscriminatum ad coitum sollicitant.

### *MORBI DIFFERENTIÆ.*

Præcipuæ hujus morbi differentię desumi poterunt vel ex diversa delirii spe-

cie, vel ex diverſitate ſymptomatum, vel ex varia durationis norma, vel ex complicatione, aut ſimplicitate, vel demum ex cauſarum varietate.

1°. Itaque ſi delirium eſt particulare circa res nimirum obſcœnas & amatorias, furor ille dicitur melancholicus: ſi verò univerſale ſit, tametſi magis vividum deprehendatur, circa objecta obſcœna, delirium eſt maniacum.

2°. Vel ſymptomata levia ſunt, qualia determinaviſus in priori, vel gravia & moleſta admodum, ut in ſecundo ſtadio innuimus, hinc furor fortis, vel gravis.

3°. Vel à brevi jam tempore, vel à longo invaſit, hinc furor recens, vel inveteratus.

4°. Vel furor ille concomitantem habet hætenus recensitorum ſymptomatum ſeriem, vel cum illis aliorum morborum ſymptomata junguntur, hinc furor dicitur ſimplex, vel complicatus.

5°. Demum alius deprehenditur furor uterinus qui à ſolius cerebri vitio proficiſcitur, alius verò qui ab humoris ſeminalis copia habet originem, hinc iterùm nova hujus morbi differentia juxta cauſarum diverſitatem.



*C A U S Æ.*

Quod constituit naturam & essentiam furoris uterini, delirium est. Hoc utrum particulare est, vel universale, ut plerique contendunt medici: auditores remittimus ad ea quæ diximus, dum de descriptione morbi sermo erat, quibus, nisi nos nostra fallit opinio, evidenter satis demonstravimus, in primo illius morbi stadio, esse delirium particulare, sive melancholicum: in secundò verò delirium universale, sive maniacum. Verùm qualecumque sit delirium, sive particulare, sive universale, in eo consentiunt omnes medicinæ scriptores cujuscumque delirii sedem esse in cerebro, & illius causam consistere in fibrarum emporii vitio: hinc inanis foret disputatio circa sedem, aut morbi causam proximam.

Verùm in quo consistat præcisè illud fibrarum cerebri vitium maximè controversitur, nec profectò unquam forsàn determinari potest ob ignotam prorsus partium cerebri fibrosarum naturam & usum. Alii enim statim confugiunt ad fibrarum illarum siccitatem, cujus ratione conjungenda separantur, & separanda uniuntur.

Sed patet experiētiā talem hypothesim falsam esse : nam 1°. solā persuasione tollitur aliquando delirium. Quānam, quāso, est persuasione conformitas cum fibrarum cerebri siccitate ?

2°. Quis credat hominem ob bonorum jacturam melancholiā tentatum, ( si illā pendeat à fibrarum siccitate præternaturali ) quis, inquam, credat ægrum illum, solā bonorum amissorum recuperatione, sanari posse : interim tamen hoc, experiētiā multiplici, comprobatur.

Hinc illam juvat refutare sententiam... Et liceat in re tam incerta, alteram, non demonstrationem quidem, sed veritati forsan magis appropinquantem hypothesim in lucem proferre.

Causa itaque furoris uterini consistere potest, vel in aliquarum tantum cerebri fibrarum, vel omnium aut saltem variarum tensione præternaturali : nam 1°. tensio illa, vel particularis, vel universalis, & præsertim inæqualis producit delirium vel particulare, vel universale. 2°. Solā persuasione, quā cæteræ fibræ, ad persuasionem attentæ, magis dimoventur, uberiores suscipiunt succi nervalis copiam. Hæc copia depromi potest à fibris nimis tensis & repletis, unde morbi solu-

tio & sanatio. Idem dicendum de bonorum amissorum recuperatione. 3°. Faciliùs longè laxantur, vel remediorum ope, vel exercitiorum beneficio, vel objectorum, & idearum mutatione, &c. fibræ tensæ, quàm laxantur, & pristinæ elasticitati restituantur fibræ exsiccatae, ut patet vel leviter attendenti. 4°. Vivida nimis aliquorum objectorum repræsentatio, aut phantasia vel variorum simul, indomitumque virium robur, quæ omnia aut in primo, aut in secundo morbi hujus stadio demonstrantur, nunquam deduci possunt, nisi à tensione fibrarum cerebri majori.

Tensio autem illa præternaturalis à duplici potissimùm fonte solet oriri.

1°. Ab imaginatione læsa quam inducunt libri amatorii, imagines, res venereas repræsentantes, comedix, cum impudicis commercia, spectacula varia, &c.

2°. Nimia humoris feminalis copia, vel adaucta illius acrimonia; has iterum producunt variæ causæ, quales sunt diutius protracta veneris abstinencia in illis præsertim, quæ huic operi indulgere solebant; 3°. vita deses & otiosa, alimenterum euchymorum usus, &c. Seminalis



humoris acrimoniam inferunt alimenta falsa , piperata , vigiliæ , potus liquorum ardentium , exercitia , &c.

### *S Y M P T O M A T A.*

In diverso hujus morbi stadio , diversæ periodo aut specie , diversa sese exhibent symptomata , examini , seu explicationi jam seorsim subjicienda.

In priori enim stadio femellæ , citra causam manifestam , taciturnæ fiunt , amicarum hætenus amatarum licet fugiunt consortium , vel levi de causa , imò citra ullam , lacrymas effundunt involuntariè & affatim , quæsitis ægrè respondent , loca adeunt minùs frequentata , pallore faciei , inappetentia & sæpè cibi fastidio corripuntur , &c.

1º. Itaque dum imaginatio læditur , & versatur præcisè circa unum aliudve objectum , ut in furore accidit uterino , circa res nimirum obscœnas & amatorias ; tota quasi animæ attentio , circa has solas versatur ideas ; nil mirum itaque , si parùm attendat ægra ad ea quæ dicuntur , quæ proferuntur , quæ narrantur , & inde sic taciturna prorsùs contra consuetum morem evadat.

2°. Amicarum, nullo tali affectu laborantium, discursus, convivia, ludi, cantilenæ, &c. totidem quasi sunt instrumenta, quorum ope furore uterino cruciatæ, divexatæ, ab ideis amatorius & obscenis deturbantur, & hinc est, cur fugiant, amicarum, etsi amatarum, consortium.

3°. Ad fibras cerebri affectas, quæcumque sunt, major affluit liquidi nervalis copia: hinc illius defectus in aliis colatoriis; hinc liquorum stases, & dispositio proxima, ad serum effundendum; hæc dum junguntur cum mentis anxietate & tristitiâ, quid mirum si ad sarcinam tollendam quasi involuntariè effundantur affatim lacrymæ.

4°. Parum attendunt, ut dictum est ad ea quæ proponuntur, quæ quærentur; unde quæsitis ægrè respondent.

5°. Ratione organorum præsertim auditûs & visûs, varias illæ impressiones fuscipiunt femellæ, quibus anima ab amabili rerum obscenarum, & amatoriarum cogitatione, quadantenus dimovetur; hinc furore uterino affectæ loca petunt magis obscura, & minùs frequentata.

6°. Ob perpetuam cogitationem retinetur major liquidi nervalis in cerebro

copia ; minùs itaque moventur cæteri corporis nervi ; hinc minor ſanguiferorum vaſorum vibratio ; unde faciei pallor , extremorum frigus , &c.

7<sup>o</sup> Parum , ut ſupra dictum , attendunt ad quaſcumque impreſſiones factas , niſi proprias attingant ideas , vel cum illis aliquam habeant affinitatem : hinc quæcumque ſit motitatio , quæ famem excitat , incuſſum perficitur , illâ , inattenta prorsùs non commovetur anima : hinc inappetentia ; etſi à ventriculo transferatur inanis commotio fibrarum ad linguam & imas fauces ; hinc ciborum ſaſtidium.

8<sup>o</sup>. Dum verò de rebus amatoriis aut obſcenis , quomodocumque ſit mentio , affectæ jam fibræ cerebri validè & grato tamen modo convelluntur ; vicinæ & quoque ex ſtatu quaſi lethargico , exſuſcitantur : hinc ſtagnantium hætenus liquorum motus truſivus , validior , & promptior ; hinc mentis hilaritas , faciei rubor , oculorum ſplendor , garrula cirea res obſcenas facundia , donec non penitus amiſſus , revocatus fuerit pudor , & tunc diſparent hæc ultimo recensita ſymptomata , indeque iterum incidunt in priora.

In ſecundo verò ſtadio jamjam expli-



cata symptomata intenduntur, magis enim notabilis est hilaritas, rubet magis facies, splendent magis oculi, &c. hæcque symptomata pendent omnia, à causis jam explicatis intensiori gradu agentibus, atque adeò ut repetitiones nauseam semper promoventes vitemus, ulteriori juvat supersedere explicationi. Verùm omnibus in pejus ruentibus, particulare delirium convertitur in universale, & vel morti sese exponunt voluntariè vel propensione fœdâ obcœcata viros quærunt, & etiam si fugiant sequuntur, & ad coitum sollicitant. Hæc videntur explicatu digna.

1°. Itaque ex iteratâ tensione fibrarum cerebri, liquores tendentes, reperiendo resistentias in vasis nimis repletis, derivantur ad vasa lateraliter posita; hinc variarum fibrarum repletio, & tensio præternaturalis, & irregularis; hinc vel repræsentationes variorum objectorum falsæ, falsæ judicia, hinc universale delirium.

2°. Licet delirium sit universale, aliqua remanent verecundiæ indicia, & hinc potius quam res indignas prorsus operentur, mortem voluntariè accersunt.

3°. Demùm sive à peculiari fibrarum quarumvis emporii commotione, vel

particularium tantummodò , pendeat , idearum , & judicii , exercitium , nil mirum si , omnibus in pejus ruentibus , & intensiori factâ causerum energiâ , nil mirum , inquam , si cogitatio de verecundia pervertatur ; hinc furibundæ femellæ , ideis fortioribus incitatæ , viros quarunt , sequuntur , & ad coitum sollicitant.

### *D I A G N O S I S.*

Licet furor uterinus dignoscatur apprime ex iis , quæ supra diximus , in tradendis illius descriptione , definitione , differentiis , &c. juvat tamen pro more consueto , illum distinguere ab alio affectu cum quo videtur , penes nonnulla symptomata , aliquam habere affinitatem ; deinde illius species distinguendæ sunt inter se sicut & differentiæ variæ , variæque ejusdem causæ.

1<sup>o</sup>. Itaque furor uterinus cujus natura generalis consistit in delirio , symptoma illud habet commune cum omnibus aliis delirii speciebus : uterinus nempe furor in primo stadio consideratus , cum deliriis omnibus particularibus sive melancholicis ; spectatus verò in secundo stadio cum deliriis universalibus , phreniticis nimirum , & maniacis.

Verum uterque uterini furoris gradus ab iis omnibus potest sat facilè distingui, primus nempè distinguitur ab omni delirio melancholico, ratione objecti, rerum nimirum obscenarum & amatoria-  
rum : quæ semper objecta sunt prioris speciei furoris uterini. Secundus pariter gradus discrepat ab omnibus deliriis universalibus, phreniticis nimirum & maniacis. A phreniticis distinguitur per absentiam febris, quæ semper comes est individuus phrenitico delirio. Præterea delirium universale furoris uterini habet semper pro objecto familiari res obscenas & amatorias : delirium verò phreniticum, illas vel numquam respicit, vel respicit ad summum transitoriè & quasi per accidens : idem dicendum de modo, quo gradus ille distingui potest à delirio maniaco in genere sumpto.

2°. Gradus vel species furoris possunt inter se distingui : in primo enim, ut sæpiùs dictum est, delirium est particulare, sive melancholicum, & symptomata sunt taciturnitas, &c. in secundo verò delirium est universale, vel maniacum, & symptomata sunt rubor faciei, &c.

3°. Ex pauciori, vel multiplicato symptomatum numero, & præcipuè ex illorum majori aut minori vehementiâ di-



gnoskitur utrùm furor ille mitis est , vel gravis.

4°. Habito respectu ad tempus quo primò invasit morbus ille & perduravit , dignoscitur utrùm recens sit , vel inveteratus.

5°. Si hujus solius morbi symptomata propria apparent , vel cum illis aliorum affectuum symptomata , dignoscitur statim morbum illum esse vel simplicem , vel complicatum.

6°. Demum si morbus ille accidat juvenili prorsus corpori , vel propter commercium constans cum impudicis mulieribus , vel sedulâ nimis lectione librorum amatoriorum , vel spectaculorum amorem spirantium præsentia , profecto imaginationis læsio , pro causâ accusanda est.

Verum si viduis junioribus & castis , citra jam laudata incitamenta , accidat , pro causâ accusandus est humor seminalis. Si verò eadem viduæ juniores & castæ iisdem assuefiant incitamentis , impudicarum scilicet consortio , amatoriorum librorum lectioni , &c. & seminalis humor , & imaginatio læsa morbo producendo aut saltem intendendo mutuâ combinatione solent favere.

An verò seminalis humor adauctâ pec-

cans quantitate vel acrimoniâ alteratus, hunc morbum, vel immediatè producat vel foveat, his signis dignosci potest. In laudatis jam viduis castis, obæsis, alimentis euchymis utentibus, & otiosæ vitæ indulgentibus, accusanda est humoris feminalis adaucta tantum quantitas; si verò appareat in virginibus, macilentis, aridis & siccis, quæ alimentis falsis, piperatis, conditis, vesci solebant, accusanda est illius humoris acrimonia: si verò viduis, aut mulieribus à sponso separatis, & vitam castam degentibus, sicco, calidoque temperamento donatis, &c. insidiatur furor uterinus, tunc primum est conjicere & copiam adauctam, & acrimoniam humoris feminalis morbum produxisse.

### *P R O G N O S I S.*

Ut intelligatur qualis fuerit eventus, vel quod idem est, qualis stabilienda sit prognosis uterini furoris, oportet ut spectetur morbus ille, aut in genere, aut penes diversas circumstantias.

Si enim spectetur in genere, morbus est incommodus, fœdus, plerumque longus; curatu difficilis & sæpè periculosus.

1°. Namque morbus ille, quem comitantur symptomata cuilibet speciei

furoris uterini essentialia , incommodus prorsus habendus, ut vel leviter attendenti patet.

2°. Morbus cujus natura & essentia animam determinant ad exoptanda objecta illicita, improba, impura, morbus dedecorus & indignus est: sed morbus quo vel invitæ excitantur femellæ ad investigandos, persequendos & publicè sollicitandos ad coitum impurissimum, viros, morbus profecto est turpissimus & maculis quasi indelebilibus fœdus; talis verò est furor uterinus ut patet ex dictis.

3°. Morbi omnes qui pro essentiâ agnoscunt delirium, & præsertim delirium quod febrem non habet comitem, sunt morbi plerumque longi: morbi verò, de quo hic agitur, natura, in delirio consistit. Nec delirium illud febrem habet tamquam symptoma essentialiale, morbus itaque plerumque longus est. Illum tamen posuimus inter morbos mulierum acutos, habito nimirum respectu ad symptomata, quæ non rarò brevia percurrunt tempora, & cum periculo, & præterea quod in diversis circumstantiis subito sæpè tollatur, ut videbimus.

4°. Cautè fugiunt quæ hoc morbo tentantur femellæ, amicarum, imo & omnium quorumcumque (nisi versetur circa



delirii objecta ) consortium & commercium, persuasione nullo modo delectantur, ad eam vel non attendunt, vel vituperant, remedia spernunt & odiunt, etiam in leniori affectûs gradu, hinc difficilis curatio : quantò autem difficilior futura est in altero gradu, in quo & magis sæviunt symptomata, & delirium fit universale, omnibus notum est.

5°. Præter periculum quod necessariò sequitur, symptomata gravia quibus affliguntur illæ femellæ, & quæ functiones necessariò labefactant animales, altera & quoque est novorum periculorum origo, immanitas nimirum delirii, quâ commotæ laborantes ultrò nefandæ licet morti sese exponunt; nam quid femina furens non efficit?

Hæc autem licet generalis sit hujus morbi prognosis statuenda, solet tamen variare juxta varias circumstantias. Et,

1°. Quidem si spectetur juxta diversos gradus vel juxta diversa illius stadia, evidens est gradum primum posteriori esse minus periculosum : in priori enim, & pauciora & minus sæva sunt symptomata, deliriumque tantum particulare est; hinc fit ut facilius persuaderi poterunt, in posteriori verò symptomata plura sunt, & sæviora, & delirium

est universale; & hinc longè minus aptæ redduntur fufcipiendis aut confiliis aut perfuafionibus aut remediis, unde majus periculum.

2°. Omnes norunt furorem uterinum recentem faciliùs curari inveterato, nec hoc probatione indiget.

3°. Furor uterinus fimplex minus portendit, complexo, aut complicato, & hoc quoque per fe patet.

4°. Furor uterinus ab humoris feminalis vitio oriundus, faciliùs curatur illo, cujus caufa confiftit in imaginatione læsâ, &c.

5°. Dum ille producitur ab adauctâ tantùm copiâ humoris feminalis, faciliùs curatur quam dum ab ejufdem humoris acrimonia fobolefcit.

Dum producitur furor hic, uterinus vulgò dictus, & ab auctâ humoris feminalis copiâ, & à nimîâ illius acrimoniâ, curatio longè difficilior evafura eft, quàm quando ab alterutrâ ex his caufis proficifcitur. Sic licet, ut fupra dictum eft, delirium illud fivè melancholicum, fivè maniacum fit, dum ab humore feminali inducitur, minùs periculofum fit, illo, quod natales ducit à læfione imaginationis, observandum tamen eft, furorem uterinum, ad quem producendum fi-

mul & humoris feminalis vitium, & imaginationis læsio conspirant, multo magis periculofum esse, quam dum ex alterutrâ illarum caufarum proficiscitur.

### *CURATIO.*

In instituenda hujus morbi therapeiâ, duplex illius gradus seorsim necessariò considerandus est: gradus scilicet in quo delirium est particulare, vel melancholicum, & gradus, in quo idem delirium universale est vel maniacum; & inde remedia cuilibet gradui sanando magis appropriata faciliùs seliguntur.

In priori gradu sedulo examinandum est à quâ causâ continente vel verè medicâ procedat malum: hinc auxilia profligandæ tali causæ aptiora faciliùs eliguntur & feliciùs præscribuntur.

1<sup>o</sup>. Itaque si à solâ imaginatione læsâ producat, furor uterinus, & recens sit morbus, ideæ illæ melancholicæ, aliarum idearum gaudium & lætitiâ præ se ferentium, varietate, non rarò sedantur; illius enim varietatis beneficio, aliæ & plurimæ cerebri fibræ sæpiùs & magis commoventur, uberiùs replentur, validiùs tenduntur; hinc fibrarum melancholiam inducentium feriatio, laxitas,



depletio , unde ſæpè morbi ſolutio ;  
 eidem ſcopo maximè conveniunt , ſedula  
 & ſeria , ſed hilaris , repræſentatio  
 opprobrii ſtatûs morbi quo afficiun-  
 tur , itineratio , equitatio , ambulatio ,  
 ſuaderi debent ; abſtinendum prorsùs eſt  
 ab impudicarum mulierum conſortio ,  
 explodenda librorum amatoriorum lec-  
 tio , verbo ſedulò vitanda ſunt incita-  
 menta omnia , & illorum loco ſubſtituen-  
 da ſunt preces , jejunia frequentia , mo-  
 de ata diætæ , & præſertim occupationes  
 ſedulæ , hilares & à rebus amatoriis pe-  
 nitùs diſtinctæ , & alienæ : nam juxta  
 poëtam

Otia ſi tollas , periſcere cupīdinis arcus ,  
 Contemptæque jacent & ſine lucē faces.

2°. Verùm ſi laudatis jam auxiliis con-  
 tumax non cedat morbus , venæ ſectio  
 inſtituenda eſt in talo , ut imminuatur  
 ſanguinis moles , & ut major illius copia ,  
 vel ſaltem aucta celeritas determinetur  
 ad inferiora. Et inde imminuatur fibra-  
 rum cerebri tenſio.

3° Laxanda quoque eſt alvus , clyſte-  
 rum laxantium & refrigerantium ope ,  
 qualis eſt ſequens.

℥. Foliorum malvæ , betæ , & lactucæ

ana m. i. feminis lini ℥i℥. feminis viticis, sive agni casti ℥j. colaturæ ℥x. dissolve medullæ cassiæ recentis ℥ij. fiat clyster.

Continuandus est usus illius clysteris vel consimilis alternis ad minùs diebus.

4°. Purgantia quoque lenia compe-  
runt identidem præscribenda sub formulâ  
sequenti.

℞. Sennæ orientalis, ℥i℥. florum  
malvæ & violarum ana p. ij. coque  
in f. q. aquæ fontanæ colaturæ ℥vj. dis-  
solve mannæ calabrinæ ℥j. fiat potio.

5°. Et ut ferientur affectæ cerebri fibræ,  
nocturnis præsertim horis, julepi refri-  
gerantes, & narcotici præscribendi sunt  
sub hac vel parum absimili formulâ.

℞. Aquarum lactucæ & portulacæ  
ana ℥ij. sirupi papaveris albi ℥ss. adde  
sirupi de nymphæa ℥j. fiat julepus.

6°. Verùm si minùs arrideat ægris;  
julepi præscripti usus, quia omnia reme-  
diorum genera odiunt & spernunt; hinc  
industriâ utendum est, & in potu quo-  
cumque ordinario ebulliri poterunt vel

flores papaveris erratici, vel capita aliquot papaveris albi.

In ſecundo gradu furoris uterini in quo & ſymptomata ſunt numeroſiora & magis ſæva, & delirium eſt univerſale; ex remediis ſupra præſcriptis in primo gradu alia ſunt explodenda tanquam inutilia prorſus; alia verò præſcribenda, ſed frequentius & in majori plerumque doſi; alia tandem hætenus non indigitata ſunt in uſum vocanda, &

1°. Quidem auxilia quæ in primo gradu maximæ ſunt neceſſitatis, ut idearum diverſitas, opprobrii repræſentatio, itineratio, equitatio, ambulatio ſunt ut plurimum explodenda; ubi enim adeſt univerſale delirium, vel nullius vel parvi admodum momenti ſunt: ſed eorum loco ſubſtituendæ ſunt retentio in locis obſcuris, ligaturæ, fuſtigatio, &c.

2°. Venæ ſectiones, diætæ tenuis, clyſteres emollientes, lenia cathartica & hypnotica ſunt quidem ſuadenda, ſed frequentius & in majori doſi, &c.

3°. Tandem juſcula refrigerantia, emulſiones, priſanæ emulſivæ, lacticiſia, aquæ minerales frigidæ, & balnea aquæ dulcis tepefactæ, quæ auxilia ſunt hætenus non indigitata, mira tamen præſtant in ſecundo morbi ſtadio.




Et hæc est methodus generalis curatoria furoris uterini. At illius calci juvat, aliquas animadversione forsan non penitus indignas, subjicere annotationes. Et,

1°. Quidem dum morbus est contumax, auxilia, sive remedia sæpiùs iteranda sunt.

2°. Habenda est ratio temperamenti & regionis; ex. gr. in temperamento calido & regionibus calidis refrigerantia fortiora sunt exhibenda, in temperamento verò humido, & regionibus frigidis, lenia tantùm refrigerantia & lenibus sæpè incidentibus maritata præscribenda sunt.

3°. Habenda & quoque est ratio causæ continentis. Sic si ab uteri, aliarumve partium obstructionibus pendeat morbus, absolutè necessarius est aperientium usus. Si à copiâ adauctâ humoris feminalis proficiscatur malum, legitima evacuatione tollitur, quæ evacuatio vel penitus nociva est vel saltem inutilis, dum acrimonia præsertim universalis causa est: tunc enim sola proficiunt diluentia, inviscantia, refrigerantia.



## CAPUT II.

*De uteri inflammatione. Morbi descriptio  
& definitio.*

**I**Nflammatione uteri laborantes tumorem percipiunt præternaturalem in utero, calorem immanem, dolorem nunc pulsatilem, nunc deurentem, rubore quidem, licet inconspicuo, perfunditur pars affecta, & febre acutâ, totius corporis calorem maximè notabilem, summèque molestum necessariò allaturâ, cruciantur.

His symptomatibus alia junguntur: ex. gr. anxietas summa, jactatio corporis, urinæ suppressio vel partialis vel totalis, flammeus ejusdem color, vigiliæ immoderatae, pulsus durus, alvi constipatio, oculorum splendor, aspera cutis siccitas, & si tempore, quo fluere solebant menses, accidat illa inflammatio, menstrualis evacuatio supprimi solet: si verò puerperis, lochiorum vel sistitur vel imminuitur profluvium; aliquando dolor immanis evadit, inassueta percipitur affectæ partis pulsatio, & intenditur fe-

bris ; & paulo post gradatim cessant symptomata , & alia accedunt , febris nimirum lenta , corporis marcor , & humoris viridis , flavi , vel albescentis per partes genitales effluxus ; vel subito cessant inflammationis uterinæ signa , & accedunt corporis debilitas , virium jactura , sudor frigidus , imminutio pulsûs , animi deliquium , &c.

Verùm tam numerosa est jam exaratorum symptomatum series ut omnia , intra arctos definitionis cancellos , recludere impossibile sit , nisi mutetur definitionis ordo receptus , qui in brevitate præsertim videtur consistere. Præterea morbo essentialia non sunt cuncta ; nam symptomata , de quibus ultimò mentionem fecimus , morbi potius consuetaria sunt , quam illi propria , vel tandem quasi totidem sunt morbi alieni , in quos uteri inflammatio sæpè terminari consuevit.

Quapropter , juxta symptomata tantum propria & quasi pathognomonica , juvat hunc morbum definire.

Inflammatio itaque uteri est illius partis , tumor præternaturalis , dolore , calore , rubore , febre acutâ & calidâ , & pulsûs duritie , stipatus.

Juxta hanc definitionem illa inflam-



matio distinguitur, ab omni alio illius partis affectu, ut videbimus alibi.

### *MORBI DIFFERENTIÆ.*

Præcipuæ inflammationis uteri differentiæ defumi poterunt à distinctis capitibus, à diversâ nimirum tumoris natura, à diversa ejusdem extensione, duratione variâ, simplicitate aut complicatione & demum causarum diversitate : sic,

1<sup>o</sup>. Vel uteri inflammatio circumscripta est, notabiliter eminens, renitens, & pulsabilis, vel quod idem est, phlegmonodea; aut inflammatio illa superficialis est, certis limitibus non coercita, parum renitens, calore deurenti stipata, vel quod idem sonat, erysipelatosa est; hinc illius morbi diversitas penes diversam tumoris naturam.

2<sup>o</sup>. Vel omnes aut saltem plures uteri partes attingit morbus ille, vel distincta quasi occupat puncta: hinc universalis est, vel particularis; atque adeò altera illius diversitas juxta diversam extensionem.

3<sup>o</sup>. Vel à brevi, vel à sat longo temporis spatio apparuit, aut perduravit uteri inflammatio: hinc morbus aut recens aut inveteratus dici consuevit.

4°. Vel solius uteri inflammationis signa & symptomata apparent, vel cum illis combinantur aliorum symptomata morborum, hinc morbus est simplex, vel complicatus.

5°. Demum vel ab auctâ sanguinis appellentis mole, auctâ ejusdem rarefcentia, intensâ spissitudine, vel præpedito ejusdem regressu vasorum laxitate, aut imminuta diametro, proficiscitur uteri inflammatio: hinc penes causarum diversitatem, nova hujus morbi differentia, sed de his fusiùs agemus suo loco.

### C A U S Æ.

Inflammatio uteri superiùs descripta & definita spectari debet tanquam morbus non pathologicè, sed symptomaticè sumptus.

Verùm si habeatur ratio eorundem symptomatum, sive essentialium, sive accidentalium, & præsertim priorum, ab illius uteri inflammatione producuntur omnia. Sciendum itaque quænam sit illius inflammationis causa. Et profectò illius causa immediata præcisè consistit in subito circulantis sanguinis motu præpedito, per uteri vasa, & simul adaucta ejusdem liquoris agitatione

lateralis; datâ enim illâ causâ solâ, omnia hujus morbi symptomata explicari poterunt, ut inferius videbimus, dum de symptomatum theoria sermo erit.

Jam verò, licet à pluribus causis, producat<sup>ur</sup> sanguinis per uterum circulantis motus progressivus, præpeditus, & intensio agitationis lateralis; interim tamen tum brevitatis, tum claritatis ergo, illas omnes ad duo capita generalia juvat reducere.

Nam certum est, quòd ubicumque sistitur subitò, progressivus sanguinis motus, & augetur illius iterata lateralis commotio, agitatio in vasis elasticis & vivis, illud semper pendere, vel à majori mole, majorive volumine sanguinis appellentis ad uteri vascula, vel ab inhibito ejusdem humoris regressu ab uteri substantiâ per canales venosos: toties enim sanguinem subitò retardari in motu progressivo, vel ut vulgò dicitur subitò hære<sup>re</sup>, & in motu laterali intendi, accelerari necessum est; & hoc quidem ulteriori non indiget probatione.

Examini itaque subjiciendæ sunt causæ, quarum ope, major sanguinis moles, majusve volumen determinatur ad uterina vascula; deinde nec prætereundum est examen causarum, liberum præpe-



dientium regressum sanguinis ab uteri substantiâ, per tubulos venosos. Et,

1°. Quidem major determinatur liquidi sanguinei copia ad uterum, vel saltem majus illius volumen moli æquipar, ob causas generales vel particulares. Causæ generales determinantes adauctam sanguinis copiam ad uterum, sunt plethora universalis vera, sive redundantia omnium humorum in corpore, & aucta respective moles globulorum præsertim purpureorum.

2°. Causæ plethoræ veræ sunt alimentata euchyma, vita hilaris & otiosa, organorum digestionis dicatorum vis solito magis energica, perspirationis, urinæ, aliarumque evacuationum imminutio, vel suppressio, &c.

3°. Auctam globulorum molem producant organorum sanguificationis dicatorum intensior vis & energia, dispositio sanguinis resinosa, dissipatio feri aut lymphæ, aut utriusque simul, &c.

Quod facit, absolutè major, aut humorum, aut globulorum moles, facit & aucta præter naturam alterutrius vel utriusque spissitudo, quam inducunt alimenta acida vel levi de causa acescentia, alimenta glutinosa, spirituosissima, farinosa, &c.

4<sup>o</sup>. Causæ particulares illorum liquorum molem augentes sunt vasorum sanguiferorum per viciniam reptantium obstructions, compressiones, verbo angustiae omnes à quacumque causâ proficiscantur, favet & quoque vasorum laxitas, &c.

5<sup>o</sup>. Quod facit illa humorum aucta moles, auctave spissitudo, facit & quoque auctum tantum volumen, vel plethora spuria, sive illa universalis sit vel particularis.

Universalem inducunt liquores ardentes, balnea calida, variolæ, morbilli, febres ardentes, &c.

Particularem verò inferunt remedium calidorum utero applicatorum abusus, nimis iteratae irritationes uteri, vasorum distractiones incautæ, ut in partu difficili, &c.

Jam verò examinandæ sunt causæ præpedientes regressum sanguinis ex uteri substantia per ductus venosos. Et,

1<sup>o</sup>. Quidem si in arteriarum uterinarum finibus hæreat ob quamcumque causam sanguinis, venarum principia premuntur; unde præpeditus regressus: hinc catamenia difficilius fluentia inflammationem inducunt, &c.

2<sup>o</sup>. Tumores skirrhusi in venarum viciniâ siti, venas comprimunt, regressui

sanguinis resistunt, illius hærentiæ ansam & occasionem præbent, hinc uteri inflammatio. Quod dico de tumore skirrhofo, de alis quoque tumoribus intelligi debet.

3°. Vel fluentibus menstrualibus purgationibus vel lochiis post partum, si vel acida applicentur remedia, vel astringentia, vel corpora quæcumque frigida, hiulca vasorum secretoriorum ora, subito clauduntur, vicina venosa vascula premuntur. Hinc inflammatio, ut dictum est.

4°. Venarum crispaturæ à corporibus pungentibus, distrahentibus, irritantibus, aut quomodocumque vulnerantibus inductæ, sanguinei laticis regressum præpediunt, & inflammationem inferunt.

5°. Demum à quacumque causâ producatur venarum laxitas, impedit semper quominus liberè regrediatur sanguis ab uteri substantiâ; hinc effectus toties repetitus.

#### *SYMPTOMATA.*

Jam examini exponenda, sunt vel potius explicationi, symptomata ferè omnia superius recensita, tum essentialia, tum accidentalìa, qualia sunt tumor præternaturalis, &c.



1°. Itaque non potest retardari, & quadantenus sisti, motus sanguinis per uterum circulantis, quin fiat illius collectio; nec fieri potest illius collectio, quin affecta pars majus occupet spatium. Hinc tumor uteri præternaturalis.

2°. Sic præpediri nequit sanguinis progressivus motus, quin validior evadat illius actio versus latera vasorum. Latera hæc dilatabilia, & elastica, iterum, iterumque resiliunt. Hinc vasorum & fluidorum reciproca actio & attritus, unde motus major, &c. in quo consistit caloris essentia.

3°. Continuari nequit talis liquidorum in solida, & solidorum in liquida reciproca actio subitanea, & valida, quin fibrillæ nervæ, semper intertextæ, distrahantur vel in vasis magis profundis, & majoribus vel vasis per superficiem reptantibus, & minoribus quæ dilacerationi apta sunt. Hinc dolor vel pulsatilis, vel deurens.

4°. Harens globulorum agitatorum moles ruborem constituit, licet inconspicuum, quia oculorum aciem plerumque fugit, quia internus est.

5°. Inflammatio uteri morbus est acutus, symptomata ergo habet brevi sua tempora percurrentia cum periculo, hinc febris,

febris, ob celerio rem regressum venosi sanguinis ad cor, consequenter ad iteratas & validas actiones liquidorum in solida, & solidorum in liquida, unde febris acuta, & calorem inducens.

6°. Membranarum magis tensarum validior reactio : hinc pulsus durities.

Jam ad symptomata frequentia quidem sed minus essentialia. Et,

1°. Ob sæpius iteratam actionem liquidorum & solidorum, quâ anima vel invita torquetur, fit anxietas ; ob partium dolorem & calorem immanem, fit corporis frequens jactatio, ut sedetur dolor & calor imminuatur.

2°. Ratione uteri tumoris inflammatorii vel vesica urinaria comprimitur, vel propter viciniam ejusdem phlogosis inducitur : hinc urinæ suppressio vel totalis vel partialis, prout causa vel magis, vel minus valida est ; & dum partialis est, quæ effunditur urina, flammei est coloris, ob dissipationem partium aquosarum, à præternaturali calore inductam.

3°. A continuato calore, & dolore cerebri fibræ continuò moventur : unde vigilæ immoderate.

4°. Intestinis calor vicinus communicatur ; hinc serosarum ibidem contentarum partium dissipatio ; hinc excre-

mentorum duries, & alvi constipatio. Illud quoque symptomata deduci potest, vel ex communicatâ phlogosi, vel ex dolore in excernendis fecibus.

5°. Splendor oculorum, & aspera cutis siccitas, ex majori & violentiori humorum motu per oculorum & cutis vasa poterunt desumi.

6°. Uterus semel & sufficienter inflammatus vasa menstrualis purgationis vel lochiorum transcolationi dicata, comprimit magis vel minus pro majori aut minori inflammationis intensione; unde tempore opportuno mensium aut lochiorum suppressio aut totalis aut partialis.

Jam tandem ad symptomata morbos alienos indicantia. Et,

1°. Sæpius iterato & aucto liquorum stagnantium nisu in vasa, hæc dilacerantur cum impetu, & dolorificè: hinc major dolor, intensior febris, pulsatio inæqualis; quæ symptomata, subsequitur suppuratio, ulceratio & pro diversâ materiei indole, vel diversâ miscelâ vel diverso caloris gradu, effluxus materiei flavescens, viridescens, vel albicans per partes genitales cum marcore corporis, febre lenta, &c.

2°. Ex totali vasorum affectuum feriatiione, quæ, vel iteratos ictus, vel li-



quorum spissitudinem, vel corrosionem subsequitur, cessant subito omnia uterinae inflammationis symptomata, & illi succedunt ob circulationem præpeditam, pulsûs debilitas, sudor frigidus, animique deliquium, mortis plerumque nuncium, quia inflammatio in gangrænam lethalem convertitur.

### *D I A G N O S I S.*

Tametsi clara satis sit inflammationis uteri diagnosi iis quæ hætenus dicta sunt, dum de morbi descriptione, definitione, differentiis, &c. sermo erat; fusiùs tamen juvat, illam ab omnibus morbis, cum quibus nonnulla habet communia symptomata, distinguere. Variæ quoque illius differentia, sicut & causæ morbum producentes sedulò inter se distinguendæ sunt.

Aliquid habet commune inflammatio uteri cum intestinorum præsertim crassorum; vesicæ urinariæ, & muscutorum epigastricorum inflammatione: conformitatem & quamdam habet cum tumore uteri skirrroso, œdematoso, cancroso, & uteri colicâ febris conjunctâ; ab his tamen omnibus potest distingui. Et 1º. quidem licet intestinorum nonnullorum in-

inflammatio, & symptomata illi conjuncta reperiantur in eadem, quasi infimioris corporis, regionis lineâ, sicut uteri inflammatio, ultima tamen hæc à priori distinguitur, ex eo quod simplici tactu augeatur dolor uteri affecti, non verò dolor qui in extremo coli aut recti intestini corpore ab inflammatione oriundus est. Præterea in uteri inflammatione partis affectæ læsiones immediatè percipiuntur: sed in intestinorum inflammatione uteri functiones rarò alterantur, sed adest vel sanguinis fluxus cum doloribus aut molestus admodum tenesmus.

2°. Inflammatio uteri distinguitur quoque ab ea quâ afficitur vesica urinaria, ob distinctarum & utrique parti propriarum functionum læsiones. Præterea percurrenda sunt ea quæ utrumque affectum præcessere, & tali examine dignoscitur pars affecta.

3°. Dum musculi epigastrici inflammantur, vel inflammatio visibilis est, vel lenissimo tactu intenditur dolor; nec videtur inflammatio uteri, nec illius dolor major evadit, nisi tactus sit paulò validior, nec uteri functiones necessariò alterantur, dum præcisè afficiuntur musculi epigastrici.

4°. Inflammatio uteri dolorifica est, &

febre acutâ & calidâ stipatur, nec dolent nec febrem accendunt tumores uteri skirrhusi aut œdematosi. 5°. Inflammatio uteri concomitantem febrem acutam, tumor verò uteri cancrusus febrem lentam; distinguuntur & quoque per symptomata utrique propria.

6°. Febris præcisè concomitatur inflammationem uteri, uteri verò colicam antecedit, vel subsequitur. Pulsus in inflammatione durus est, in colica alius: emissus sanguis in inflammatione crustam habet albam, in colica sincerus apparet: in inflammatione manuum tactu exacerbatur dolor, non sic in colica.

Jam verò ad modum, quo & differentiae & causæ separatim distinguendæ sunt. Et,

1°. Per tumorem circumscriptum acuminatum, pulsatilem, dignoscitur tumor phlegmonodeus: erysipelatosus verò per tumorem superficialium parùm renitentem & deurentem.

2°. Per parvum aut longum satis temporis spatium, dignoscitur inflammatio recens & inveterata, vel potius confirmata.

3°. Per propria tantùm inflammationis uterinæ signa, vel per alia illis conjuncta, dignoscitur utrùm morbus sit simplex, vel complicatus.



4°. Si redundant totius corporis liquida, vel si augeatur globulorum purpureorum moles, vel si intendatur, utrumque rarefcentia; dignoscitur inflammationis uterinæ causam pendere aut à plethorâ universali verâ, aut à plethorâ globulorum, aut à plethora universali spuria.

5°. Si verò deficient illæ redundantia generales, & intendatur resistentia in vasis partium utero proximarum, vel incendatur calor partis affectæ; tunc non arduum est dignoscere causam morbi consistere in plethora uteri particulari aut verâ aut spuria.

6°. Demum si defecerint omnes laudatæ jam causæ, & fuerint signa tumoris skirrhusi, vel œdematosi, aut cancrofi, vel præcesserint incautæ applicationes remedium astringentium, refrigerantium, &c. pro causâ accusari potest præpeditus regressus sanguinis per ductus venosos ab uteri substantiâ.

### *P R O G N O S I S.*

Ut inflammationis uteri prognosis pateat, considerari debet vel in genere, vel respectivè ad varias circumstantias. Si spectetur in genere, est morbus incom-

modus admodum, morbus, etiam si ad sensum curetur, aliorum & variorum morborum parens, morbus curatu difficilis, & morbus tandem maximè periculofus.

1°. Namque calorem corporis immanem, dolorem gravem, febremque acutam, secum affert, tanquam totidem symptomata essentialia; præterea supprimit evacuationes uterinas, urinarias, intestinales admodum necessarias, & levamen tum sanis, tum ægris semper laturas. Hinc meritò habenda est uteri inflammatio pro morbo maximè incommodo.

2°. Licet ad sensum mitigentur, aut cessent ex toto illius symptomata, tempore quo durare solet, premuntur nunc vasa menstrualia, nunc lymphatica vicina, nunc canales venosi. Hinc vel suppressiones mensium, vel tumores lymphatici, œdematosi, vel skirrhusi, & venarum varices varii, unde licet sanata, morborum tamen variorum parens est.

3°. Non solum morbi acuties, symptomatum vehementia, & evacuationum suppressio, sed & quoque parùm à musculis sustentata uteri moles, resistunt facili hujus inflammationis curationi; quapropter morbus dici potest curatu difficilis.

4°. Nullum eſt pathognomonicum hujus morbi ſymptoma quod periculofum non ſit, quantò magis morbus & ex illis omnibus & ex aliis ſimul conflatus vel productus, periculofus cenſendus eſt! hinc morbus eſt periculo plenus.

Verum licet hæc ſit generalis uterinæ inflammationis prognofis, illa tamen variare ſolet reſpectively ad varias circumſtantias, à diverſitate differentiarum & cauſarum non incongruè deſumendas. Et,

1°. Quidem diverſa tumoris inflammatorii natura diverſum quoque indicat eventum: nam dum inflammatio uteri phlegmonodea eſt, plura vaſa, vaſa majora, & vaſa magis profunda afficiuntur; hinc major diſpoſitio ad abſceſſum, ad ulcus ſordidum, ex quo, haud rarò ſo- boleſcunt corporis marcor, febris lenta, & vera phthiſis, &c. Dum verò eryſipelatoſa eſt, minus portendit, illorum ſymptomatum periculum, ſed citiùs convertitur, teſte experienciâ, in gangrænâ, morte certâ, terminandâ.

2°. Omnes norunt, cæteris paribus uteri inflammationem univerſalem particulari eſſe magis periculofam. Hinc variat prognofis juxta variâ morbi extenſionem.

3°. Dum recens eſt uteri inflammatio,



& pauciora sunt symptomata & minus fœva, & minus portendunt periculum subsequens morborum: ex adverso confirmata illius visceris inflammatio plura habet symptomata fœviora & magis apta aliis morbis producendis. Hinc eventus differentia altera.

4°. Facilius plerumque curantur unius tantum morbi symptomata, quam cum illa cum aliorum morborum symptomatibus conjunguntur. Hinc ratione compositionis, aut complicationis variat hujus morbi prognosis.

5°. Habito respectu ad causas, varia quoque est stabilienda prognosis. Nam adaucta humorum moles facile tollitur, si cognoscatur; difficilius verò humorum spissitudo. Eorundem rarefcentia sequitur præcisè prognosim morborum à quibus pendet; universalis tamen difficilius, facilius particularis sanari potest, nisi hæc ultima sobolescat à causis venenatis nimis irritantibus, vulnerantibus, &c.

6°. Demum hujus morbi eventus varius est, vel illius prognosis solet variare, juxta varias causas regressum sanguinis præpedientes per canales venosos. Nam si tumores skirrhusi premant, difficile sanatur morbus, si cancrofi, rarò aut nun-

quam; si verò œdematosi, curationem admittit. Sic & quoque astringentium, inspissantium & refrigerantium effectus sæpè curantur in principio præsertim; rarò aut nunquam, vel connata, vel adventitia illorum tubulorum venosorum angustia, aut laxitas inveterata, varices plerumque insanabiles necessariò laturæ.

### C U R A T I O.

Hujus morbi indicationes curatoria in eo versantur, ut interruptus sanguinis, per uterina vascula, circulantis motus progressivus, liber prorsus reddatur, & inde producta symptomata gravia, omni opera sedanda sunt.

Hinc imminuenda est humorum moles, obtundenda eorum rarefcentia immanis, compescendus est calor, dolor ægrè ferendus, mitigandus est.

Et ut operatos tantoperèque necessarios medicus obtineat fines,

1.<sup>o</sup>. Venæ sectio statim instituenda est sæpiùs vel rariùs iteranda pro ægrarum viribus minus vel magis fractis & debilitatis, pro temperamenti & regionis diversitate, & symptomatum vehementia magis, minusve notabili. Hæc venæ sectio in alterutro brachiorum, vel in

utroque brachio iteratis vicibus, in principio præsertim celebranda est.

2º. Clysteres refrigerantes, laxantes, & anodynus sunt quolibet die injiciendi.

Confici poterunt vel ex anaticis partibus olei amygdalarum dulcium, & decocti communis clysterum, id est mercurialis, malvæ, brançæ ursinæ, &c. vel ex anaticis partibus aquæ hordei & olei olivarum recentis, vel ex solo lacte caprino, vel ex lacte vaccino quo incoqui possunt uncia duæ vel tres butyri recentis, vel demum sub sequenti formulâ.

℞. Foliorum lactuæ, umbilici veneris, & bis malvæ sive althææ ana m. j. seminum quatuor frigidorum majorum ℥ß. coque in s. q. aquæ fontanæ. Colaturæ ℥viij. dissolve pulpæ cassiæ recentis è cannis extractæ, & olei rosacei ana ℥j. fiat clyster injiciendus horâ commodâ.

3º. Pro potu ordinario institui potest, vel lene decoctum pulli junioris, vel aqua hordei cum modicâ quantitate sirupi limonum, vel leves aquæ minerales frigida, sed quarum cruditatem prægressâ ebullitione, necessum est, tollere, aut corrigere, vel aqua decoctâ, cum



modicâ seminum frigidorum copiâ, vel demum ptisana sequenti formulâ præscribenda.

℞. Foliorum acetosæ, althææ & betæ ana m. j. seminum lini & fœnugræci ana ℥j. florum violarum & papaveris erratici ana p. iij. coque in f. q. aquæ fontanæ, colaturæ ℔ij. dissolve nitri purificati ℥iſſ. fiat ptisana.

4°. Horis nocturnis, & ut dolores gravissimi sedentur & ut quies miserabilibus ægris gratissima acquiratur, præscribendæ sunt emulsiones communes cum sirupis papaveris albi & nymphææ, &c. vel julepi refrigerantes & narcotici, subsequenti vel consimili formulâ præscribendi.

℞. Aquarum lactucæ & portulacæ ana ℥ij. aquæ florum aurantiorum ℥iſſ. sirupi papaveris albi ℥vj. adde sirupi de nymphæâ ℥j. fiat julepus.

5°. Si perseverent adhuc symptomata, venæ sectiones de novo instituendæ sunt & nonnumquam in talo, quæ mira præstant, deinde purgationes, sed plerumque leves, sunt præscribendæ, fomen-

tationes & quoque regioni hypogastricæ applicandæ & continuandæ, sæpè profunt & rarò nocent, conficiendæ nimirum ex decocto radicum liliorum & althææ, foliorum malvæ, parietariæ, violarum, & chamomeli, seminum lini & fœnugræci, &c.

6<sup>o</sup>. Demum instituenda est diætâ varia pro vario morbi stadio: in principio, urgentibus symptomatibus, diætâ tenuis admodum & liquida sit, depletis vasis & primis viis expurgatis media convenit, ut cremores avenacei, hordei, oryzæ, ova forbilia, &c. & mitigatis symptomatibus juscula & carnes pullorum permitti poterunt.

Verum licet jam exaratus curandi scopus, tanquam generalis & forsan non incongruus existimari potest, illius calci subjiciendæ sunt aliquæ animadversiones. Et,

1<sup>o</sup>. Quidem morbus ille acutus est, breviam temporum spatia percurrit cum periculo, & sæpè in affectus lethales convertitur. Hinc nullâ interjectâ morâ, prescribenda sunt appropriata remedia.

2<sup>o</sup>. Clysteres licet tantoperè necessarij, ob uteri inflammationem illorum molem ægrè laturam in modicâ tantum dosi sunt prescribendi, & diutiùs si pos-

sibile est, retinendi, ut pote quod cataplasmatum vices gerant.

3°. Dum maximè urgent & calor & dolor, & vigiliæ, julepis, emulsionibus & ptisanis præscriptis addi poterunt nitrum purificatum, spiritus sulphuris, sal saturninum & cætera refrigerantia. Imò & laudanum aut solidum aut liquidum julepis præsertim addendum.

4°. Dum à subitanea lochiorum suppressione proficiscitur morbus, pelle vervecinâ calenti involvenda est regio hypogastrica; dum in suppuratum abit, conveniunt lacticinia, & balsama varia; dum in gangrænam convertitur morbus, cardiacis protrahi potest ægræ vita brevis necessariò futura.

### C A P U T III.

#### *De Abortu. Morbi descriptio & definitio.*

**A**Bortus bifariam considerari potest, vel in quantum actualis est & confirmatus vel imminens tantum. Dum confirmatus est abortus, jam ante præfixum tempus excluditur fetus, atque adeò inania futura sunt medicamina hinc



de abortu confirmato nulla erit apud nos quæstio.

Examinabimus itaque tantum imminentem abortum eo nimirum fine, ut præcaveatur, vel quod idem est, ut tollantur symptomata quæ abortum minantur.

Jam ad eorum symptomatum examen accedamus ut pote quod in illorum cognitione consistat vera morbi descriptio.

Verùm ex illis symptomatibus alia sunt æquivoca, alia verò sinon univoca saltem tamquam magis certa spectanda sunt. Et,

1º. Percipitur sensatio ponderis in regione lumbari & in femoribus sensatio doloris, qui refertur vel ad os pubis, vel ad os sacrum vel ad binas illas ossium species, ad motus consuetos edendos ineptitudo aliqualis, aut saltem insolita segnities, inappetentia citra causam manifestam, rigores & horrores sæpè recurrentes, capitis dolor præcipuè circa oculos, &c.

2º. Hæc dum superveniunt symptomata mulieri gravidæ, à fine prioris graviditatis mensis usque ad septimum mensem, abortum quidem minantur, docente experientiâ: sed quia eadem deprehenduntur, vel consimilia prorsus, in

aliis affectibus, ut in principio variolarum, morbillorum, febrium malignarum, putridarum, intermittentium & præsertim in initio inflammationum variorum viscerum; ideò signa illa tanquam æquivoca consideramus. Præterea apparent aliquando quin succedat abortus, etiamsi nullæ instituantur cautelæ, nec ulla præscribantur remedia.

3°. Si verò his jungantur jam recensenda signa, vel univoca, vel saltem longè magis certa habentur imminentis abortus signa seu symptomata.

4°. Talia sunt gravior uteri & lumborum dolor, spontaneus lactis aquosi per mammas fluxus, subitanea mammaram detumescencia, vel vividior solito fetûs contenti motus, vel ejusdem imminuta agilitas, & auctum velut pondus, saniosi, cruenti aut verè sanguinei liquoris per partes mulierum genitales effluxus parum interruptus, &c. hæc profectò signa imminentem satis aptè designant abortum.

5°. Verum hæc omnia signa ægrè poterunt intra strictos definitionis limites contineri; & certè juxta illa meliùs forsan describi, quàm aliter definiri potest imminens abortus.

6°. Nihilominus tamen sic liceat definire. Imminens abortus est ille mulierum

gravidarum status, cui à fine primi usque ad finem septimi, graviditatis mensis, conjunguntur spontaneus lactis aquosus per mammas effluxus, subita mammarum detumescencia, gravis lumborum & uteri dolor, vividior aut extinctus quasi embrionis motus cum liquoris saniosi, cruenti, aut sanguinei per partes genitales effluxu.

Hæc definitio, licet solito prolixior, complectitur tamen ea sola quæ essentialiter constituunt hujus morbi naturam.

### *MORBI DIFFERENTIÆ.*

Hujus affectus differentias deducemus à peculiaribus tantum capitibus; à diversitate nimirum symptomatum, ab eorundem vehementiâ, à morbi simplicitate, & à causis diversis.

1°. Itaque vel prius supra notata symptomata apparent vel cum illis sociantur posterius recensita, hinc imminens abortus æquivocus, vel univocus, penes nimirum diversa symptomata.

2°. Vel exarata morbi signa lenia sunt, vel gravia admodum & violenta, hinc altera differentia penes diversam symptomatum vehementiam.



3°. Vel solius imminentis abortus signa, vel cum illis, distincta aliorum morborum symptomata sui quoque præbent indicia : hinc altera differentia juxta simplicitatem & complicationem.

4°. Tandem non ab unâ tantum causa distinctâ & peculiari, sed nunc ab hac, nunc ab illâ causâ, imò & sæpè à variarum causarum concursu sobolescit malum. Hinc altera quoque differentia à causarum varietate depromenda, sed de his inferiùs.

### C A U S Æ.

Arduum profectò opus est unicam tantùm sive peculiarem & distinctam causam assignare, vel quod idem est immediatam sive proximam imminentis abortus causam indigitare.

Nihilominus tamen aliqualem conabimur asstruere causam proximam nullam involventem contradictionem & quâ forsan præcisè positâ ponatur morbus, & quâ sublatâ tollitur.

1°. Itaque imminens abortus est imminens, intra superiùs præfixos temporis limites, fetûs exclusio.

2°. Sub duplici respectu fieri potest imminens illa exclusio, nimirum vel

quando fetus , cum involucris & secundinis cavitatem uteri jam liberè occupat, vel quando intra involucria reclusus , placenta adhucdum utero adhærescit.

3°. Verum de priori specie imminentis abortus , nulla scilicet arte vitandi nulla est quæstio ; & si talem exclusionem subvertere posset aut orificii uteri angustia , aut præposterum medici auxilium , aut alia quævis causa , hoc nunquam fieri potest citra matris , aut fetûs , aut utriusque simul mortem certissimam.

4°. De alterâ itaque imminentis abortus specie curationem sæpè suscepturi , hic agendum est.

5°. Atque adeò causa illius proxima & immediata nihil aliud est quàm incipiens , vel imminens separatio placentæ ab uteri fimbriis , quibus alligatur. Hac quidem positâ causâ , ponitur morbus & cessante solet cessare.

Verum licet causa illa producat a variis , & quasi numero indefinitis aliis causis , illas tamen omnes majoris perspicuitatis gratiâ deducemus ex distinctis capitibus , ex vitio nimirum fetûs , ex vitio uteri , ex vitio humorum per uterum circulantium , ex animi passionum intensione & demum ex majori causarum externarum violentiâ. Et ,

1°. Quidem multiplex est uteri vitium, cuius ratione imminet placentæ separatio, illius scilicet visceris convulsiones, illius laxitas præternaturalis, connata illius, vel adventitia prorsus angustia. His enim vel placenta convellitur, vel laxior fit illius nexus, vel fetus ad majores angustias reducitur & hinc, vel illius mors, vel si fortis satis est, conatus varii; unde incipiens placentæ separatio.

2°. Si fetus innatâ dispositione, vel morbo à matre communicato afficiatur; & inde vel marcescit, vel grandior solito evadit, vel moritur. Hinc imminens placentæ separatio, atque adeò imminens abortus.

3°. Si redundant nimis liquida in utero ut in plethora aut universali aut particulari, uteri fimbriæ complanantur. Hinc imminens placentæ separatio, vel si deficiat copia illorum necessaria, ut in matrum inedia, &c. Hinc fetûs & placenta marcor, siccitas, imminuta moles; unde imminens placentæ separatio, &c.

4°. Iram, gaudium, timorem, tristitiam, cæterasque subitaneas & violentas animi passiones sequitur statim violentus, subitaneus, tumultuarius humorum motus, vel subitaneæ solidorum crispaturæ. Hinc imminens placentæ se-



paratio , atque adeò imminens abortus.

5°. Gravia nimis pondera , saltationes immoderatæ , cursus , equitatio , vectio nimis violenta , vehemens musculorum epigastricorum motus , sternutationes , vomitus , ictus , vulnus , contusiones ; illæ inquam & consimiles causæ numero indefinitæ , placentæ ab utero distractioni fiendæ saltem ansam præbent.

Sic & quoque remedia acria , vulnerantia , vel nimis purgantia , idem quidem præstare possunt , sed non sine summo matrum periculo , quæ non rarò his utuntur auxiliorum speciebus ut indignè comparatum indigniùs adhuc fetum enecare conentur. Sæpè tamen ipsæ , actibus debitas luunt pænas , propriam scilicet , sed non optatam , accersendo , mortem. Mulier enim unicum est , quod sciam , animal , quod prolis mortem ultro præcipitat testante poëtâ. Mulier est ,

Quæ prima instituit teneros avellere fetus

Nequitiâ fuerat digna perire suâ :

Hæc neque in Armeniis tigres fecere latebris

Perdere nec fetus ausa læna suos.

At teneræ faciunt , sed non impunè puellæ :

Sæpè suos utero quæ necat , ipsa perit.

## SYMPTOMATA.

Ex variis symptomatibus hunc morbum concomitantibus præcipua magis juvat explicare, qualia sunt sensatio ponderis dolorifica in regione lumbari, & in femoribus dolor ad os sacrum & os pubis referendus, segnities ad motus consuetos edendos, rigores & horrores, spontaneus lactis aquosi per mammas effluxus, adauctus fetus motus, vel maximè imminutus, ac ponderis sensatio, & tandem fluxus liquoris diversæ naturæ per partes mulierum genitales.

1°. Itaque dum imminens est abortus & succutitur placenta, uteri ligamenta multifariam distrahuntur, in illis intercipitur humorum motus, hinc stases & inde nervorum distractiones in partibus quibus ligantur uteri ligamenta. Hinc sensatio dolorifica ponderis in lumbis, in femoribus, in inguinibus.

2°. In imminente abortu gravidus mulierum uterus, quassatus, fertur violentius solito vel versus os pubis, vel versus os sacrum, vel versus utrumque aut simul aut seorsim; hinc subitanæ distractiones, atque dolores ad laudatas partes referendi.

3°. Dolores patiuntur affectæ mulieres, pondera perſentiunt varia in utero, lumbis, femoribus, &c. Hinc non mirum ſi detur ſumma ſegnities ad motus voluntarios edendos.

4°. Rigores & horrores ſequuntur ſubitaneos, & violentos ſuccuſſus nervorum; & ſubitaneas liquorum ſtaſes, quibus & frigoris & irritationis ſubitæ conjungitur ſenſatio.

5°. Subitaneus & præſertim ſpontaneus, eſt lactis nondum conſecti effluxus per mammæ, quia in uteri diſtractionibus tendunt fluida ad uterum majori copia, hinc mammarum ſubſidentiâ, & liquidi lactei parum conſecti effluxus.

6°. Si vigeat fetus vis, preſſus & agitatatus conatus edit varios varieque ſeſe volutat, vel ut è carcere liberetur, vel ut commodiorem ſitum, majoremve tranquillitatem capteret, hinc vividior fetus agitatio & motus: ſi vero vel debilis admodum fuerit, vel mortuus, hinc maximè imminutus, vel nullus futurus eſt illius motus, ſed ponderis ſenſatio notabilis.

7°. Tandem ex variis uteri agitationibus, minus reſiſtentia vaſa vel uteri, vel vaginæ, vel involucrorum, vel placentiæ, rumpuntur, ea verò plerumque



lymphatica sunt, cum minoribus sanguiferis intertexta, deinde adaucto uteri partiumque vicinarum conamine & motu plura, pluraque sanguinea vascula rixim patiuntur; hinc victâ orificii uterini resistantiâ humorem nunc saniosum, nunc cruentum, nunc verè sanguineum per partes mulierum genitales manare necessum est & solemne.

Alia quidem dantur hujus morbi symptomata sed hæc vel parum notabilia sunt, vel ex iis quæ jam dicta sunt facilè explicantur, vel fetum in utero mortuum, vel nulla arte vitandum respiciunt abortum, sed de illis circumstantiis differere non proposuimus.

### *D I A G N O S I S.*

Hic profectò morbus novis non indiget signis ut dignoscatur, nam ex dictis in descriptione, definitione, differentiis, &c. clara illius delineatio haberi potest: nihilominus tamen ut propositæ consuetudini obtemperemus, juvat illum affectum distinguere ab omni alio morbo, cum quo ab incautè agentibus potest confundi, & deinde diversæ illius species, diversæque causæ sedulò inter se distinguendæ sunt.

Aliquid

Aliquid habet commune hic morbus cum doloribus rheumaticis lumborum, & femorum; cum vaporibus hystericis, in quibus adest ad motum segnities; cum principio inflammationum & febrium intermittentium in quibus apparere solent horrores & rigores; & tandem cum fluore menstruali, &c. verum ab iis omnibus facile distingui potest. Et,

1°. Distinguitur à doloribus lumborum rheumaticis, dolores enim illi plerumque chronici sunt: dolores verò abortum imminentes determinantes acuti sunt; præterea in prioribus nulla mutatio in uteri, aut mammarum functionibus per se: è contra in posterioribus essentialiter illarum partium functiones læduntur, ut patet ex supra dictis.

2°. Vapores quoque hysterici chronici sunt, chronica & quoque illius symptomata: ex adverso imminens abortus acutus est, acuta & quoque symptomata, ad motum segnities, &c.

3°. Licet in hujus morbi principio horrores & rigores sæpè deprehendantur, sicut & initio inflammationum, brevi succedentia alia symptomata morbum determinant. Præterea dum imminet abortus, afficitur statim vel uterus vel mammae, & ut plurimum binæ illæ partes

quod in fientibus inflammationibus generalibus accidere non solet.

4°. Eodem ferè modo distinguitur hic morbus ab initio febrium intermittentium, quarum distincta, alioquin existentia brevi post horrores & rigores, calore febrili cito terminante declaratur.

5°. A fluore quoque menstruali distingui potest imminens abortus, quia fluor menstrualis in gravidis plerumque ex vaginâ effluit; in imminente verò abortu ex uterinis vasculis promanare solet. Præterea menstrualis evacuatio in gravidis nec lumborum nec uteri dolores, saltem notabiles infert: ex adverso fluxus liquoris variegatus, qui fit in imminente abortu lumborum, uteri, ossium pubis & sacri, &c. dolores tanquam comites habet individuos. Imò & tum uteri, tum mammarum affectus de quibus hætenus verba fecimus. Præterea periodicus est menstrualis fluxus; non sic de evacuatione imminentem abortum consequente.

Jam ad ea quæ differentias & causas determinant. Variæ hujus morbi differentię facili etiam negotio poterunt distingui. Nam,

1°. Ex symptomatum varietate, id est ex existentia symptomatum tantum, prius in descriptione indigatorum, vel



ex complicatione posterius ibidem relatorum cum prioribus, dignoscitur utrū imminens abortus sit æquivocus aut univocus.

2°. Ex minori vel majori symptomatum sævitie & vehementiâ dignoscitur utrū morbus sit mitis aut levis, vel gravis sive violentus.

3°. Si solius hujus morbi symptomata sola apparuerint, vel cum illis alterius & quoque morbi symptomata sui præbuerint indicia, profecto dignoscitur utrū imminens abortus sit simplex, vel complicatus.

4°. Quod spectat causarum diagnosis, stricto, eorum, quæ dicta sunt de causis, scrutinio, diversarum causarum notitia distincta innotescit. Sic,

1°. Si solius uteri labes deprehendatur, & præter naturam convellatur, vel hydrope afficiatur, vel juvenculas aggrediatur morbus, aut morbo prægresso, aut naturali temperamento exsiccatus & aridas: hinc uteri vitium pro causâ accusandum est, & vitium vel in convulsionibus vel in laxitate, vel in angustia consistere plus quàm probabile est.

2°. Si peculiaris nulla deprehendatur uteri labes, nec causæ inferius examinandæ sui præbuerint indicia, & alioquin de-

crescat fetus agilitas, & minuatur vel intendatur notabiliter uteri moles, contra consuetum graviditatis ordinem, verosimile est morbosam fetus dispositionem hydropicam vel marcidam abortûs imminentis causam esse: consimili disquisitione medicus certior fiet de causis morbum inducentibus, & utrùm illæ particulares vel complicatæ fuerint.

### *P R O G N O S I S.*

Ut vera tradatur hujus morbi prognosis, considerandus est abortus imminens vel in genere vel respectivè ad circumstantias varias; si spectetur in genere, morbus est periculosus quoad symptomata, plerumque lethalis quoad fetum, sæpè periculosus & non rarò lethalis quoad matrem.

1<sup>o</sup>. Dum intenduntur hujus morbi symptomata varia superiùs recensita, dolores scilicet varii lumborum, femorum, ossium pubis & sacri, febris, inappetentia, animi deliquium, &c. hæc inquam symptomata sæpè seorsim sumpta, periculosa sunt: dum itaque combinantur ut in imminente abortu solemne est, morbum profectò constituunt penes symptomata periculosum.

2°. Imminens abortus abortum realem habet necessariò, vel ut plurimum, brevi subsequenter. Verùm abortus actualis intra superius notatos limites mensium, arguit ferè semper vel actu mortuum, vel brevi moriturum fetum. Hinc abortus imminens plerumque lethalis est quoad fetum.

3°. Et hujus morbi symptomata, quæ graviora fiunt, & diù perseverant; & tandem tum uteri, tum vaginæ dilacerationes inferunt, febres incendunt, immoderatas evacuationes producunt. Hinc pericula varia non rarò lethalia, quoad matrem.

Hæc licet generalis sit imminentis abortûs prognosis, varias tamen habet variationes, si plurimæ spectentur circumstantiæ à differentiarum & causarum varietate depromendæ. Sic,

1°. Quo magis, fetûs exclusionem minantur symptomata, eò majus; quò verò minùs, eò quoque minus est morbi periculum: hinc imminens abortus cum æquivocis tantùm symptomatibus minùs, cum univocis verò magis periculosus habendus est.

2°. Dum lenia sunt symptomata, separatio placentiæ ab utero remotior est; proximior verò dum urgent graviora sym-



ptomata. Hinc ratione symptomatum vehementiæ, variat quoque morbi prognosis.

3°. Quò pauciora sunt morborum discrimina, eò cæteris paribus, minus; quò verò plura sunt, eò majus adest periculum. Hinc simplex imminens abortus minùs periculosus est complicato.

4°. Demum variat hujus morbi prognosis pro diversitate causarum, sic imminens abortus, qui à convulsione pendet uteri, sequitur ejus convulsioni prognosim, & periculosior est illo, cæteris paribus, qui à laxitate proficiscitur: ille verò qui angustiam habet pro causâ, diversam habet prognosim pro diversis angustiae gradibus, diversisque causis.

2°. Qui pendet imminens abortus à vitio fœtus, prognosim habet diversam, prout morbosa illius dispositio magis, vel minùs periculosa est.

3°. Si à redundantibus liquidis proficiscatur, faciliùs plerumque sanatur, quàm cum eorumdem penuriam agnoscit pro causâ.

4°. Quò graviore sunt animi passionnes, eò magis vel intenditur humorum motus, vel crispantur solida: hinc varia morbi prognosis pro variâ intensiōe animi passionum morbum producentium.

5°. Haud multum dissimili ratione rationandum est de diversa abortûs prognosi dum à causis externis solet oriri. Hoc enim dici potest, quod dum causæ illæ minori agunt vehementia, minus; dum verò majori, majus sit periculum.

### C U R A T I O.

Indicationes curatoria omnes in eo versantur ut placentæ separatio ab uteri sim-briis præcaveatur.

Verùm ut præscribenda auxilia optatos habeant effectus, præ oculis quantum fieri potest, semper habenda est clara causarum idea: hac enim cognitione trita fit prorsus via, ad morbos sanandos omnes, qui curationem admittunt. Attamen in morbis præsertim acutis observanda est ratio symptomatum, non rarò pericula, minantium; juxta receptum & veritati consonum axioma, urgentiori succurrendum; & hoc profectò axioma, si alicubi locum habet maximè in imminente abortu, ubi & ut plurimum, certa est fetûs, & maximè periclitatur utero gestantis mors.

Verùm si hæc non penitus urgeant symptomata gravia; causarum ratio sedulo ponderanda est. Hinc breviter percur-

rendæ sunt causæ superiùs allatæ imminens abortus. Et,

1°. Quidem à vitio uteri oriundus imminens abortus, illi uteri vitio adaptata remedia sunt instituenda. Sic dum à convulsione proficiscitur, remedia conveniunt convulsionibus profligandis congrua, dum à laxitate uteri exsiccantia conveniunt remedia, & demum dum ab angustia, appropriata laxantia in usum vocanda sunt,

2°. Si fetûs morbosa constitutio causa est, causa illa particularis, particularibus & quoque auxiliorum speciebus debellanda est, si fieri potest. Sic si ab inedia proficiscatur, curanda omni operâ matris inappetentia, & cibi fastidium à quibus non rarò proficiscitur fetûs marcor. Diversæ pariter animi passionum, morbum, producentium, naturæ, diversæque causarum externarum vehementiæ prospiciendum est.

Verùm dum morbus pendet à collectione humorum, in utero, quasi stagnantium, dimovendus est ille cumulus sub variis respectibus. Et,

1°. Quidem parcâ diætâ, cujus ratione minor generari solet humorum copia; venæ sectionibus iteratis in brachio, qui-  
tus imminuitur existens fluidorum abun-



dantia, & tandem moderato exercitio, quo inspissata uteri liquida tenuia magis, magisque fluida redduntur; nec omit- tendæ sunt purgationes, sæpè in graviditatis prægressu instituendæ, quarum auxilio, primarum viarum sordes, inspissationem inducturæ eliminantur, sed ex leniorum classi seligendæ sunt, ut

℞. Sennæ mundatæ ℥i℥. rhei electi, & salis prunellæ ana ℥j. summitatum chamædryos p. ij. coque in s. q. aquæ fontanæ; colaturæ ℥vj. dissolve mannæ Calabrinæ ℥i℥. fiat potio.

2<sup>o</sup>. Nec omittenda sunt lenia narcotica, præsertim si contumaces fuerint vigiliæ, & sanguinis ardor notabilis, subsequenti formulâ præscribenda.

℞. Aquæ portulacæ ℥iij. aquæ florum aurantiorum ℥j. adde sirupi papaveris albi ℥℥. sirupi de nymphæâ ℥j. fiat julepus.

3<sup>o</sup>. In principio præsertim fluxûs li- quoris per partes mulierum genitales & abortum minantis, lenia conveniunt as- tringentia sub formâ ptisanarum opiata- rum, &c.

Ptifanæ confici poterunt sub forma sequenti.

℞. Radicum sympyti majoris, bif-  
tortæ, & tormentillæ ana ℥j. foliorum  
plantaginis m. j. rosarum rubrarum  
p. ij. coque in f. q. aquæ fontanæ; co-  
letur, propotu ordinario, & servetur  
& iteretur.

Opiata instituti potest sub formulâ  
sequenti.

℞. Conservæ rosarum ℥ß. sanguinis  
draconis veri ℥ß. aluminis rupei pul-  
verati gr. x. & cum f. q. sirupi de rosis  
siccis fiat opiata pro unâ dosi, sæpius  
iteranda.

Fomenta & quoque astringentia regio-  
ni lumbari utrique applicanda, modo  
consueto imò & anticæ, regionis hypo-  
gastricæ parti, conveniunt ex vino rubro  
calefacto, cum rosis rubris, &c. confi-  
cienda.

4°. Dum vel fetus vel mater seorsim  
aut simul in abortu imminente, viden-  
tur debilitari, cardiaca sunt in usum vo-  
canda, internè propinanda & externè ap-  
plicanda, quorum formulæ omnibus  
notæ sunt.

Hæc itaque, ob temporis angustias, sit generalis imminentis abortus therapæia. Hanc tamen priùsquàm deferamus nonnulla notatù sanè digna, sed & breviter cursim connotanda sunt. Et,

1<sup>o</sup>. Quidem remedia jam præscripta, astringentia, licet expectationi respondeant, dum lenia sunt symptomata, dum parum notabilis est fluxus, dum placenta utero adhuc connexa est, nullius ut plurimum sunt usus, imò nociva sunt evasura, dum symptomata sunt gravia, fluxus immanis, & præsertim cum actu separatur ab utero placenta, in quo certè casu, omni industriâ promovendus est abortus, ut fetus, si vivens est, aquâ baptismali conspergatur, & mater à doloribus cæterisque symptomatibus libere-  
tur.

2<sup>o</sup>. Licet remedia laxantia sub fomentorum, aut linimentorum formâ applicata regioni uterinæ alicujus sint usûs, in uteri angustia, & siccitate; hæc tamen in illo morbo penitè acuto, votis rarò succedunt, atque adeò extra graviditatis tempus, balnea, lacticia, aquæ minerales, verbo omnia humectantia instituenda sunt ut subsequens alioquin abortus præcaveatur.

3<sup>o</sup>. Eodem prorsus modo ratiocinan-



dum est de tumoribus uterum angustantibus, si excipiamus tumores inflammatorios, qui diætâ tenui, venæ sectionibus, narcoticis & refrigerantibus curantur, & tumores venereos qui etiam in gravidis quandoque sanantur, ut vidimus in matronâ lue venerea laborante, quæ penitus quasi phthifica apparuit, & tamen balneorum usum passâ est, & frictiones mercuriales septimo, aut circiter graviditatis mense, & perfectè sanata fuit, & jam & mater & proles perfectâ fruuntur sanitate.

4<sup>o</sup>. Varia sunt remedia, quæ à variis tanquam specifica habentur, ab aliis verò alto spernuntur supercilio; horumce tamen usum nec laudamus tanquam vera specifica, cum antiquioribus variis; nec audacter damnamus cum benè multis inter neotericos: si enim cum prudentiâ in usum vocantur, nec placenta ab uteriplicis separata est, sæpè profectò profunt. Præterea ægrotantium imaginatio illorum exhibitione, dulci moderamine allicitur. Talia sunt grana kermes, semen plantaginis, succus urticæ, &c. Circa lumbos ferenda zona, ex equi marini corio, emplastra contra fracturas lumbis applicanda, &c.

## CAPUT IV.

*De partu difficili. Morbi descriptio & definitio.*

**P**Artus difficilis varia habet symptomata conjuncta ex quorum combinatione sobolescit vera morbi descriptio,

Licet absque ullo notabili saltem symptomate morbofo, fetus in utero reclusus, & alimoniam ut pars est sumens, integros novem mensium terminos, quorum fini exclusionem subnectere consuevit alma parens natura, nihilominus tamen vitali, sæpè non potitur aurâ, nisi post varia laborum & dolorum discrimina fetui aut matri, aliquando utrique, semper molestissima, nonnunquam lethalia.

1°. Enim intendunt lumborum dolores, dolores femorum, dolores inguinum, ossis pubis, & ossis sacri, &c.

2°. Accedunt gravia & vix tolerabilia uteri tormina, sæpiùs recurrentia.

3°. Micat præter naturam pulsus, accenditur febris, totum copiosè sudat corpus, apparet delirium, & robur solito notabilius, &c.

Verum illa symptomata, si posteriora tantum excipiamus, satis consueta, imò & necessaria sunt, ut fetus excludatur. Nam ex omnibus animalibus, unicum forsan est mulier quod in parturitione magis patitur. An hoc à primæ matris crimine proficiscatur, an verò humano generi variarum miseriarum in peregrinatione occurrentium tanquam specimen inditum fuerit; aliis discutiendum relinquo, ut redeamus ad vera symptomata, parturitionem laboriosam, indigentia, qualia sunt conatus sive dolores languidi & rariùs recurrentes, virium debilitas, pulsus imminutio, sudor frigidus, faciei pallor, extremorum frigus, animi deliquium, hæmorrhagiæ uterinæ, membrorum convulsivi motus, &c. Et hæc quidem sunt symptomata quæ laboriosam stabiliunt parturitionem.

Verum juxta numerosa jam exarata symptomata difficilis seu laboriosa parturitio, nequit definiri; atque adeò breviori prorsus modo definiatur:

Morbus ille in quo prægnans post statutum à natura tempus, parturitionis ratione, male admodum afficitur aut penes symptomatum intensiorem, aut saltem penes eorum durationem.



*MORBI DIFFERENTIÆ.*

Laboriosæ parturitionis differentias, licet varias, juvat deducere ex particularibus tantum capitibus, ex diversitate scilicet symptomatum ex eorundem intensione varia, ex morbi simplicitate, & ex causarum morbum producentium diversâ indole.

1°. Itaque vel prius notata symptomata apparent, vel posteriora : hinc morbi differentia juxta symptomatum diversitatem.

2°. Vel symptomata hujus morbi etiam posteriora vel mitia sunt vel gravia admodum; & iterum vel vehementia illorum symptomatum desumi potest, à diversis gradibus, vel à diversâ duratione : hinc altera differentia

3°. Vel solius parturitionis laboriosæ symptomata apparent, vel cum illis conjunguntur aliorum morborum symptomata : hinc iterum altera differentia penes simplicitatem aut complicationem.

4°. Vel à vitio matris morbofo vel à vitio partium genitalium aut vicinarum, vel à morbosâ fetus dispositione, vel ab animi passionibus proficiscitur parturitio laboriosa; hinc variæ quidem hujus mor-

bi differentiaë juxta causarum varietatem. Sed hæc omnia clariùs demonstrabuntur in proximâ lectione ubi de causis.

### C A U S A E.

Ut fiat partus naturalis, varia requiruntur, tum ex parte matris, tum ex parte fetûs: hinc partus multiplici ratione difficilis evasurus est prout auxilia requisita, aut simul aut seorsim defecerint.

Hinc unam atque peculiarem causam astruere, ad quam totuplex causarum genus referri potest, sive causam immediatam asserere, arduum profectò opus est; nihilominùs tamen talem juvat admittere, quæ & nullam involvit contradictionem, & quâ semel positâ, ponatur laboriosa parturitio, &c.

Sit itaque illa cujuscumque naturæ, resistentia matris, fetûsque conamina superans. Hæc autem resistentia à pluribus sobolescit fontibus; illos tamen claritatis gratiâ reducemus ad peculiariora capita, ad ea scilicet quæ vel à matre, vel à fetu, vel ab utero, aut partibus adjacentibus solent pendere.

1<sup>o</sup>. Itaque laboriosæ parturitionis causa est ipsa mater si nimis debilis sit, tum nativo temperamento, tum prægressis mor-

bis, adeoque edendis conatibus ad parturiendum requisitis, impar evadit; vel si gibba fuerit quia tunc distortum diaphragma, directo nisu, nequit in uterum vires exerere, vel si asthma afficiatur, aut quomodocumque male affectos habeat pulmones; in illis enim casibus satis diu non retinetur aer in pulmonaribus vesiculis, quæ tamen retentio summè necessaria est & ad continuandos, & ad multiplicandos matris conatus parturitioni faventes: vel demum si materna mens sedulo versetur circa alia quæcumque objecta aliena, tunc enim ad fetûs motus aut calcitrationses minimè attendens, vel nullos, vel languidos admodum edit conatus: hinc ex parte matris laboriosa parturitio.

2°. Parturitionis laboriosæ causa est ipsemet fetus, & modo multiplici.

Prava nimirum conformatio, si nempe moles grandior sit vel in toto corpore, vel in parte peculiari: inde est quod monstrosus fetus, fetus hydrocephalo correptus, vel cui caput aliunde grandius est, fetus humeris latus, vel abdomine tumens ægrius emittitur, quatenus latiores vias ad exclusionem exposulat. Prava quoque fetûs conformatio sub altero concurrit respectu, tenerita-



tem scilicet vel spissitudinem membranarum propriarum inducendo, quia tunc citius, quam par est, effluet humor, & in sicco relinquitur, vel spissa nimis secundinae textura praepedit fetûs exitum.

Fetûs debilitas à quacumque causâ; nam debilis fetus nec motu nec calcitracione uterum potest sufficienter stimulare ad contractionem, nec ipse conatus edere ad exitum, &c.

Vitiosa fetûs positura, ut si loco capitis pedes aut manum alterutram offerat. Si clunibus, abdomine, scapulis uteri osculo obvius eat, vel si duplicatus sit.

Fetuum numerus auctus: sic si binus aut trinus sit in utero fetus, inde laboriosior parturitio.

3°. Partûs difficilis causa erit uteri, partiumque adjacentium vitium multiplex.

Sic dum nimis angustatur uteri capacitas, à quacumque causâ proficiscatur: tunc libera negatur fetui exiturienti via.

Dum uteri substantia laxatur, fetûs motu, & calcitracione minus percellitur, & languidè sese contrahit: hinc difficilis partus. Dum uteri orificium coarctatur vel à nimia pinguedinis, vel à malâ crurum conformatione, quâ aliquando femoris caput genitalia coarctat; vel à tu-

moribus in uteri collo, aut in vagina enatis.

Et demum dum uterus, aut aliqua illius pars comprimitur ultra modum ut ab alvinis fecibus induratis, à vesicæ urinariæ calculo grandiori, &c.

His & quoque addi potest constrictio illata uteri collo ut à frigore externo, à cicatricibus, vel à siccitate oriunda, ut primiparæ annosæ accidere consuevit.

Nec omittenda est uteri collocatio præternaturalis, quæ vel versus os sacrum; vel versus os pubis, vel nimis versus latera fertur, præsertim juxta crassam magis illius partem, & inde partum semper difficilem, sæpè lethalem inducit.

### *SYMPTOMATA.*

Parturitionis laboriosæ symptomata trifariam spectari possunt; alia enim antecedentia, concomitantia alia, & alia demum consequentia dici poterunt.

Prima sunt vel partûs naturalis symptomata magis forsan intensa, atque adeò peculiari non indigent explicatio-  
ne: præterea illa ferè omnia explicavimus dum de abortûs symptomatibus sermo erat. Hinc concomitantia tantùm & subsequenta juvat explicare & seorsum.

Concomitantia sunt virium debilitas, dolores languidi, & rarius recurrentes, pulsus imminutio, sudor frigidus, faciei pallor, extremorum frigus, animi deliquium, hæmorrhagiæ uterinæ, convulsiones, &c.

1°. Itaque dum conatus matris aut fetûs aut utriusque simul solito magis intensi exercentur, nec obices, in causarum examine, explicaros, vincere possunt, vis musculorum contractiva imminuitur, hinc virium debilitas.

2°. Dolores languidi sunt, rariùsque recurrunt, quia vel causæ, dolores & irritationes promoventes minus energicæ fiunt, vel quia lassatæ jam partes ægriùs & segniùs impressiones licet factas, suscipiunt; vel demum quia anima timore percita parum attendit ad ea quæ conatus alioquin sollicitarent. Hinc & parum notabiles & rariùs recurrentes dolores.

3°. Imminutâ musculorum contractione & factâ majori liquoris nervalis dissipatione, ut post iteratos, & inanes conatus fieri consuevit, sanguinem & minori copiâ, & minori impetu ad cor revehi necessum est: hinc imminutus duplex cordis motus, & inde imminutus binus arteriarum motus; unde notabilis pulsûs imminutio.



4°. Sudor est frigidus, quia quæ ad peripheriam corporis tumultuariè in doloribus trudentur fluida, accedente debilitate, tardiùs & segniùs revehuntur, & ob imminutum motum ibidem sistuntur: unde hiatuum vel vasorum cutaneorum laxitas: unde sudor frigidus, faciei pallor, & extremorum frigus ex iisdem causis desumi poterunt.

5°. Adest animi deliquium, quia adaucta musculosarum partium debilitate, magis magisque retardatur redux sanguinis motus ad cor: hinc notabiliter imminuta cordis contractio, unde animi deliquium.

6°. Hæmorrhagiæ adfunt uterinæ, quia iteratis ictibus, motibus, conatibus, excerpitur cum violentiâ ab uteri fimbriis placenta, corion & amnios dilacerantur, & vasa juxta orificium uteri posita, rixim patiuntur: hinc hæmorrhagiæ variæ.

7°. Motus fiunt convulsivi, vel quia, ab iteratis, licet inutilibus partium irritationibus, nervale fluidum præcipiti gressu accedit ad nervos cerebrales: hinc validior & magis præceps illius refluxus ad musculorum nervos; unde eorundem motus convulsivi; vel quia feriantibus musculorum contractionibus minus moventur nervi. Hinc major collectio

fluidi nervalis hispida magis illius superficies, atque adeò violentior, & magis inordinatus nervorum motus, sive convulsiones aut convulsivi motus.

Jam ad symptomata quæ sæpè subsequuntur parturitionem laboriosam, quæ licet varia, reducimus ad dilacerationem partium inter vaginam & anum, ad præternaturalem pupillæ dilatationem, ad uterinorum vasculorum vitia varia, & demum ad sanguiferorum præsertim ejusdem partis anevrysmata, aut varices.

1°. Itaque dum vegetæ sunt & matris, & fetus vires, quantum fieri potest, fetus urgetur versus illas vias: hinc & ponderis inassueti, & conatus iterati, & distractionis immanis ratione, segmentum anum à vaginâ separans aliquando dilaceratur.

2°. Præternaturalis aliquando pupillæ dilatatio sequitur partum difficilem, quia repetitis conatibus aër in pulmonibus diu retinetur, vena cava superior inde comprimitur. Hinc sanguinis stases variæ: in partibus superioribus, notabiliiores in partibus & à musculis minùs sustentatis, magisque in parturitione agitatis, quales sunt oculi; hinc dilatationes pupillæ sæpè insanabiles.

3°. Vitia sequuntur uteri varia, quæ producuntur vel à distractione placentæ, vel à præpostero obstetricum auxilio, vel à compressione vasorum lymphaticorum aut laxitate & compressione sanguiferorum vasorum; unde inflammationes, ulcera uteri, ejusdem partis tumores œdematosi, skirrhusi, cancrofi, venarum varices, & arteriarum anevrysmata, &c.

### *D I A G N O S I S.*

Ex supra dictis in descriptione, definitione, differentiis, &c. patet hujus morbi diagnosi; nec cum ullo alio, quod sciam, affectu potest confundi; nam prægresso aut jam elapso novimestris, stadio graviditatis, profectò accedentibus superius allatis concomitantibus morbum symptomatibus, parturitionem laboriosam esse liquido constat. Quapropter differentiarum & causarum diagnosim aggredi juvat. Et,

1°. Quidem, si in descriptionis limine recensita symptomata apparuerint tantùm, nec diù duraverint; symptomata morbi sunt quadantenus æquivoca: si verò posterius recensita in eadem descriptione sui præbuerint indicia, & si eorum duratio extendatur, symptomata sunt satis voca.iun



2°. Prout mitia vel gravia fuerint ſymptomata, dignoſcitur utrum morbus ſit lenis vel gravis, duratio quoque magis vel minus protracta infert diagnoſim morbi penes durationem.

3°. Dignoſcitur utrum morbus ſit ſimplex, aut compoſitus, ſive complicatus, prout ſolius parturitionis laborioſæ ſymptomata, vel illis conjuncta apparuerint alterius cujuſcumque morbi ſymptomata.

Paulò quidem difficilius eſt determinare cauſarum diverſitatem. Interim tamen per conjecturas ſatis probabiles illarum diverſitatem conabimur determinare. Et,

1°. Si mater debilis ſit, ſi gibba, delumbis, clauda, &c. & ſi deficiunt & fetus, & uteri vitia, &c. tunc mater ſola cauſa eſt parturitionis laborioſæ.

2°. Si prava deprehendatur fetûs conformatio quoad molem adauctam, vel in toto corpore, vel in aliquâ tantùm illius parte, ſi nota fuerit illius debilitas, ſi poſitura incongrua, aut demum ſi duo aut plures fetus in utero recludantur, & quod nihil peccet nec ex parte uteri, nec partium vicinarum, fetus cauſa erit parturitionis laborioſæ.

3°. Si uteri tota ſubſtantia conſtringatur, vel illius tantum oriſicium, vel  
illius.

illius laxitas præternaturalis deprehendatur, vel si causis externis quibuscunque comprimatur, aut uteri, aut partium vicinarum labes, pro laboriosæ parturitionis causâ, accusanda est; accusandus & quoque pravus uteri situs cujus ratione fetus vel versus pelvis latera, vel versus aliam partem impetit.

Tandem si plurimæ ex laudatis causis simul combinentur, causarum complicatio accusanda est.

Superiùs indigitatæ causæ, vel sedulo medici examine, vel obstetricis aut chirurgi exploratione, & tactu solent dignosci.

Peculiares & quoque causæ poterunt dignosci modis peculiaribus. Sic,

1°. Intromissione digitorum dignoscitur uteri aut illius orificii constrictio, tumores varii, numerus fetuum, funiculi umbilicalis implicatio, longitudo, &c.

2°. Numerus verò fetuum adauctus alio & quoque modo dignoscitur per prægressa, per magis notabilem ventris elevationem, qui per medium quasi in duos tumores scindi videtur, variis & sæpè contrariis motibus qui in utero persentiuntur, & demùm ex majori matris ad motum impotentia, &c.

3°. Ex humorum fluxu longè ante par-

tum dignoscitur secundinarum corrugatio, & fetûs siccitas. Ætas prægnantis vel nimis juvencula, vel annosa nimis determinare videtur, vel viarum angustias, vel coriaceam quasi consistentiam. Propriis & distinctivis signis dignoscitur fetûs mors, abolitione nimirum motûs, majori pondere, fœtore insigni, &c.

Si verò aggrediremur, causarum omnium remotarum magis, diagnostica signa, hoc profectò esset, historiam morborum, si non omnium, saltem plurimorum, theoriam examini subicere.

### *P R O G N O S I S.*

Ut genuina innotescat laboriosæ parturitionis prognosis, morbus ipse considerandus est; vel in genere vel relativè ad varias circumstantias. In priori casu spectata parturitio laboriosa morbus est & quoad fetum & quoad matrem sive gravidam, & quoad consequentias semper periculosus, sæpè lethalis; nam,

1<sup>o</sup>. Supponamus fetum viventem & vegetum viribus propriis præditum, imò & à carceribus uteri nempè fimbriis, placentæ plicis, & involucris propriis liberatum: accedentibus tamen partûs difficilis symptomatibus variis, contractio-



nibus nimirum violentis, muscutorum abdominalium, diaphragmatis, uteri, &c. variis modis volutatur, comprimitur, agitur, resistentias varias patitur, uteri constrictionem, illius orificii angustiam, & compressionem, &c. hinc imminens & non numquam, imò sæpè reale periculum vitæ, &c.

2°. Iteratis conatibus mulieris gravidæ, dissipatur fluidum nervale, sopita redduntur liquida alia, laceffita evadunt solida, rumpuntur uteri & partium adjacentium vasa, accenditur febris, invadit delirium, vel tacito licet passu accedit minor contractio cordis, animi deliquium, feriatio functionum, unde periculum semper vitæ, sæpè mors matris.

3°. Si spectetur quoad consequentias, morbus profectò periculosus est; nam post se haud rarò relinquit matrem, vel phthificam, vel epilepticam vel oculis captam, vel febribus obnoxiam, vel hæmorrhagiis deditam, vel herniis, umbilicalibus præsertim, ob rupturam peritonei laborantem, &c. fetum & quoque sæpè relinquit, vel gibbum, vel claudum, vel delumbem, vel macie confectum, vel ultra modum debilem, &c.

Nec demùm utero videtur parcere, ut patet ex illius tumoribus ſkirrhoſis, œdematoſis, aut cancroſis, varicibus, anevryſmatibus, &c. hinc manifeſtum eſt parturitionem laborioſam morbum eſſe periculofum & quoad matrem & quoad fetum, & quoad conſequentias, quod habuimus probandum.

Verùm licet illa ſit generalis partûs difficilis inſtituenda prognofis; variat tamen pro diverſitate circumſtantiarum; & illæ circumſtantiæ deſumi poterunt præcipuè ex differentiarum, & cauſarum varietate. Sic,

1°. Minùs periculofa eſt parturitio laborioſa quæ ſupra priùs notata ſymptomata tantùm habet conjuncta; magis verò periculofa, dum poſteriùs examinata accedunt; hinc varia prognofis penes diverſitatem ſymptomatum.

2°. Minùs, quæ mitiora, magis periculofa parturitio, quæ gravia habet conjuncta ſymptomata, hinc altera prognofeos varietas.

3°. Minùs eſt cæteris paribus, dum pauca ſunt, majus verò periculum dum plura ſunt ſymptomata: hinc varia prognofis prout parturitio eſt ſimplex, vel complicata.

4°. Facile non eſt determinare diver-

sam hujus morbi prognosim respectivè ad varias præcisè causas, quia diversi intensiõis gradus vitiorum matris, aut fetûs, aut uteri, poterunt diversam stabilire prognosim, in quacumque causâ reperiantur, vel quod idem est, sive à matre, sive à fetu, sive ab utero proficiantur. Quapropter hæc tantum generalia dicenda sunt.

1<sup>o</sup>. Scilicet minus, cæteris paribus, periculosa est parturitio in iis mulieribus, quæ hætenus peperere; magis verò periculosa in primiparâ.

2<sup>o</sup>. Minus in bene valentibus, magis verò periculosa instituenda est prognos in infirmis, &c.

3<sup>o</sup>. Tandem dum ab unicâ tantum proficitur causâ, minus; dum verò à variarum causarum concursu, cæteris paribus, longè majus portendit periculum.

### *CURATIO.*

Ut hujus morbi curatio instituatur, habenda est rerum variarum ratio: dignoscenda nimirum est indicationis natura, causarum diversitas, symptomatum varietas, variæ ætatis & temperamenti differentię, &c.

1<sup>o</sup>. Itaque quod spectat indicatio-



nes hujus morbi generales in eo versantur omnes ut tollantur obices, variis conatibus aut fetûs aut matris, sive gravidæ, aut utriusque simul opposcentes, vel quod idem est, ut conatus utriusque intendantur. Hinc profectò causarum diversitas examinanda; atque adeò,

2°. Si mater causa est laboriosæ parturitionis, examinandum sedulò, in quo consistat vitium maternum: si in debilitate, refocillandæ sunt vires; si in gibbosâ constitutione, suppeditet ars quod natura negat, & hinc summa necessitas auxilii medico-chirurgi; eodem modo ratiocinandum, dum morbosa pulmonum dispositio causa est laboriosi partûs. Tandem dum adest imaginationis læsio, dimovenda est persuasione blandis, colloquiis mellitis, exemplis, &c. Nam medico-chirurgi officium est animum adde-re & suaviter consolari miseras morbosas.

3°. Si proficiscatur malum à pravâ fetûs conformatione, viæ sunt laxandæ; si à debilitate, cardiacis exterius & interius insistendum; si à pravâ positurâ & quod citra fetûs & matris damnum fieri potest, naturalis positura restituenda est, alioquin per pedes leniter eliminandus est: si tandem adauctus sit fetuum nu-

numerus, laxandæ & inungendæ sunt viæ.

4°. Dum uterus laboriosæ parturitio-  
nis causa est, sedulo examinandum quale  
sit illud uteri vitium: si à pravo uteri  
situ, natales ducat, auxilia tentanda sunt,  
à clarissimo *Deventer* allata; si à constrictio-  
ne generali vel particulari, prospicien-  
dum est causæ morbum producenti extra  
graviditatem, si dignoscatur, & gravi-  
ditatis tempore si causa acuta est, &c.

Jam verò liceat examinare quæ neces-  
saria sunt remedia, dum uterus laxatus  
est, dum fetus mortuus est, & inde sta-  
tim excludendus.

1°. Si mulier plethorica sit, si dolo-  
res immanes sint, & pulsus validus,  
venæ sectio instituenda & iteranda, prout  
necessitas urget.

2°. Deinde instituendus est clyster se-  
quens non solum ut alvinæ feces evacuen-  
tur, sed ut uterus comprimatur, &c.

℞. Foliorum mercurialis, parietariae & brancae ursinae ana m. j. coque  
in f. q. aquæ fontanæ, colaturæ ℥ij.  
dissolve mannæ Calabrinæ ℥ij. fiat  
clyster.

Si clysterum ope non excludatur fetus,  
ad potiones purgantes refugiendum est.

℞. Sennæ Orientalis ℥ij. tartari solubilis ℥iſſ. coque in ſ. q. aquæ fontanæ colaturæ ℥vj. dissolve mannæ Calabrinæ ℥ij. adde vini emetici ℥j. fiat potio.

Verùm ſi potionis cathartico-emeticæ beneficio, nec fetus vivens in utero laxato, nec mortuus, qualicumque ſit uteri conditio, excludi poteſt, etſi alioquin gravida debilitetur; hinc frequens ſit, oportet clyſterum cum vino emetico turbido, uſus, & clyſteri jam præſcripto unciaæ duæ, aut circiter, vini emetici addi poterunt.

At accedentibus gravidæ ſymptomatibus, veram debilitatem indigitantibus, mutandus neceſſariò eſt curationis ordo; loco enim evacuantium remediorum, calefacientia & cardiaca ſunt instituenda.

Sic naribus approximandi ſunt ſpiritus urinofi. Tempora confricanda Reginaſ hungariæ aquâ vel ſpiritu vini; vel aquâ vitæ & conſimilibus regio uterina leniter perfricanda, decocto chamæmeli, abſinthii minoris, vel ſabinæ, in vino rubro, &c. extrema frigida linteolis calidis perfricanda & involvenda, &c. Cardiaca & quoque intus aſſumenda



maximè conveniunt, qualia sunt aqua cinnamomi, aqua vitæ, & præsertim vinum meracum, quod præstantissimum cardiacum est illis præcipuè, quibus frequens vini usus ignotus est, vel tandem potio cardiaca sequens cochleatim sumenda.

℞. Aquarum scabiosæ & menthæ ana ℥iij. aquæ melissæ ℥j. confectio-  
num alkermes & de hyacintho ana ℥j.  
salis viperini ℥ß. adde lili proprietatis  
Paracelsi ḡ. xl. fiat potio.

Huic generali partûs difficilis curatio-  
ni, juvat & nonnullas breviter subnec-  
tere annotationes. Et,

1°. Quidem dum nec remedia interna,  
nec externa optatos attingunt fines, ad  
auxilium manuale confugiendum est,  
imò & hoc solo laboriosi alioquin partus  
non rarò feliciter terminantur: sed illud  
auxilii genus apud illos præcipuè reperiri  
potest, qui nec morbi causam nec gra-  
vidæ temperamentum, nec partium ana-  
tomiam ignorant; hinc summa medico-  
chirurgi necessitas.

2°. Dum nimis augetur aut in toto,  
aut in parte fetus moles, ita ut per uteri  
orificium trudi impossibile prorsus judi-

cetur, varii fetus enecare jubent ut ab orci faucibus liberetur gravida: verum talem methodum medico christiano indignam si ex professo non explodimus, ulteriori SS. Ecclesiæ disquisitioni & decisioni relinquimus.

3°. Verum si mortua est gravida & fetus vivat, ad cæsaream operationem, nullâ interpositâ morâ, confugiendum est, & forsân eadem operatio institui posset, ut extrahatur fetus vivens, dum prava illius conformatio impedit, quominus per vias ordinarias excludatur. Operationis scopus haberi potest apud *Rosset & D. Deventer.*

4°. Varia quoque commendantur remedia proficua, imò & apud nonnullos specifica, dum gravida debilis est, debilis fetus, vel mortuus, vel laxatus est uterus, &c. Talia sunt cinnamomum, crocus orientalis, flores chamæmeli, borax officinarum, semen lavendulæ, fabina, decoctum artemisiæ, &c. ex quibus pilulæ, pulveres, opiata, vina medicata, ptisanæ, &c. efformari poterunt. Illa quidem remedia aliquando noxia, aliquando inutilia, & aliquando miræ sunt necessitatis.



C A P U T V.

*De Immodico Lochiorum fluxu. Morbi  
descriptio & definitio.*

**F**Etûs aut vivi aut mortui & secundinarum placenta scilicet & propriorum involucrorum exclusionem sequitur fluxus humoris sanguineo-lymphatici, aut lymphatico-sanguinei per mulierum pudenda, qui in statu naturali indeterminata, ob diversam regionem, diversum temperamentum, & diversam causarum energiam, dierum stadia, cum summo puerperarum levamine solet perseverare.

Verùm si longè diutiùs perseveraverit, vel immanis sit illius copia, tunc morbum constituit, fluxûs lochiorum immodici nomine insignitum.

Hujus autem fluxûs morbosus, vel quoad copiam adauctam, vel quoad durationem nimis protractam descriptio in symptomatum serie solet consistere.

Hæc autem sunt ut plurimum virium debilitas, pulsus imminutio, animi deliquium, faciei pallor, extremorum fri-



gus, eorundem tumor œdematosus, inappetentia, &c. Hæc profecto, vel parum absimilia symptomata superius indigitatum fluxum concomitantia, morbum efformant.

Quapropter illum juvat definire illam lymphatico-sanguinei aut sanguineo-lymphatici liquoris, per mulierum, quia puerperæ sunt, pudenda evacuationem, quæ penes durationem nimiam aut copiam adauctam, aut utramque notabilem infert functionum læsionem.

### *MORBI DIFFERENTIÆ.*

Eicet numero plures sint hujus morbi differentiæ, illas tamen omnes à peculiaribus tantum juvat deducere capitibus, à diversâ nimirum morbi naturâ, à diversâ symptomatum sævitie, à complicatione aut simplicitate symptomatum, à diversâ humoris excernendi vel excreti naturâ, & demùm à causarum varietate.

1<sup>o</sup>. Itaque ideo fluxus ille morbosus est, vel quia solito major est illius copia, vel quia consuetos durationis limites excedit. Hinc illius differentia penes diversam naturam.

2<sup>o</sup>. Vel lenia sunt vel gravia symptomata, hinc altera differentia penes symptomatum sævitiem.

3°. Vel solius hujus morbi symptomata, vel cum illis aliorum & quoque symptomata solent apparere: hinc altera & quoque differentia penes simplicitatem vel complicationem.

4°. Nunc humor lymphaticus, nunc sanguineus, nunc ex utroque mixtus.

5°. A pluribus causis vel seorsim, vel simul agentibus proficiscitur fluxus catameniorum immodicus, ut videbimus statim: hinc demùm alterius differentiae scopus juxta causarum diversitatem.

### *C A U S Æ.*

Docuimus alibi immoderatum menses fluxum pendere immediatè à vasorum secretoriorum uteri amplitudine auctâ, & profectò nunquam, quod sciamus, potest determinari copiosior evacuatio fluidi per vasa nostri corporis, quin incerniculorum amplitudo fiat major; nam trifariam tantùm concipimus extra propria vasa trudi liquida quæcumque, vel quia vasorum osculis frequentius solito offeruntur liquorum portiunculae, vel quia eorundem particulae minores redduntur, vel demum quia vasorum ora, aut orificia magis hiulca, patula

magis aut magis ampliata sunt.

1°. Verùm vix concipi potest quomodo humorum particulæ vasorum aperturis sæpiùs solito offerantur, quin ora dilatentur.

2°. Dum tenuiores sunt fluidorum partes, vasorum spiracula sunt respectivè saltem ampliora.

3°. Absolutè diducta seu ampliata sunt vasorum orificia. Hinc pro causâ fluxûs immodici lochiorum proximâ aut immediatâ admittimus vasorum sanguineorum, aut lymphaticorum aut utrorumque simul amplitudinem naturali majorem: hac enim semel positâ cum requisitâ humorum copiâ, quæ conditio requiritur, ponitur, & sublatâ tollitur fluxus ille.

Ampliantur quidem illorum vasorum orificia à causis quasi indefinitis: illas tamen omnes ad peculiâres tantum juvat reducere, ad majorem nempe humorum copiam, motum velociorem, partium humores constituentium, divisionem, & vasorum rixim.

1°. Itaque augetur humorum copia in utero, vel quia plethora est universalis in toto corpore, vel quia ob partium adjacentium obices, obstacula, obstructions, determinatur necessariò major



illius copia ad uterum; vel tandem quia præpeditur recursus humorum per ductus venosos.

Causæ plethoræ universalis sunt variæ, major chyli copia, imminuta liquorum secretio, vita sedentaria, &c.

Partium adjacentium vitia varia producunt inspissata liquida, constricta vasa, compressa, collapsa, &c.

Præpeditur liquorum ab utero regressus venarum obstructione, compressione, constrictione, collapsu, &c.

Causæ verò remotæ harumce causarum, vel levi datâ occasione poterunt innotescere.

2°. Adaugetur in utero humorum motus, vel quia augetur in toto corpore, vel quia causarum particularium ratione, in utero peculiariter augetur. Motum in toto corpore augent, calor universalis, febris, &c. in utero contractiones uteri, motus fêtus, illius calcitratio, separatio placentæ, apertio præternaturalis variorum vasorum uteri, &c.

3°. Humorum partes dividunt & attenuant variæ causæ, prægressæ exercitationes violentæ, constitutio aëris calida, major vis vasorum systaltica, præposterus cardiacorum, chalybeatorum, mercurialium remediorum usus, balneorum cali-

dorum, liquorum spirituosorum abusus, & tandem uteri contractiones, compressiones, commotiones variæ, quæ parturitionem laboriosam necessario concomitantur, &c.

4°. Demum vasa uterina rumpunt quàm plurimæ causæ, motus & calcitrationses fetûs, contractiones validæ musculorum epigastricorum & diaphragmatis, violenta separatio placentæ ab uteri fimbriis, sive à causis abortum producentibus, vel in laboriosâ parturitione, ab imperitâ obstetrice natales ducat. Debilitas vasorum uterinorum aut connata, aut in abortu, aut difficili partu acquisita; & tandem erosio uterinorum vasorum, à pure, injectionibus acrioribus, acrive humorum dispositione, aut diathesi, oriunda, &c.

### *S Y M P T O M A T A.*

Ex variis symptomatibus hunc morbum concomitantibus, superiùs tantum, in descriptione relatâ, explicationi subjicienda judicamus.

1°. Debilitantur vires quia consequenter ad fluxum immodicum, nimia excernitur lymphæ, aut sanguinis, aut utriusque simul copia, per hiatum uterinum; hinc minor vasorum repletio

minor & quoque fibrarum nervosarum, & muscutorum imminuta elasticitas, atque adeo debilitata contractio, unde virium debilitas.

2°. Imminuitur pulsus quia redux minor humorum copia, minus cordis ventriculos dilatat: hinc minor eorum contractio, quam sequitur imminuta diastole & systole arteriarum; hinc imminutio pulsus.

Animi fit deliquium, quia intenso lochiorum fluxu, magis, magisque imminui cordis motum necesse est; hinc animi deliquium.

4°. Pallet facies, quia ad illam partem, sicut & ad ceteras partes, peripheriam corporis constituentes, & minori copiâ & minori impetu trudentur fluida ob fluxum lochiorum immodicum, hinc faciei pallor.

5°. Frigent extrema, quia imminuitur in illis & copia liquidorum, & eorumdem motus: hinc minor calor, & majus frigus.

6°. Tumor adest extremorum œdematosus, quia vasa præsertim lymphatica laxantur; hinc eorum collapsus, atque adeò obices varii segniùs solito circumstanti lymphæ, hinc illius hærentia, unde tumores œdematosi.



7°. Imminuitur appetitus alimentorum, quia proportionè respectivâ ad fluxum immodicum succum stomachalem imminui & quoque necessum est: hinc minor vibratio fibrillarum nervearum ventriculi, vel, quod faciliùs crediderim, quia imminutâ liquorum circulantium mole per ventriculi vasa, laxitas vasis accedit; hinc illorum vasorum imminuta corrugatio, atque adeò minus sensibilis famis sensatio, &c.

8°. Demùm nunc in fluxu immodico lochiorum humor merè sanguineus, nunc lymphaticus, nunc sanguineo-lymphaticus, vel lymphatico serosus effunditur, prout aut vasa sanguifera, aut lymphatica seorsim aut simul dilatantur aut rumpuntur, & prout ex illis plura, ex his verò pauciora rixim patiuntur.

### *D I A G N O S I S.*

Ex supra quidem dictis in descriptione, definitione, differentiis, &c. satis apprimè patet hujus morbi diagnosi, nec cum alio confundi potest statu morbofo. Puerperis enim accidit statim post partum, quæ tunc rarò aut numquam patiuntur purgationes menstruales, quarum vehiculum ad mammas derivatur,

lac ex majori parte producturum, recens natæ proli alimoniam suppeditaturum; cum fluore itaque menstruali nequit confundi, cum quo forsan solo videretur habere aliquid commune.

Paucis itaque examinemus modos juxta quos & differentiæ & causæ variæ dignoscantur. Hinc,

1°. Vel per majorem copiam intra datum tempus, vel per majorem seu diuturniorem fluxûs perseverantiam (remanentibus semper morboſi affectûs symptomatibus) dignoscitur utrûm illè morbus pendeat, vel ab auctâ notabili copia, vel ab illius fluxûs duratione: hinc una differentia penes diversam morbi naturam.

2°. Per symptomatum diversos intensiſionis gradus, dignoscitur utrûm illa sint lenia aut mitia, vel fortia, sive gravia.

3°. Ratione tantûm propriorum, vel per propriorum simul & alienorum morborum symptomata dignoscitur utrûm morbus sit simplex aut complicatus.

4°. Ex diverso colore fluidi excretiſatis aptè dignoscitur utrûm fluidum illud sit sanguineum aut lymphaticum, sanguineo-lymphaticum, vel lymphatico-sanguineum.

5°. Diverſæ quidem hujus morbi cauſæ paulò difficiliùs innotefcunt; interim tamen diligenti examine non rarò deteguntur. Sic,

1°. A plethoricâ mulieris conſtitutione aut partium utero vicinarum, obſtructionibus ſkirrhoſis, œdematoſis, inflammatoriis, &c. dignoſcitur utrùm morbus procedat à plethorâ univerſali, aut uteri tantùm.

2°. Ex calore nimio, febre ſæviante, vel uteri agitationibus variis, &c. dignoſcitur auctum humorum motum cauſam eſſe.

3°. Et ex conſtitutione ægrarum, & ex prægreſſis dignoſcitur humorum diviſio, quæ aliquando morbi fomes eſt.

4°. Ex abortu violento, aut parturitio-  
ne laborioſâ, aut obſtetricis ignorantia, aut incuria, aut noto uteri abſceſſu, aut ulcere, &c. dignoſcitur vaſorum uterinorum dilaceratio, ampliatio, &c.

Tandem ex unius tantùm cauſæ, vel plurimarum ſignis dignoſcitur utrùm à cauſis peculiaribus, aut à plurimarum cauſarum concurſu procedat fluxus lo-  
chiorum immodicus.



P R O G N O S I S.

Morbosa & præsertim immodica omnis hæmorrhagia periculosa est, quia illius ratione sanguinis præstantissimum vitæ fulcimentum exhaustum est: hinc immodicus lochiorum fluxus periculosus habendus est. Præterea ex aliis quoque capitibus hujus morbi periculum potest depromi, ex evacuatione nimirum fluidi lymphatici, quâ humorum reparatio imminuitur, eorundem diathesis alteratur, & secretiones omnes tantopere necessariae supprimuntur, & ex ægrotantium statu; accidit enim fluxus ille mulieribus, quarum vires jam fractæ sunt, penes symptomata gravia, quæ jam passæ fuere, vel in abortu, vel in partu difficili.

Hæc tamen prognosis generalis fluxûs immodici lochiorum variare solet juxta circumstantias varias. Et,

1°. Fluxus ille qui sequitur partum, minus periculosus est illo, qui ab abortu proficiscitur, in quo plerumque magis violenta est & vasorum plurimorum dilaceratio, & inde suppurationes plures pluresque humorum corruptelæ.

2°. Exinde quoque sequitur minus periculosum illum esse qui à simplici li-

quorum labe , simplicem vasorum rixim productura , magis verò alterum qui ab erosione sobolescit.

3°. Lochiorum fluxus in quo leniora sunt symptomata, minus, majus verò periculum portendit cum gravia fuerint, ut omnibus notum est.

4°. Cæteris & quoque paribus, minus periclitantur puerperæ, hoc fluxu simplici laborantes, magis verò dum aliis morbis conjungitur.

5°. Variat & quoque dicta prognosis pro diversitate causarum. Sic,

2°. Qui ab humorum rarefcentia facilius, cæteris paribus, curatur, difficilius verò ille lochiorum fluxus qui ab humorum spissitudine proficiscitur: leviori enim operâ sedari potest humorum motus; difficiliori solvitur liquorum textura inspissata.

2°. Si spissitudo recens sit & parum notabilis, profectò citius faciliusque tollitur, quàm cum rarefcentia eos attigerit gradus, ut humorum dissolutio quasi perfecta sit, quo quidem in casu plurimum periclitatur puerperæ vita.

3°. Variat etiam hujus morbi prognosis, ratione plethoræ universalis, aut particularis: sed determinare non facile est discrimen, ut pote quod à causis

variè agentibus , depromi possit.

4°. A diversis vasorum uteri , dilacerationibus nova & quoque exsurgit prognoseos differentia.

5°. Demum fluxus lochiorum immodicus , qui consistit in duratione tantum facilius , difficilius verò , cæteris paribus , ille qui in immani consistit copiâ ; prior enim species , tempus admittit sufficiens , ut remedia congrua applicentur : posterior verò citò & cum summo periculo sua percurrit stadia.

### *C U R A T I O.*

Indicationes hujus immodici lochiorum fluxûs in eo consistunt ut fluxus ille sistatur : verum nusquam sisti potest prudenter , nisi prius habeatur notio causarum fœventium. Sic ,

1°. Dum pendet ab humorum rarefactione , viribus perseverantibus , venæ sectiones , refrigerentia , & anodyna conveniunt , sub variis formulis præscribenda.

2°. Si à plethorâ pendeat universali , imminuenda est humorum massa , modo alibi fusiùs explicato.

3°. Si pro causâ agnoscat nimiam humorum tenuitatem summè proficua sunt incrassantia.



4°. Si particularis uteri plethora morbum foveat, plethora illa pendeat à partium vicinarum obicibus, illi obices omni operâ dimovendi sunt.

Verùm licet illa auxiliorum genera maximè indicentur ad destruenda varia fluidorum vitia quæ huic morbo producendo aut saltem fovendo faveant, alia tamen in usum vocanda sunt ob symptomatum naturam, & acutiem morbi: hinc refocillandæ sunt vires & vasa nimis hiulca leniter astringenda, aut adducenda sunt.

Instituatur itaque præprimis diæta, eaque in principio tenuis: vescatur itaque ægra cremoribus oryzae vel hordei, ossis, panatellis, ovis forbilibus, &c.

Si verò diutius perseveraverit, diæta fortior instituenda est, qualem in laudato casu, constituunt gelatinæ ex cornu cervi, caponibus, perdicibus, vel vitulinis pedibus confectæ, carnes vervecinæ aguinæ, pulli juniores, &c.

Pro potu ordinario instituatur ptisana sequens.

℥. Radicum symphyti majoris & tormentillæ ana ℥ij. coque ad quartæ partis consumptionem in aquæ fontanæ lbvj. sub finem coctionis adde  
rosarum

rosarum rubrarum & florum calthæ  
ana . p. ij coletur fiat ptisana.

Jusculum & quoque convenit bis in  
die sumendum.

℥. Radicum althææ & bistortæ ana  
ʒj. foliorum plantaginis & sanguisorbæ  
ana m. j. coque cum pullo juniore :  
fiat jusculum.

Solâ hac vel consimili diætâ haud rarò  
sanatur fluxus lochiorum immodicus ;  
sed si non suffecerit ad remedia fortiora  
confugiendum est ; hæcque ex cardiaco-  
rum & astringentium sinu depromenda  
sunt , & sub variis formulis præscribenda.

Qui Cardiaca voluerit præscribere ,  
fractis puerperarum viribus , ea reperiet  
in curatione morbi prægressi , parturitio-  
nis scilicet laboriosæ , & astringentia.  
Cap. III. 1. Section. ubi de immoderato  
mensium fluxu ; illa itaque hic repetere  
& explicare supervacaneum existima-  
mus.

Hujus tamen curationis calci nonnul-  
la juvat subnectere. Et ,

1<sup>o</sup>. Quidem , deberet semper haberi  
ratio , regionis , ætatis , temperamenti ,

&c. nam licet maxima sit copia excreti humoris, & licet fluxus diù perseveraverit, non tamen ideò sunt præscribenda remedia; nam præter quàm quod sola, ut supra dictum est, diæta sufficiat, regio humida, ætas juvenilis & temperamentum plethoricum, talem facile patiuntur fluxum, illumque desiderare quasi videntur; hinc non nisi, symptomatum, ab illo fluxu præcisè oriundorum notitiâ certâ remediis insistendum est.

2°. Tametsi, habito respectu, ad symptomata corporis debilitatem indicantia, & evacuationem adauctam, præscripta superiùs sunt præcipuè cardiaca, & astringentia, habenda tamen semper est ratio temperamenti, & dispositionis sanguinis, ita ut remedia illis convenientia, cæteris maritalari possint. Sic dum sanguinis constitutio spissa est, & coacta, cardiacis & astringentibus, lenia incidentia sunt miscenda; dum acris, diluentia, inviscantia, & incrassantia, cardiacis & astringentibus methodicè maritalanda sunt, & sic de cæteris.

3°. Nec omittenda prorsus sunt remedia particularia, quæ licet semper optatos non attingant fines, sæpè tamen mirè profunt; qualia sunt spongia combusta ac trita, vino commiscenda, urticæ succus, ster-



cus mulinum, aut asininum combustum cum appropriato liquido, &c.

4°. Et ut proximè prægressi articuli veritas demonstretur, liceat hic, sed breviter, referre duas observationes.

### *OBSERVATIO PRIMA.*

Hujus civitatis mulier, triginta aut circiter annos nata, post partum, lochiorum immodico fluxu per viginti dies ita laborabat, ut præsens apparuerit vitæ discrimen, tantoque magis, quod plurima remedia præscripta fuere à practicis exercitatissimis, sed sine ullo successu; hinc in consilium vocatis aliis medicis, omnium junior (factâ paritate inter illum fluxum, & evacuationem dysentericam) ipecacuanham proposuit & illius remedii ope, incantamenti adinstar, sanata fuit puerpera.

### *OBSERVATIO SECUNDA.*

Mulier nobilis, viginti aut circiter annos nata, post partum difficilem immuni adeò lochiorum fluxu afficiebatur, ut ab astantibus in vitæ brevi amittendæ periculo judicaretur; nec profuere cardiaca ulla; unde statim obvolutum fuit

totum illius nudum corpus linteolo ,  
acerbo aceto plurimum madefacto , quo  
ſubito ceſſavit fluxus , & ſanitati priſtinæ  
gradatim reſtituta fuit.

---

## CAPUT VI.

*De Lochiorum ſuppreſſione. Morbi deſ-  
criptio & definitio.*

**T**Oto graviditatis tempore & præ-  
fertim ſuppreſſâ menſtruali pur-  
gatione colliguntur in utero fluida , quo-  
rum maxima pars nutriendo fetui ſolet  
inſervire , ſuperſtes verò , vel liquoribus  
per viciniam circulantibus permifcetur ,  
ſtrages nonnunquam productura , vel in  
vafis permanens , eorundem actionem  
variâ , variè ſolet labefactare : hinc  
neceſſitas illius evacuationis poſt partum ,  
quæ cum naturalis eſt , nil mirum , ſi  
puerperæ ſolamen afferat.

Hinc ex illius ſuppreſſione non minùs  
gravia ſoboleſcunt mala , quàm ex ejuf-  
dem immodico fluxu ; unde morbum ,  
eumque ſæpè periculofum conſtituit ,  
cujus deſcriptio ex ſymptomatum ſyn-  
drome deducenda eſt.

Hujus autem morbi symptomata varia sunt, alia nempe sunt omnibus cognita, defectus nimirum madoris circa partes genitales, spurcitiei & fetoris absentia, &c. Alia verò sunt quæ majorem merentur attentionem, qualia sunt abdominis, & præsertim regionis uterinæ intumescencia, uteri dolor ad lumbos, extensus, earundem partium calor præternaturalis, difficultas respirandi, febris lypiria, dolor internus capitis, animi deliquium; & tandem omnibus in pejus ruentibus, accedit nunc peripneumonia, nunc hepatitis, phrenitis modò, & modò gravis uteri inflammatio, &c.

Non tamen juxta tot symptomata, non semper alioquin essentialia, possumus morbum illum definire, sed viâ aut modo longè breviori, nec minus tamen affectûs naturam explicante.

Definiatur itaque illa evacuationis uterinæ puerperium præcisè sequentis, abolitio, aut juxta copiam aut durationem imminutio notabilis functiones varias necessariò læsura.

### *MORBI DIFFERENTIÆ.*

Licet quam plurimæ sint hujus morbi differentiæ, illas tamen omnes à distin-



ctis & parum numerosis capitibus deducemus, à diversa scilicet morbi naturâ, qua lædi solent functiones; à diversa symptomatum vehementia, à variâ eorundem complicatione, & à causarum varietate, &c.

1°. Itaque suppressio lochiorum vel pendet ab imminutione copię, intra datum aut saltem præfixum tempus, liquoris secernendi, vel pendet à contractâ nimis duratione. Hinc morbi differentia penes illius naturam, cui profecto conjungi potest altera, quæ vel abolitionem, vel imminutionem constituit.

2°. Prout symptomata sunt mitia vel gravia, exsurgit altera differentia, quæ respicit symptomatum vehementiam variam.

3°. Vel solius illius lochiorum suppressionis, symptomata apparent, vel cum illis aliorum & quoque morborum symptomata manifestantur; hinc altera differentia quæ respicit vel morbi simplicitatem vel complicationem, &c.

4°. Causæ hujus morbi possunt variare, eadem ratione, quâ causæ immodici lochiorum fluxûs variant ut superius probatum est; contrariorum enim ut plurimum contraria est ratio, sed de his statim agemus.

*C A U S Æ.*

Ex inverso ordine causarum, lochiorum immodicum fluxum producentium, habentur præcisè quidem ejusdem fluxus suppressionis causæ, omnes tum proximæ tum remotæ. Hinc,

Hujus suppressionis causa proxima sit abolita vel imminuta absolutè, vel respectivè, ampliatio vasorum uteri sanguiferorum, aut lymphaticorum vel utrorumque simul in puerperis.

Hanc quidem causam quam plurimæ aliæ producant: verum omnes illas ad peculiare tantum reducemus, ad imminutam scilicet humorum molem, retardatum illorum motum, auctam eorundem spissitudinem, intensam vasorum uterinorum resistantiam, & absolutam constrictionem aperturarum in uteri vasis. Nam illæ quidem causæ ab aliis proficiuntur, Sic.

1<sup>o</sup>. Imminuunt humorum molem minuta chyli, adaucta sudoris, aut perspirationis copia, immodicæ evacuationes uterinæ aut artificiales aut naturales, &c. illas producant variæ aliæ omnibus notæ. Verum à prioribus producta suppressio morbofa non est.

2°. Fluidorum motum retardant ſolidorum imminuta elasticitas & debilitata contractio, imminuta humorum moles, eorundem coagulatio aut craſſities, quam producunt craſſitiem prava chيلي conſtitutio, imminutus cordis motus, corpora frigida, acida, &c.

3°. Fluida inſpiffant, acida, aceſcentia, ſeroſorum humorum evaporatio, frigida corpora, præpoſterus aſtringentium & farinaceorum medicamentorum uſus, &c.

4°. Solito majorem vaſorum uterinorum reſiſtentiam producunt plures cauſæ, prægreſſæ cicatrices, tumores ſkirrhoſi, œdematoſi, cancroſi, obſtructiones plurimæ, aſtringentium abuſus, vaſorum ſiccitas, & coriacea quaſi conſtitutio, &c.

5°. Tandem uterina vaſcula conſtringunt vel internæ vel externæ cauſæ. Internæ ſcilicet, medicamentorum, aut alimentorum aſſumptorum, vi aſtringenti pollentium prægreſſus uſus, fluidi nervalis in uterina vaſcula præceps influxus, uteri ulcera, vulnera, &c. Inter illas meritò recenſeri poterunt violentæ animi paſſiones variæ, triſtitia nimirum, timor, odium, &c.

Cauſæ verò externæ, vaſa, conſtrin-



gentes, uterina, sunt v. g. injectiones frigidae, acidae, astringentes, frigus externum, lotio pedum in liquoribus frigidis, partis cujuscumque corporis expositio imprudens aëri frigido, &c.

Si verò aggrediremur examen omnium causarum, exaratas jam causas foventium, profectò hoc esset morborum plurimorum à mulieribus etiam distinctorum theoriam aggredi, quod propositi nostri ratio nullatenus expostulat.

### *S Y M P T O M A T A.*

Ex variis symptomatibus hujus morbi, non nulla tantum, ceu essentialia magis, magisque frequentia explicationi juvat subjicere.

1°. Itaque tumet in hoc morbo abdomen & praesertim regio uterina, quia, quae non possunt excludi fluida, partium adjacentium sed praesertim ipsius uteri vasa, nimis replent; hinc intumescencia abdominis, & praesertim regionis uterinæ hypogastricæ.

2°. Dolet uterus, quia nimis repleta vasa distractionem inferunt fibrillis nerveis, hæc distractio in consensum trahit uteri ligamenta; hinc uteri dolor ad lumbos, &c. extensus.

3°. Ex majori humorum collectione in vasis uterinis sequitur major partium attritus, & violentæ magis solidorum succussiones, unde illarum partium calor.

4°. Adest anhelosa respiratio, vel quia adaucta abdominis moles præpedit liberam diaphragmatis contractionem, vel quia variæ liquorum, partes, stagnantium, & vitiatorum ad pulmones trudentur. Hinc vasorum pulmonarium turgescencia, atque adeò diameter immixta vesicularum aerearum: hinc difficilis respiratio.

5°. Febris adest aliquando lipyria, quia à vasorum ingurgitatione intenditur intus humorum motus tumultuarius, dum spissitudinis ratione, quæ ad peripheriam corporis trudentur fluida, minori gaudent motu; unde febris lipyria, in quâ interiora quasi uruntur, dum exteriora frigent.

6°. Ex eodem capite desumi potest dolor internus capitis, & à segniori liquorum variorum ad cor refluxu, vel laceffito motu nimis violento tandem ineptum evadit cor ad contractiones edendas.

7°. Omnibus in pejus ruentibus, colligitur subito præternaturalis copia sanguinis aut in pulmonibus, aut in cerebro, aut in hepate aut in utero: unde

peripneumonia nunc, nunc phrenitis, nunc hepatitis, & frequenter gravis uterī inflammatio, hæmorrhagia narium, vomitus sanguinis, &c.

## *D I A G N O S I S.*

Ex supra dictis satis quidem patet hujus morbi diagnosi, nec cum ullo alio morbo potest confundi: nam data in uterinis vasculis sufficienti humorum copiâ, & statim post partum abolitione vel imminutione fluxûs lochiorum accedente cum notabili functionum læsione, stabilitur morbi natura & diagnosi: hinc ad differentiarum diagnostica signa deveniendum est. Et,

1°. Si subito sistatur lochiorum fluxus, vel si temporis successu imminuatur, vel si nulla remanserit illius gutta notabilis actu fluens, vel, &c. dignoscitur utrûm morbus consistat in imminutâ copia, vel in duratione contractâ, vel in abolitione, vel demum in suppressione tacitâ.

2°. Prout symptomata sunt lenia vel gravia, dignoscitur utrum morbus sit lenis, vel gravis.

3°. Perspecta solius hujus morbi symptomata, vel aliorum simul morborum signa, determinant utrûm morbus ille



simplex sit, vel complicatus: causarum verò diagnosi paulo difficilior est; interim tamen potest per conjecturas determinari. Nam,

2°. Si præcesserint tempore, quo incipit abortus, aut laboriosa parturitio, aliæ evacuationes, aut inedia, à quacumque proficiscatur causa, humorum defectus accusandus est, vel accusanda imminuta moles.

2°. Si mœror adfuerit, si pulsus lentus, parvus, debilis sit, si abdomen molle deprehendatur, retardatus humorum motus aut eorumdem spissitudo causa est.

3°. Si præcesserint notæ uteri obstructiones skirrhosæ vel ulcera, vel cicatrices, vel præsens inflammatio uteri, dignoscitur morbum produci à variâ vasorum resistantia, &c.

4°. Remedia nimis astringentia, inspissantia, coagulantia, & frigus quomodo-cumque susceptum, timor subitaneus, mœror, tristitia, aliæque ejusdem generis animi passionēs, indicant satis morbum produci ab absolutâ vasorum uterinorum constrictione.

## P R O G N O S I S.

Lochiorum suppressio præternaturalis

morbum constituit capite multiplici periculofum. Nam,

1°. Liquida in uterinis vasculis contenta per totum graviditatis spatium sedimenta relinquunt varia, variæque naturæ, quæ dum non excluduntur post partum, vel in toto corpore, quia massæ sanguinis miscentur, vel in particulis partibus luxuriant; unde strages variæ & sæpè lethales.

2°. Vasa, in quibus reconduntur illa fluida, præter naturam premuntur, confringuntur, dilacerantur, hinc inflammatio, ulcus, gangræna, &c.

3°. Symptomata gravia, quæ hanc suppressionem subsequuntur, ut inflammatio uteri, phrenitis, peripneumonia, &c. satis declarant morbum esse periculofum.

Verùm illa generalis hujus suppressionis prognosis variare solet juxta varias circumstantias. Et,

1°. Cateris paribus, minus portendunt periculum species illæ quæ pendent, aut à contracto tempore, aut ab imminutione evacuationis: majus verò periculum portendunt illæ, quæ consistunt in imminutâ copiâ aut in evacuationis abolitione.

2°. Minus periculosa est illa suppres-

sio, quæ mitia; quæ verò graviora habet symptomata conjuncta, magis periculosa est.

3°. Si cætera sunt paria, suppressio quæ propriis tantum stipatur symptomatibus, minus, magis verò gravis futura est illa, quæ & propriis & alienis simul stipari solet.

4°. Paulò quidem difficilius est diversam causarum prognosim stabilire, nam unaquæque causa, ad aliquos gradus extensa eandem affert vitæ formidinem.

Interim tamen nonnulla poterunt determinari distinctiva & generica, saltem illarum causarum signa prognostica: sic,

1°. Si cætera paria sunt, retardatus humorum motus minus portendit periculum, quam abolita vel etiam imminuta humorum copia.

2°. Sub pari restrictione suppressio lochiorum quæ pendet ab humorum spissitudine minus periculosa est illâ, quæ proficiscitur à vasorum uterinorum inveterata præsertim resistantiâ.

3°. Prout major est vis & energia causarum, absolutam vasorum uterinorum adductionem aut constrictionem producentium, & prout magis vel minus gravia producuntur symptomata, magis vel minus periculosa est suppressionis lochiorum prognosis.



*C U R A T I O.*

Ut instituat<sup>ur</sup> hujus morbi curatio, varia sunt consideranda. Tollenda, præprimis est vasorum uterinorum præternaturalis constrictio. Et in hoc consistit generalis indicatio morbi curatoria, causarum variarum ratio habenda, imo & urgentiorum symptomatum vehementiæ variæ.

1°. Verùm ut tollatur constrictio vasorum, causis illam producentibus prospiciendum est; si itaque pendeat morbus à penuria liquidorum, corrigendum cibi fastidium, restituenda appetentia, vel promovenda digestio, &c.

2°. Si retardetur humorum motus, stimulanda est cordis contractio, articularum elasticitas exsuscitanda, restituenda humorum moles, incidenda spissitudo, &c.

3°. Vasorum uterinorum resistentia tollenda, si dignoscatur, ratione habita ad varias causas, &c.

4°. Frangenda est energia causarum exterius vasa constringentium.

5°. Symptomata sunt mitiganda modo multiplici: sic in animi deliquiis, lenia cardiaca; in immani calore, refrigeran-

tia ; in pulsûs intensiōe , phlebotomiæ , sunt instituendæ.

Verum quandoquidem illa suppressio frequenter pendeat ab humorum spissitudine , aut vasorum crispatura simul aut seorsim : hinc diætâ præscribenda est tenuis, liquida & leviter incidens. Vesca-  
tur puerpera offis , panatellis , ovis for-  
bilibus , &c. pro potu ordinario sumat  
ptisanam sequentem.

℞. Radicum asparagi , & arundinis  
ana ℥ij. coque in aquæ fontanæ lbvj.  
ad quartæ partis consumptionem , sub  
finem coctionis infunde foliorum ci-  
chorei & borâginis ana m. j. coque per  
horæ quadrantem , fiat ptisana.

Bis in die sumat jusculum leniter in-  
cidens , aperiens , sub sequenti formulâ.

℞. Radicum pimpinellæ , saxifragæ,  
& fœniculi , ana ℥j. foliorum apii hor-  
tensis & nasturtii aquatici ana m. j.  
coque cum pullo juniore gallinaceo ;  
sub finem coctionis adde semen  
feseleos Massiliensis , milii solis , & pa-  
liuri , ana p. j. fiat jusculum.

Conveniunt & quoque venæ sectiones

in talo præscribendæ; in brachio verò si præsens vel brevi futura est uteri inflammatio.

Utiliter & quoque præscribuntur clysteres semel saltem quolibet die sub sequenti formula.

℞. Radicum apii & liliorum ana ℥ij. foliorum mercurialis & parietariæ ana m. j. coque in f. q. aquæ colaturæ ℥x. adde olei amygdalarum dulcium ℥ij. fiat clyster.

Nec omittenda sunt medicamenta externè applicanda & partibus mulierum pudendis & regioni hypogastricæ, sub formâ linimentorum, & fomentorum sive fotuum.

Lenes & quoque purgationes videntur convenire post aliquot dies: illarum purgationum formulæ omnibus notæ sunt.

Hujus curationis calci liceat aliqua subungere. Et,

I<sup>o</sup>. Quidem, dum pendet præcisè suppressio lochiorum à translatione humorum uterinorum ad mammas, vel nulla sunt præscribenda remedia, si puerpera voluerit nutrire, nisi adfuerint gravia symptomata, in quo casu ea instituenda sunt remedia, quæ inferiùs indigitabuntur, dum de febre lacteâ.



2°. Linimenta & fomenta componuntur ut plurimum ex iis quæ potestunt emollire & discutere, qualia sunt olea de croco, de cinnamomo, de spicâ nardica, de jasmino, amygdalarum dulcium, &c. fomenta verò ex decocto parietariæ, mercurialis, apii, &c.

3°. Nec negligenda sunt remedia sive auxilia peculiariora præsertim dum revocandus est, humorum ad uterum motus major, majorque copia, talia sunt partium infernarum frictiones, ligaturæ, cucurbitulæ, scarificationes, imò & pessaria, injectiones, unctiones, &c.

---

## C A P U T V I I.

*De Febre lactea. Morbi descriptio & definitio.*

**E**X hujus morbi symptomatum serie ritè perspectâ, desumenda est illius descriptio; itaque quatuor, quinque aut circiter elapsis post partum diebus, puerperas ut plurimum invadunt sequentia symptomata, oscitationes, pandiculationes, rigores, horrores, dolores vagi & erratici, sitis molesta, & dolorifica mammarum intumescencia.

His omnibus succedunt pulsus frequens, validus, irregularis, dolor capitis, universus corporis calor, aucta mammarum turgescencia, ita ut ad axillas extendatur, & venæ hætenus parum notabiles nigrescant ad sensum: accedentibus tamen lochiorum fluxu hætenus suppresso, vel sudoris quantitate requisitâ vel præsertim humoris lactei per papillas mammarum evacuatione libera, mitescunt plerumque laudata symptomata.

Verùm juxta jam laudata symptomata, numerosa nimis nec lubet nec licet hunc morbum definire.

Definiatur itaque illa febris continuæ species quæ puerperis accidit cum mammarum intumescentiâ præternaturali, aliisque ut plurimum symptomatibus variis.

### *MORBI DIFFERENTIÆ.*

Præcipuæ quidem hujus morbi differentiæ desumi poterunt, vel à diversâ morbi duratione, vel variâ symptomatum vehementiâ, vel earundem simplicitate aut compositione, vel demum ex causarum varietate, &c. Sic;

1°. Vel per breve tantum temporis, vel per longum fatis illius spatium per-

durare solet morbus ille; hinc una differentia penes diversam durationem.

2°. Vel lenia aut naturalia fatis, vel gravia sunt symptomata; hinc altera differentia penes symptomatum vehementiam.

3°. Aut solius morbi symptomata apparent, aut cum illis junguntur aliorum morborum symptomata: hinc differentia juxta simplicitatem aut complicationem.

4°. Vel à præternaturali vasorum uterinorum resistentiâ, vel ab eorundem constrictione violentâ, vel demum ab illorum naturali depletione, collapsu, & coalitu sobolescit, remotè saltem illa lactea febris: hinc tandem illius morbi differentia juxta causarum varietatem numerosam, sed de his statim.

### C A U S Æ.

Morbus ille, ut receptum fert illius nomen & recepta denominatio pro causa agnoscit proxima subitanæ redundantiam, aut humoris lactei aut præcipui lactis vehiculi irregularem & tumultuariam in tota sanguinis massa, & magis in ea quæ ad mammas transferri solet. Datâ enim illâ causâ in puerperis, datur



lactea febris cum intumescentiâ mammarum, & cæteris plerumque symptomatibus, sublataque tollitur, aut cessat illa febris species.

Illa quidem causa proxima febris lacteæ licet ab quam plurimis aliis proficiscatur causis, illas tamen omnes, ad tres tantum juvat reducere, ad præternaturalem vasorum resistantiam, ad constrictionem violentam, & ad eorundem naturalem collapsum, depletionem, & quasi coalitum.

1°. Itaque dum appellentibus post partum liquidis ultra modum resistunt uterina vascula, per collaterales ramos truduntur liquida, & præsertim lactis vehiculum, unde illius redundantia in humorum massa. Resistunt autem uterina vasa vel quia cicatricibus indurantur, vel quia convulsionibus constringuntur aut crispantur, vel quia ulceribus depascuntur, vel tumoribus variis infestantur, vel inspissatis liquidis irrorantur, &c.

2°. Ex violentâ constrictione vasorum uteri occluditur via fluxuris alioquin, per vasa, liquidis: hinc eorum redundantia, & sæpè lactea febris prava admodum. Hanc constrictionem pariunt varia remedia astringentia, acida, aciescentia, frigus, injectiones variæ, &c.

310      *Traſtatus Pathologicus*  
de quibus alibi fuſius actum eſt.

3°. Tandem (& in ſtatu conſueto & naturali magis hoc ſolet accidere) duobus, tribuſve poſt partum diebus, & liberè haſtenus fluentibus lochiis, jam ſenſim minuuntur, & qua proportione immi-  
nuuntur, deplentur uterina vaſcula & quâ  
proportione deplentur collabefcunt, &  
inde partium dilatatarum accellus ſive  
inde coalitus: hinc lactei humoris vel  
vehiculi lactei motus tumultuarius ſan-  
guineæ maſſæ communicandus & præſer-  
tim liquorum moli ad mammas tendenti,  
ob commercium intimum vaſa inter ute-  
rina & ſanguifera mammarum vaſcula;  
hinc febris lactea & diverſa illius ſym-  
ptomata, ut patebit ex dicendis.

#### *SYMPTOMATA.*

Præcipua tantum hujus morbi ſym-  
ptomata explicationi exponemus; cæ-  
tera enim, vel per ſe patent, vel ex alio-  
rum explicatione pateſient.

1°. Enim dum uterina vaſcula, viam  
renuunt liberam liquidis fluentibus,  
reſiſtentia eſſe tur liquidis, per pulmo-  
nes, & muſculos circulantibus: hinc il-  
lorum ibidem ſtaſes, atque adeò inaf-  
ſuetum pondus; quod, ut dimoveatur,

vel sagax natura, sibi semper & suæ ut plurimum conservationi provida, varios exerit conatus: hinc oscitationes, & pandiculationes.

2°. Rigores & horrores subsequuntur, quia liquores qui in utero retinebantur, sanguini permiscuntur, illiusque motum subito obtundunt, hinc & ob imminutum motum, & ob subitaneum impetum vasculis continentibus oblatum, frigus & horripilatio.

3°. Dolores subsequuntur vagi & erratici, quia jam à vasorum repetitis contractionibus fluida magis moventur & calefiunt, unde maior stimulus nervosos funiculos distrahens, nunc in una nunc in alterâ parte prout major fuerit dispositio vulgo dicta: hinc dolores vagi, & erratici, &c.

4°. Ob tumultuosum humorum motum liquida perlustrantia linguam & imas fauces, vel ob majorem spissitudinem, fibrillas non possunt attingere, ut eas demulceant, vel ob majorem motûs impetum, sufficientem non trahunt moram, ut fiat satis ampla & profunda depositio succi salivalis; unde crispatio illarum fibrillarum, atque adeò sitis morbofa.

5°. Intumescunt mammæ, quia major proportionem datâ humoris lactei, vel ejus-



dem vehiculi copia ( ob rationes superiùs allatas ) ad mammas determinatur , quæ , dum nimis replentur collateralia premunt vascula : hinc tumor ad axillas extensus , venarum nigredo , &c.

6°. Fit febris , quia major humorum moles , canales reducentes sive venosos ductus , tranantes , majores & frequentiores cordis dilatationes sollicitant : hinc frequentior , violentior ac magis irregularis arteriarum motus , & inde febris : ex eo capite desumi poterunt dolores capitis , corporis universalis calor , &c.

70. Verùm accedente evacuatione aliquâ notabili , lactei præsertim humoris per mammarum papillas , sudoris , alvi fluxûs , lochiorum , purgationis menstrualis , urinæ , salivæ , &c. nihil mirum si subitò vel cessent vel mitescant omnia jam exarata febris lacteæ symptomata. Si verò tales non apparuerint evacuationes , varia subsequi solent mala.

### *D I A G N O S I S.*

Febris quidem lactea satis patet ex supra dictis : nihilominus tamen juvat illam distinguere à febribus , cum quibus confundi potest ; & deinde conabimur distinguere varias illius differentias , & ,

1°. Potest puerperis accidere aut febris ephemera, aut synochus simplex aut febris putrida: verum ab illis distinguitur febris lactea ob tumescentiam mammarum, ob lactis fluxum per mammarum papillas, ob contractam illius durationem, & demum ob absentiam variorum symptomatum putredinem indicantium, quæ tamen si acciderint puerperis cum mammarum turgescentiâ, & præsertim lactis fluxu, ut accidit non rarò, tunc febris lactea complicabitur cum febre putridâ.

2°. Per durationis differentiam dignoscitur utrum sit brevis vel longa illa febris species licet rarò longa sit ratione sui.

3°. Ratione diversæ symptomatum vehementiæ cognoscitur utrum morbus sit levis vel gravis.

4°. Ratione propriorum tantum, vel aliorum morborum symptomatum miscelæ dignoscitur utrum morbus sit simplex vel complicatus.

5°. Ex prægressis & plerumque chronicis uteri affectibus, vel ex iis quæ tempore partûs tantum supervenere accidentia, vel ex pacatâ satis symptomatum serie, brevique cessurâ, dignoscitur utrum à vasorum uterinorum resistentiâ,

vel ab illorum violentâ constrictione, vel tandem à naturali eorumdem vasorum depletione, collapsu & gradario coalitu pendeat illa febris lactea.

### *P R O G N O S I S.*

Febris lacteæ prognosis, seu eventus illius morbi varius est ob diversarum circumstantiarum varietatem: nam,

1°. Cum febris illa simplex est, minus portendit periculum, quam cum complicata est, cæteris semper paribus.

2°. Cum lenia sunt symptomata, minus; quando verò graviora sunt, magis periculosa est morbi prognosis.

3°. Cum varias uterinorum vasorum resistentias, constrictiones eorumdem multifarias sequitur febris lactea, æque ad minus periculosam habet prognosim, ac morbi illi quorum effectus est, & morbi illi penes signa prognostica solent variare ratione, graduum, intensiorum, causarum, symptomatum, durationis, &c.

4°. Dum febris lactea producit præcisè à vasorum uterinorum depletione, & quod depletio illa sequatur exactè naturalem lochiorum fluxum, & vasorum nativum collapsum & quasi coalitum.



agnoscit pro causâ, morbus ille tanquam quid naturale ( nisi læsio functionum præpediret ) spectandus est.

5°. Verum si illa febris species aut jungatur cum primarum viarum saburrâ, putredine, &c. aut varias tumorum species in mammis producat, qui nunc skirrhusi, nunc œdematosi, nunc phlegmonodei sunt ( licet prognosis febris parum gravis sit, vel imò omninò cesset morbus, ratione tamen illorum tumorum, qui tanquam, totidem consequentiæ morbi, spectandi sunt, variat plurimum eventus, & eventus ille plurimum dependet à diversâ & sæpè prægressa humorum dispositione.

### C U R A T I O.

Lactææ febris indicationes curatoriaæ aliquandò variaæ sunt, aliquando nullæ; nam,

1°. Dum vasorum uterinorum resistentia solito major causa est illus febris; examinandum sedulo in quo consistat illa resistentia: si enim proficiscatur à cicatricibus, ulceribus, tumoribus, structurâ tunicarum coriaceâ, &c. remediorum sive auxiliorum genera varia & peculiaribus illis causis profligandis adaptata,

sunt in usum vocanda ; verum si , aut illarum causarum , aut remediorum convenientium examen aggrediremur, in immensum extenderetur nostra febris lacteæ disquisitio , &c.

2°. Dum natales ducit febris illa à violentâ constrictione vasorum uterinorum , tot ferè sunt indicationes curatoriæ , quot sunt modi juxta quos vasa illa constringuntur. Interim tamen generalis indicatio in eo consistit , ut occlusæ viæ aperiantur : sed aperiendi norma multiplex est , ut superius diximus dum de suppressione lochiorum à tali causâ originem ducente sermo erat.

3°. Verùm si post finitum jam lochiorum fluxum naturalem , nativum vasorum uterinorum collapsum , & gradario passu incipientem coalitum eorundem accedat lactea febris intra debitum tempus , & citra gravia symptomata , tum quoad intensiorem , cum quoad durationem , profecto nulla est curatoria indicatio , status enim ille licet morbosus dicatur , quia læsio adest functionum , naturalis tamen , quoad effectus , & usus , censendus est , sicut & dolores qui parturitionem etiam naturalem concomitantur , symptomata quæ conceptioni , sociantur ; &c. Nihilominus tamen in

ipsâ etiam quasi naturali febre lacteâ duo sunt necessario considerata, intensio nimirum symptomatum & morbi consequentiæ.

1°. Itaque si vehementia symptomatum nimis intendatur, instituenda diæta tenuis, liquida & refrigerans, injiciendi clysteres ejusdem naturæ, & celebrandæ venæ sectiones, &c. De talibus autem remediis supra fusiùs egimus & simul de eorum formulis: hinc inutile foret ea repetere.

2°. Consequentiæ plerumque respiciunt mammarum tumores qui vel præcaventur vel qui semel facti, & formati curari debent, ut præcaveantur, iterandæ sunt venæ sectiones, iterandi clysteres, præscribenda lenia cathartica, & remedia mammis applicanda, quæ aliquam offerunt resistantiam liquoribus, ad mammas violenter appellentibus: hinc fovendæ sunt mammæ decocto mentæ, absinthii minoris, chamædryos chamomæmeli, &c. fomentis urinæ recentis, vini rubri tepidi, &c.

Verùm si hæc omnia sine ullo præscribantur successu, & tumor mammarum subsistat calens, dolens, &c. applicetur statim cataplasma sequens vel similis.



℞. Micæ panis albi f. q. coque in lactis ℥ij. adde vitellos ovorum n°. ij. croci orientalis p. ij. fiat cataplasma & renovetur.

At si omnia in pejus ruant, nec tumor mammarum resolvatur, illius suppuratio omni operâ promovenda est, hinc applicanda sunt suppurantia sub cataplasmatum formâ.

℞. Radicum althææ & liliorum ana ℥ij. coque ad putrilaginem foliorum acetosæ & acanthi ana m. ij. coque sub cineribus ad putrilaginem. Pulpæ utrorumque per setaceum trajectæ adde unguenti basilici, & fermenti veteris ana ℥j. olei liliorum f. q. fiat massa cataplasmatum.

Verùm dum tempore, quo promovetur tumefactæ partis suppuratio, dolores sæpè intenduntur & vigiliæ molestæ admodum sint, instituendus, imò renovandus est julepus narcoticus sequens aut consimilis.

℞. Aquarum liliorum & portulacæ ana ℥ij. sirupi papaveris albi ℥vj. aquæ

florum aurantiorum ℥ij. fiat julepus.

Jam verò apparentibus factæ suppurationis signis, quæ plerumque manifestantur mollitie, fluctuatione, aliquali albedine, &c. pars magis declivis lanceola aperienda est, ut puri exiturienti via concedatur libera.

Deinde per aliquot dies tenenda est facta amplitudo aperta, turundarum ope, ovorum vitellis, & oleo rosaceo illinitarum.

Injectiones quoque bis aut ter in die deterisivæ injiciendæ sunt qualis est sequens.

℞. Decocti hordei & hyperici partes æquales mellis rosacei ℥ij. fiat injectio.

Hinc jam propositæ febris lacteæ curationi generali juvat subnectere annotationes nonnullas. Et,

1°. Quidem loco cataplasmatum jam præscriptorum suppurantia aliquando simplicia substitui poterunt, quæ & præ manibus facilius reperiuntur, & quæ operatos sæpè producant effectus. Talia sunt sub cineribus cocta folia acetosæ, radi-

ces liliorum coctæ, cæpa alba pariter cocta cum theriaca veteri, aut terebinthina, limaces è cochlea separati & sufficienter contusi, &c.

2°. Ut melius & efficacius detergatur ulcus sæpè, in hac præsertim regione, mira præstant injectiones ex aquis Bellilucanis, ex aquis Baregensibus, &c. & in omnibus regionibus decoctiones absinthii minoris, scordii, chamædryos, &c.

3°. Eodem quoque tempore, laxanda est alvus aut clysteribus aut purgationibus sæpè iterandis, &c.

## C A P U T V I I I.

*De Dolorificis, aut saltem visu tactuque sædis mammarum & abdominis post partum rugis. Morbi descriptio & definitio.*

**E**Lapso tertio graviditatis mense, dum gravidæ præsertim primiparæ & juniores sunt, sensim grandescens fetus, partibus quibus constat magis aut minus expansis, magis & quoque aut minus duris, multifariam premunt & distendunt flexibilia abdominis tegumenta, illo tamen



ordine , ut aliæ distendantur magis , dum vicinæ liberæ vel quasi liberæ reperiuntur partes illorum tegumentorum.

Verùm dum uterus sarcinâ liberatur , cessant causæ abdominalia viscera distendentes , & dilatantes ; hinc illarum partium collapsus , plicas , rugasque efformans , nunc flavas , virides modo , aliquando pallidas , nonnunquam nigras , &c. nunc citra dolorem ullum , nunc verò cum dolore multiplici , &c.

Pari , vel parum absimili modo , quâ proportionem in mammis incipit gradatim colligi lactea materies & præsertim post partum , dum incipit & exasperatur lactea febris , inæqualiter glandulosa mammarum substantia diversimodè repletur , dilatatur , distenditur ; hinc vel ante partum sed præsertim excluso fetu , varii mammarum , & præcipuè juxta earum papillas , sulci , rimæ variæ , & rugæ diversi generis , diversi coloris , plerumque inflammatae , sæpè ulceratae , &c. Hæc itaque est generalis illarum rugarum descriptio , quæ tamen breviori prorsus methodo poterunt definiri.

Sunt itaque abdominis & mammarum , aut tegumentorum illarum partium sulci præternaturales à graviditate oriundi , & symptomatibus , aut tactu , aut visu ,

*MORBI DIFFERENTIÆ.*

Præcipuæ hujus morbi differentiæ desumi poterunt ex diverso tempore, quo accedit, & diversitate symptomatum & ex causarum varietate.

1°. Itaque vel tempore graviditatis vel post partum accedit morbus ille: hinc differentia morbi penes diversum tempus quo solet accidere.

2°. Nunc plumbeæ, nunc flavæ, nunc virides, &c. apparent partes affectæ, aliquando doloris expertes, aliquando dolorificæ admodum, imò inflammatæ, aut ulceratæ fiunt partes: hinc altera differentia juxta symptomatum varietatem.

3°. Vel ex repletionem uteri & mammarum, vel ex diversâ partium contentarum duritie, aut aucto motu, vel ex ipsorum tegumentorum flexibilitate fofolescit morbus ille: hinc altera illius differentia juxta causarum diversitatem sed jam fusiùs de illis.

*CAUSÆ.*

Licet nullius ferè momenti sit hujus morbi causam proximam & immedia-

tam stabilire, nihilominus tamen, ne videamur à consuetudine propositâ jam in ultimo horumcè morborum cursu, recedere; dicimus causam hujus morbi proximam esse distensionem inæqualem tegumentorum abdominis & mammarum, graviditatis tempore, aut febris lacteæ incurfu, aut demum eorundem tegumentorum subitaneo collapsu post fetûs exclusionem aut lactis per mammarum papillas evacuationem, aut illius liquoris ad alia corporis cola derivationem.

Hanc causam inducunt variæ aliæ: sed illas reducemus ad peculiare tantum, ad repletionem nempe uteri & mammarum, ad duritiem partium contentarum, aut inæqualem molem & tandem ad tegumentorum flexibilitatem variam, &c.

1°. Itaque dum in primiparis tumescit uterus, aut in aliis ab aucto fetuum numero, aut à lactis impetu & mole dilatantur mammæ, expanduntur illarum partium tegumenta & variè variasque efformant in collapsu rugas; hinc repletio uteri, & mammarum, & illarum partium collapsus causa est illarum rugarum, &c.

2°. Ex inæquali duritie fetûs, partium,



capitis nimirum manuum, pedum, &c. sequitur necessariò violentior uterinorum tegumentorum expansio, & distensio inæqualis; idem & quoque mammis accidit, vel ob inæqualem lactis distributionem vel ob glandularum figuram & interstitia varia: hinc altera rugarum causa.

3<sup>o</sup>. Pro majori tegumentorum tenuitate & flexibilitate, minùs resistunt, aut pressioni à fetu inductæ aut mammarium glandularum expansioni: hinc vividiores impressiones, & in expansione & in collapsu tegumentorum: hinc altera dispositio rugarum formationi non parum favens.

### *S Y M P T O M A T A.*

Perpauca ut plurimum sunt hujus morbi symptomata, præcipua saltem, partium nimirum eminentiæ & cavitates, diversicolores, nunc nulli, nunc grâves dolores, aliquando inflammationes, & ulcera, &c.

1<sup>o</sup>. Rationibus jam allatis, aliæ tegumentorum abdominalium & mammarium partes magis tenduntur, dum vicinæ liberæ sunt: hinc eminentiæ, & cavitates variæ, seu fulci varii.

2°. Prout diversi generis vasa tenduntur aut libera redduntur, vel prout diversa est tensionis intensio, aut varia est liquorum in vasis contentorum dispositio, compositio, diversa quoque futura est circulantium per partes rugosas liquorum superficies, hinc diversicolores.

3°. Prout nullo modo vel violenter distrahuntur fibrillæ nerveæ. vasis compressis & distentis intertextæ: hinc vel nulla adest dolorifica sensatio, vel dolores varii sunt.

4°. Pro minori tegumentorum resistentiâ, & pro diversâ humorum dispositione inflammatoriâ nunc inflammationes variæ, & ulcera multigena, &c.

### *DIAGNOSIS.*

Diagnosin certè hujus morbi ex dictis patet, tactu aut visu demonstratur, atque adeò ulteriori vix indiget indagatione. Nam quod spectat differentiarum diagnosin, illa profectò vel parum attendenti clara satis futura est. Sic,

1°. Si rugæ illæ aut graviditatis tempore, aut post partum tantum appaeruerint, dignoscitur diversum morbi tempus.

2°. Quod respicit diversos rugarum

### *Tractatus Pathologicus*

colores, hoc dignosci potest vel visu vel ægrarum relatu.

3°. Factâ & quoque reflexione seriâ, dignoscitur utrum simplex repletio uteri, aut mammarum aut partium contentarum durities, motus inæqualis, aut inæqualis superficies, aut tandem tegumentorum minor resistantia, aut seorsim aut simul morbum producat.

### *P R O G N O S I S.*

Hic morbus ratione sui parum periculofus est, interim tamen non omninò negligendus est, quia & parum gratos relinquit sulcos in abdomine, & in mammis rugas sæpè inflammatas, & non numquam ulceratas, & dolores excitantes & febres diversæ naturæ sollicitantes, & lactis dispositionem variis modis alterantes, & mammarum papillas decurtantes & sæpè depascentes, & demum recens natæ prolis suctionem laboriosam reddentes, &c.

### *C U R A T I O.*

Hujus morbi indicationes curatoria in eo versantur, ut præpediatur actio causarum tegumenta abdominis & mam-



marum modis variis tendentium, aut ut tenfa hæc tegumenta molliora reddantur, eo nimirum fine, ut facilius patiantur corporum tendentium impetus & ut æquabilior reddatur, in illis, humorum circuitus.

At primæ indicationi nequit satisfacere medicus, nulli enim licitum est, partes fetûs in utero diversimodè expansas retrahere, obtundere, comminuere, nec vis lactis mammas expandentis infringi aut debilitari semper debet.

Hinc alteri tantum indicationi proficiendum est. Illa autem indicatio adimpletur fomentationibus, unguentis, & linimentis variis & intra & extra graviditatis terminos sæpè applicandis.

Graviditatis tempore præpediuntur illæ rugæ, si partes sæpè illiniantur oleo ovorum, aut oleo lini aut oleo amygdalarum dulcium, &c.

Post partum factæ jam rugæ tolluntur, adipe hedino, oleo hyperici, oleo amygdalarum dulcium cum paucâ quantitate ceræ novæ, & sufficienti quantitate aquæ rosarum ita ut unguentum efformetur.

Vidi mammarum rugas inflammatas, & ulceratas, intra viginti quatuor ho-

328 *Traētatus Pathologicus , &c.*

rarum, fanatas , spatium , cerato Galeni,  
quod confici solet ex quatuor partibus  
olei rosacei, & parte unâ ceræ albæ , &  
noyæ.

*F I N I S.*

*APPROB.*

---

## A P P R O B A T I O N.

**J'**AI lu par ordre de Monseigneur le Chancelier, *Traëtatus Pathologicus de affectibus fæminarum, &c.* & n'y ai rien trouvé qui puisse en empêcher l'Impression.

GUETTARD.

---

## P R I V I L E G E D U R O I.

**L** OUIS, par la grace de Dieu, Roi de France & de Navarre: A nos amés & feaux Conseillers les gens tenans nos Cours de Parlement, Maître des Requêtes de notre Hôtel, Grand Conseil, Prevôt de Paris, Sénéchaux, leurs Lieutenans Civils & autres nos Justiciers qu'il appartiendra: SALUT, notre amé LAURENT DURAND, Libraire à Paris, nous ayant fait exposer qu'il desiroit faire imprimer & donner au public des ouvrages qui ont pour titre, *Traité historique de la souveraineté du Roi & des droits en dépendans, à commencer à l'établissement de la Monarchie jusqu'à 1751. Essais philosophiques sur la nature du feu & sur la nature de la philosophie. Principes sur les mouvemens des corps célestes, de la lumiere des corps terrestres,*

P



par M. Trabaud. Regles pour former un  
Avocat, tirées des plus célèbres auteurs an-  
ciens & modernes. Protogée, dissertation sur  
la forme ancienne de la surface de la terre.  
*Traëtatus Pathologicus de affectibus fœmi-  
narum præternaturalibus* autore DD. Ge-  
rardo Fitzgerald Regio Consiliario & Me-  
dico. Lettres sur la Mineralogie & la Mé-  
tallurgie par M. Diederik Wessel-Linden,  
dédiées au Comte d'Halifax. Si nous plai-  
soit lui accorder nos Lettres de Privilège  
pour ce nécessaires : A ces causes voulant  
favorablement traiter l'exposant, Nous  
lui avons permis & permettons par ces  
présentes de faire imprimer lesdits Ouvra-  
ges autant de fois que bon lui semblera,  
& de les vendre, faire vendre & debiter  
par tout notre Royaume pendant le tems  
de douze années consécutives, à compter  
du jour de la date des présentes : Faisons  
défenses à tous Imprimeurs, Libraires &  
autres personnes de quelque qualité &  
condition qu'elles soient d'en introduire  
d'impression étrangère dans aucun lieu de  
notre obéissance ; comme aussi d'imprimer  
ou faire imprimer, vendre faire vendre,  
debiter ni contrefaire desdits ouvrages, ni  
d'en faire aucuns extraits sous quelque pré-  
texte d'augmentation, correction, chan-  
gements ou autres, sans la permission ex-  
presse & par écrit dudit Exposant, ou de

ceux qui auront droit de lui , à peine de confiscation des exemplaires contrefaits , de trois mille livres d'amende contre chacun des contrevenans , dont un tiers à Nous , un tiers à l'Hôtel-Dieu de Paris , & l'autre tiers audit exposant ou à celui qui aura droit de lui , & de tous dépens , dommages & intérêts ; A la charge que ces présentes seront enregistrées tout au long sur le Registre de la Communauté des Imprimeurs & Libraires de Paris dans trois mois de la date d'icelles , que l'impression desdits ouvrages sera faite dans notre Royaume & non ailleurs en beau papier & beaux caracteres , conformément à la feuille imprimée attachée pour modèle sous le contre-scel des présentes , que l'impétrant se conformera en tout aux Réglemens de la Librairie , & notamment à celui du 10 Avril 1725 ; qu'avant de les exposer en vente les manuscrits ou imprimés qui auront servi de copie à l'impression desdits ouvrages , seront remis dans le même état où l'approbation y aura été donnée ès mains de notre très-cher & féal Chevalier Chancelier de France le Sieur de Lamoignon , & qu'il en sera ensuite remis deux exemplaires de chacun dans notre Bibliothèque publique , un dans celle de notre Château du Louvre , un dans celle de notredit très-cher & féal Cheva-

lier Chancelier de France le Sieur de Lamignon, & un dans celle de notre très-cher & féal Chevalier Garde des Sceaux de France le Sieur de Machault, Commandeur de nos Ordres, le tout à peine de nullité des présentes; du contenu desquelles vous mandons & enjoignons de faire jouir ledit exposant & ses ayans causes pleinement & paisiblement sans souffrir qu'il leur soit fait aucun trouble ou empêchement; Voulons que la copie des présentes qui sera imprimée tout au long au commencement ou à la fin desdits ouvrages soit tenue pour dûement signifiée, & qu'aux copies collationnées par l'un de nos amés & féaux Conseillers Secrétaires foi soit ajoutée comme à l'original: Commandons au premier notre Huissier ou Sergent sur ce requis de faire pour l'exécution d'icelles tous actes requis & nécessaires sans demander autre permission, & non-obstant clameur de Haro, chartre Normande & lettres à ce contraires: Car tel est notre plaisir. Donné à Versailles le vingt-huitième jour du mois de Mai l'an de grace mil sept cens cinquante-trois; & de Notre Regne le trente-huitième. Par le Roi en son Conseil.

SAINSON.











